

OO

MEYO ACHIMOOWIN

ST. MATTHEW.

THE GOSPEL

ACCORDING TO

ST. MATTHEW ;

TRANSLATED INTO THE LANGUAGE OF THE
CREE INDIANS,

OF THE DIOCESE OF RUPERT'S LAND,
NORTH-WEST AMERICA,

BY

THE VENERABLE JAMES HUNTER, D.D.,

LATE ARCHDEACON OF CUMBERLAND, RUPERT'S LAND.

LONDON :

PRINTED FOR

THE BRITISH AND FOREIGN BIBLE SOCIETY.

1877.

Made in England

A KEY TO THE ORTHOGRAPHY.

VOWEL SOUNDS.

<i>ā</i>	sounded as	<i>a</i>	in	hate.
<i>æ</i>		<i>a</i>	...	far.
<i>e</i>		<i>e</i>	...	me.
<i>i</i>		<i>i</i>	...	pin.
<i>i</i>		<i>i</i>	...	thine (when final).
<i>oo</i>		<i>oo</i>	..	moon, move.
<i>u</i>		<i>u</i>	...	but, tub.
<i>ew</i>		<i>u</i>	...	pure.
<i>ow</i>		<i>ow</i>	..	now.

CONSONANTS.

<i>g</i>	sounded as	<i>g</i>	in	get.
<i>h</i>		<i>h</i>	...	hard, hat.
<i>k</i>		<i>h</i>	...	keg.
<i>m</i>		<i>m</i>	...	me.
<i>n</i>		<i>n</i>	...	net.
<i>p</i>		<i>p</i>	...	put.
<i>s</i>		<i>s</i>	...	sin.
<i>t</i>		<i>t</i>	...	time.
<i>w</i>		<i>w</i>	...	was.
<i>y</i>		<i>y</i>	...	your.
<i>y</i>		<i>y</i>	...	my (when final).
<i>ch</i>		<i>ch</i>	..	much, chicken.
<i>kw</i>		<i>kw</i>	..	awkward.
<i>st</i>		<i>st</i>	...	stick.
<i>pw</i>		<i>pw</i>	..	upward.

OO MEYO ACHIMOOWIN

ST. MATTHEW.

PISKÊTUSSINÂHIKUN I.

MUSSINÂHIKUN itta ā wêtumeék ka pā uniskā
ôcheet Jesus Christ, David oo koosisa, Abra-
ham oo koosisa.

2 Abraham kê nêtawekehão Isaac; mena
Isaac kê nêtawekehão Jacob; mena Jacob kê
nêtawekehão Judas mena oo chewameyewa;

3 Mena Judas kê nêtawekehão Phares us-
sitche Zara Thamara ôche; mena Phares kê
nêtawekehão Esrom; mena Esrom kê nêta-
wekehão Aram;

4 Mena Aram kê nêtawekehão Aminadab;
mena Aminadab kê nêtawekehão Naason;
mena Naasson kê nêtawekehão Salmon;

5 Mena Salmon kê nêtawekehão Booz Ra-
chaba ôche; mena Booz kê nêtawekehão
Obed Rutha ôche; mena Obed kê nêtawe-
kehão Jesse;

6 Mena Jesse kê nêtawekehão David ka kê
Kêche Ookemawit; mena David ka kê Kêche
Ookemawit kê nêtawekehão Solomon unehee
ka kê weeweyit Uriasa ôche;

7 Mena Solomon ké nêtauwekehão Roboam ;
mena Roboam ké nêtauwekehão Abia ; mena
Abia ké nêtauwekehão Asa ;

8 Mena Asa ké nêtauwekehão Josaphat ;
mena Josaphat ké nêtauwekehão Joram ; mena
Joram ké nêtauwekehão Ozias ;

9 Mena Ozias ké nêtauwekehão Joatham ;
mena Joatham ké nêtauwekehão Achaz ; mena
Achaz ké nêtauwekehão Ezekias ;

10 Mena Ezekias ké nêtauwekehão Ma-
nasses ; mena Manasses ké nêtauwekehão
Amon ; menah Amon ké nêtauwekehão Josias ;

11 Mena Josias ké nêtauwekehão Jechonias
mena oo chewameyewa, nantow ākospe ka
itoôtaheêchik Babyloník :

12 Ākose ka paseêchik Babyloník, Jecho-
nias ké nêtauwekehão Salathiel ; mena Salathiel
ké nêtauwekehão Zorobabel ;

13 Mena Zorobabel ké nêtauwekehão Abiud ;
mena Abiud ké nêtauwekehão Eliakim ; mena
Eliakim ké nêtauwekehão Azor ;

14 Mena Azor ké nêtauwekehão Sadoc ; mena
Sadoc ké nêtauwekehão Achim ; mena Achim
ké nêtauwekehão Eliud ;

15 Mena Eliud ké nêtauwekehão Eleazar ;
mena Eleazar ké nêtauwekehão Matthan ; mena
Matthan ké nêtauwekehão Jacob ;

16 Mena Jacob ké nêtauwekehão Joseph
Mary oo napāma Jesus ka oo kaweeet, Christ
ka issenīkasoot.

17 Āwuk' ôche maka Abraham ôche peyis

David isko nāōsap metatútaw uniskā nēta-wekehitoowuk; mena David óche peyis eyekoók ka itoótaheétkhik Babyloník nāōsap metatútaw uniskā nēta-wekehitoowuk; mena ka itoótaheétkhik Babyloník peyis eyekoók Christ nāōsap metatútaw uniskā nēta-wekehitoowuk.

18 ¶ Akwa oo nēta-wekewin Jesus Christ omisse ké ékineyew: Oo kaweya Marywa assi ā ké kiskemayit Josepha, ā moyā wechātooyit, assi kwyach oot ayawa owasisa ka Kunatissit 'Achák óche.

19 Akose Josepha oo napama, kwiusk ā itatissit napāo, mena āka ā itāyétúk kitta ayimehat kákeyow kitta kiskāyétumoót, ké itayétum kitta pukitinat kemooch.

20 Maka mākwach ā mamitoonāyétúk āwuko, wáche oteétikoot oot utooskāyakuneyewa ka Tipāyéhekāyit ā powatúk, omisse itik, Joseph, David oo koosisa, ākaweya koosta kitta otinumasooyun Mary ke'wa: unehee ka kekeskowat ka Kunatisseyit 'Achák óche.

21 Akose kitta nēta-wekehāo oo koosisa, Jesus ke ga issenikatimawa: weya kitta pima-chehat oot eyineema oo muchétewineyeék óche.

22 Akose tapwā ka ékeék, kitta tipepuyeyik ā ké itwāhat ka Tipāyéhekāt oo kiskewāhikāwa, omisse,

23 Ooskenekiskwāo owasisa kitta ayawāo, mena kitta oo koosisew Emmanuel maka kitta

isseníkatāwuk, āwuko unne, Kissā Muneto ke wechākoonow ā itwaník.

24 Ākose Joseph ā kooskooskat ké totum ka ké itikoot oot utooskāyakuneyewa ka Tipā-yéchekāyit, ākose otinumasoo we'wa:

25 Mena numoweya óche kiskāyimāo pe-yis eyekoók ka nētawekehat oo nistum oosana : ākose Jesus isseníkatāo.

PISKĒTUSSINĀHIKUN II.

ISPE Jesus nātawekit Bethlehemík Judea māk-wach ā Kéche Ookemawit Herod, wáche, tukooseékik yipwákaw eyinewuk Jerusalemík wapunoók óche,

2 Omisse ā itwātchik, Tanewa ka ké nētawekit ka Kéche Tipāyimat Jewa ? ne ké wapumimanan oot útchúkooma wapunooták ā ayayák, ne pāche putuppeestowanán.

3 ¶ Ispe Herod Kéche Ookemaw ka pātúk āwuko mikooskachehik, mena kákeyow túto Jerusalemík āyatchik ussitche.

4 Ākose ka mamowe nutoomat kákeyow Kéche Ayumehāwekemawa mena ka Mussinā-humowayit ooyussoowāwina eyinewa mamowe, kukwāchimāo tanta Christ kā nētawekit.

5 Ākose omisse itāwuk, Bethlehemík Judea: ākose ā itussināhikatak ā ké itwāt ookiskewāhikāo.

6 Keya Bethlehem, Juda itta ka ayak, numoweya ke ga mawutche upistāyétakoosin ka

itussit wākemawit Juda : weya ākota kitta ōcheet Kéche Ookemaw, ka tipāyimat net eyineema Israel.

7 Ākose Herod, ka kemooch nutoomat yip-wākaw eyinewa, kukwāchimāo metoone tan-eyekoók ka nookooseyit ūtchúkoosa.

8 Ākose isitissāwāo Bethlehemík, omisse itāo, neyak nunatoonák metoone ooskowasis ; ké miskowāko maka, mena pā wétumowékāk, kitta itoótāyan mena kitta putuppeestowuk neesta.

9 ¶ Ka pātowatchik Kéche Ookemawa, sip-wātāwuk ; ākose, ūtchúkoosa, ka ké wapumat-chik wapunoók ā ayatchik, nekanoótakwuk, peyis eyekoók itta ā ayayit ooskowasisa isko.

10 Weāpumatchik ūtchúkoosa, ké meywā-yétumwuk naspitch ké mumátakoosewuk.

11 ¶ Ākose ka peétokwāchik waskahikun-ík, wapumāwuk ooskowasisa ussitche Marywa oo kaweyewa, utte 'se ooteétuppeestowāwuk, mena putuppeestowāwuk : ākose ka apahúikik oot ayanewawa, pukitinumowāwuk mākewina ; oosawe sooneyawapisk, mena wékemakoowina.

12 Mena ā ké itikootchik Munetoowa ā nipatchik āka mena kitta natatchik Herod, sipwātāwuk ā kewāchik oot uskeewák petoos ittā.

13 Ākose ka sipwātāchik, wāche, oteétikoot Joseph oot utooskāyakuneyewa ka Tipāyéche-kāyit ā nipat, omisse itik, Wuniska, otin oos-kowasis mena oo' kaweya, Egypt ittā itamoo,

ākose ākota aya eyekoók kā wētumatan:
Herod kitta nutoonum kitta nissewunachehat
ooskowasisa.

14 Ka wuniskat, otināo ooskowasisa mena
oo kaweyewa nipatipisk, ākose Egypt itta
itoótāo:

15 Ākose ākota ayaw eyekoók ka nippeyit
Herod: kitta ké tipepuyik ā ké itwāhat ka
Tipāyéchekekāt ookiskewāhikāwa, omisse, Egypt
itta óche ne ké nutoomaw ne koosis.

16 ¶ Ākose Herod, kāsāyétúk ā kukwā-
cheesimikoot yipwākaw eyinewā, naspitch
kissewasew ākose isitissāwāo, kitta nippā-
hayit, kákeyow owasisa túto Bethlehemík ka
ayayit, mena missewā itta waska, ā nesoo, pi-
poonāyit óche mena noótow, eyekoók ka ké
metoone kukwāchimat yipwākaw eyinewa.

17 Itta ka óche tipepuyik ka ké itwāt
Jeremy ookiskewāhikāo, omisse,

18 Ākota Rama pātakwun nunākatāyétum-
oowin, mena matoowin, mena kéche mowika-
titoowin, Rachel ā mowikatat oot owasimisa,
nummawawach ké kakeechehaw, chikāma āka
ā étayit.

19 ¶ Maka ispe Herod ka nippit, wāteé-
tikoot Joseph oot utooskāyakuneyewa ka
Tipāyéchekekāyit ā nipat Egypt itta ā ayat,

20 Omisse itik, Wuniska, otin ooskowasis
mena oo kaweya, ākose itoótā Israel oot us-
keék : assi ké nippewuk ka nutoonumwatchik
ooskowasisa oo pimatissewineyew.

21 Ākose pussikoo, otināo ooskowasisa mena oo kaweyewa, ākose pā itoōtāo Israel oot us-keeyik.

22 Maka ispe ā pātūk Archelaus ā Kéche Tipāyētumeyit Judea, ā tapiskumowayit ōta-
weyewa Herod, koostachew kitta itoōtāt ākota :
maka, ā ké itikoot Kissā Munetoowa ā nipat,
ākut utte itoōtāo Galileék :

23 Ākose utte ayaw unima waskahikun
Nazareth ka itchekatak : kitta tipepuyik ā ké
itwātechik ookiskewāhikāwuk, Nazarene kitta
isseníkasoo.

PISKĒTUSSINĀHIKUN III.

ĀWUKWUNNEE kesikawa tākooseék John oo
Seekahátakāo, ā kukāskimawusoot pukwutus-
keék Judea,

2 Omissé ā itwāt, Kwāskatissik : weya kéche
kesikoowe otānowewin kissewak ā étukwúk.

3 Āwuk'owa ka ké achimikoot ookiskewā-
hikāwa Esaias, omissé ā itwāyit, Pātakoosew
pāuk ā kukāskimawusoot pukwutuskeék,
Kwyachétawák oo mās kunow ka Tipāyéche-
kāt, kwiusk itumoōtawák oo mās kunowa.

4 Āwuko John pisiskewpeewuya ké weyā-
tum, mena pākākino pukwātāhoon ké pukwā-
tāhoo ; mena oo mechewin locustuk mena amoo
oseéchehun.

5 ¶ Ākose peā natikoot Jerusalemik ka
ayayit, mena kákeyow Judea, mena kákeyow
missewā waska Jordan,

6 Ākose ka seekahātowat ākota Jordan, ā wētumeyit oo muchétewineyewa.

7 ¶ Maka ā wapumat méchāt Phariseewuk mena Sadduceewuk ā pā natumeyit oo seekahātakāwin, omisse itāo, O uniskā nātawekehit-ooyāk kināpikootik, owāna ka itikooyāk kitta oosimoostumāk kissewasewin kā oochéche-puyik?

8 Nookoótak issa tapwā ā métatumāk :

9 Mena ākaweya itāyétumook, Netap n'ōta-wenan Abraham : ke wētumatinawaw, Kissā Muneto ā kuskéhat ohoo ussinecā kitta oot owasimissehat Abraham.

10 Mena maka cheekahikun nāpāmustāo wutupik mistikoók : āwuko 'che maka túto mistik āka ka nētawekétat meyo meenisa kitta kowa-hoót, mena kitta pooneét.

11 Ata weya ke seekahátatinawaw nippe óche kitta métatumāk muchétewin : maka una ka pā nuskwowit owusimā soókatissew ispeéch neya, oo muskissina nummoweya ne tāpukā-yétakoosin kitta túkoonumwuk : ke ga seekahátakoowaw ka Kunatissit 'Achákwa, mena iskootāo :

12 Oópwāaschehekuna mitchimināo oo cheécheék ākose kitta metoone kechistinum moóchék, mena kitta mawussukwunāo oo púkwāsekunima ā nahékowat; maka kitta suskahum meyikwunasa āka kitta astowāk iskootāo óche.

13 ¶ Ākose tākooseék Jesus Jordaník Gali-

leëk ā ōtōtāt Johna ā oteētāt, kitta seekahátakoot.

14 Maka John kittahumowāo, omisse itāo, keya koosoma ke ga seekahátowéty, ka pā naseyun ?

15 Maka Jesus nuskwāwusehāo omisse itāo, Keyam ākose kitta ékin : ākose ā isse nutowāyétakooseyák kitta tipetotumák kákeyow kwiusk itatissewin. Ākose tapwátowāo.

16 Ākose Jesus, ka seekahátāt, utte 'se kupaw : ākose kéche kesik ka paskeétāpuyeyik, mena wapumāo Kissā Muneto Achákwa ā nasetotakoot oomeémeék ā isse nakooseyit, mena ā twāhoototakoot :

17 Ākose pátum kéche kesikoók ā óche itwāweét, Āwuko owa ayewak ā itāyimuk ne Koosis, ka naheyowwahit.

PISKÉTUSSINÁHIKUN IV.

ĀKOSE Jesus ka itoótahikoot 'Achákwa pukwutuskeék kitta kootāyimikoot Muche 'Achákwa.

2 Ākose āka kākwi ka mechit naömetunow kesikaw mena naömetunow tipiskaw, peyis wé mechesoo.

3 Ākose oo kootāyimewāwa pā oteétik, omisse itik, Keespin ke Muneto oo Koosisanewin, itussoowasik okoo ussinecük kitta púk-wāsekunewitchik.

4 Maka nuskwāwusehāo omisse itāo, Mus-

sináhikatāo, Ayiseyinew āka piko nayāstow pūkwasekuna kitta óche pimatissit ; maka ka itūtineyik oot ayumewina óche mooskinúk oo tooník Muneto.

5 Ākose Muche 'Achák itoótahāo ká Kuna-tuneyik Kéche Waskahikun, ākose tātáyāo túkooch itta ā ispayik Kéche Ayumehāwe-kumikoók,

6 Mena omisse itāo, Keespin ke Muneto oo Koosisanewin, kwaskoóte; weya ā itussinahikatāk, Kitta kunoomāo oo kéche oot utooskā-yakuna keya óche : ākose oo cheécheewák ke ga túkoonikwuk, āka kitta pukumétetayun ke' sit ussineék.

7 Jesus omisse itāo, Omisse itussináhikatāo mena, Numoweya ke ga kootāyimaw ka Tipā-yécheekāt ke Munetoom.

8 Mena Muche 'Achák itoótahāo ā mawutche ispamutinayik wutchee, ā wapúteyat kákeyow otānowa uskeék, mena ā isse kistāyétakwuneyikee ;

9 Omisse itāo, Kákeyow ohoo ke ga meeyitin, keespin oteétuppeestoweyune mena putuppeestoweyune.

10 Ākose Jesus itāo, Owusittā, Muche 'Achák: omisse oma itussináhikatāo, Ke ga putuppeestowaw ka Tipāyécheekāt ke Munetoom, mena weya piko ke ga tipetotowaw.

11 Ākose Muche 'Achákwa nukutik, maka ākose kéche utooskāyakuna ké oteétik mena oochestumak.

12 ¶ Ispe eyekoók Jesus ka pátúk John ā kipahoót, Galileék isse sipwātāo ;

13 Mena nākutúk Nazareth, pā itoótāo mena ayaw Capernaumík, sisooch wenepākoók, kacheche Zabulon mena Nephthalim :

14 Kitta tipepuyeyik ā ké itwāt ookiskewā-hikāo Esaias, omisse,

15 Oot uskeewāk Zabulon, mena oot uskeewāk Nephthalim, wenepākoók itākā, ukamík Jordan, Galilee ayúch eyinew uske ;

16 Ayiseyinewuk wunetipiskák ka uppitchik wapútumwuk kéche wastāo : mena unee ka uppitchik otānowiník itta ā chikastās-kakootchik nippoowin wastāo kātátowā oteé-tikwuk.

17 ¶ Ākospe Jesus ka óche kukāskimawusoot, omisse ā itwāt, Kwāskatissik : weya kéche kesikoowe otānowewin kissewak ā étukwúk.

18 ¶ Ākose Jesus, ā pimoótāt sisooch wenepākoók Galilee, wapumāo nesoo ā oo' chewamítooyit, Simon Peter ā issiníkasoot, mena Andrew oo chewama, pukitáwatchik wenepākoók : weya ā oopukitáwawitchik.

19 Omisse itāo, Pimitissahook, ākose ke ga issehitinawaw kitta ootahumakooyāk ayiseyinew.

20 Ākose sāmāk nākutatchik oot áyupee-wawa, ā pimitissawatchik.

21 Ākose mena ā utte itoótāt, wapumāo kotuka nesoo ā oo chewamítooyit, James

Zebedee oo koosisa, mena John oo chewama, chemaník ā chematchik ótawewawa Zebedee, ā meesáwatchik oot áyupeewawa ; ākose nutoomāo.

22 Ākose keyepe nākutúkik cheman mena ótawewawa, ā pimitissáwatchik.

23 ¶ Ākose Jesus ké a itoótāo missewā Galilee, ā kiskinóhumakāt Ayumehāwekumikoók, mena ā wétumakāt meyo achimoowin kesikoowe otānowewin, ā pimachétat nunatoók ákoosewina mena kákeyow nunákow ā itaspināyit ayiseyinewa.

24 Pátakwuneyew missewā Syria ; ākose pátowāwuk kákeyow ā ákooseyit eyinewa nunatoók ā itaspināyit mena ā itumáchehooyit, mena unehee ka peêteskakoooyit muche áchákwa, mena unehee ka itaspināyit túto pesimo, mena unehee ka nunumaspināitchik ; ākose pimachehāo.

25 Mena pimitissahook ookistukāwe ayiseyinewa Galilee óche, mena Decapolis, mena Jerusalem, mena Judea, mena ukamík Jordan.

PISKÉTUSSINÁHIKUN V.

ĀKOSE ā wapumat ā osam āyuteyit ayiseyinewa, utte koospamutchewāo wutcheék : ka náuppit maka, oo kiskinóhumowakuna pā natik :

2 Ākose paskétoonāyew, ā kukāskimat, omisse itāo,

3 Sowāyétakoosewuk ka kitimakāyimootchik oot áchákoowák: weyawaw oot ayanewaw Kéche kesikoowe otānow.

4 Sowāyétakoosewuk unekee ka nunāka-chimootchik: kitta kakeechehawuk.

5 Sowāyétakoosewuk unekee ka yooskat-issitchik: weya uskeék kitta ayatchik.

6 Sowāyétakoosewuk unekee ka noótākutātúkik mena noótāyapakwatotúkik kwiusk itatissewin: weya kitta keespoototúkik.

7 Sowāyétakoosewuk unekee ka kissāwat-isseetchik: weya kitta otinúkik kissāwatissewin.

8 Sowāyétakoosewuk unekee ka pākuneyik-ee oo tāewawa: weya kitta wapumatchik Munetoowa.

9 Sowāyétakoosewuk unekee ka kuskétatchik ootootāmétowin: weya Kissā Munetoo-wa oot owasimisa kitta iteétchik.

10 Sowāyétakoosewuk unekee ka pukwat-umatchik kwiusk itatissewin: weyawaw oot ayanewaw Kéche Kesikoowe otānow.

11 Ke sowāyétakoosinawaw keyawaw, ka nayātaw itikooyāk, mena pukwatumakooyāk, mena missewā ka muche itikooyāk ayiseyinew āka ā tapwāmikooyāk, neya óche.

12 Meywāyétumook, mena naspitch mumá-takoosik: missaw ke tipahumakoowinewaw kéche kesikoók: ākose ka totowatchik ookiske-wāhikāwa nekan ka pā étayit.

13 ¶ Keyawaw kā seewétakuniskumāk us-

ke : maka keespin seewétakun nāsewunatúke, tantā kā óche seewétakunahikatāk? ākose numoweya nantow itaputun, piko kitta wuyowe wāpinikatāk, mena kitta mātukooskúkik ayiseyinewuk.

14 Keyawaw kā wastānumāk uske. Mistahā waskahikun ā chimutāk ispúchák numma ké kasoomukun.

15 Mena numoweya ayiseyinewuk ka suskahúkawe wastānumakun, seepa múkúkoók ustawuk, maka wastānumakunátikoók; ākose wastānumakwuk túto peéche waskahikuník ayatchik.

16 Wastānumákook keyam ke wastānumakunewaw ayiseyinewuk, kitta wapútúkik ke meyo utooskāwinewawa, mena kitta muméchimatchik k' Ótawewawa kéche kesikoók ka ayayit.

17 ¶ Ākaweya pā nissewunachétaw ooyussoowāwina, ápo ookiskewāhikāwuk ka pā itwātchik itāyétumook : numoweya ne pāche nissewunachétan, maka ne tipetotān.

18 Ne tapwan ka ititukook, Eyekoók kéche kesik mena uske āka kā étukwúk, pāuk chukussinahikun ápo pāuk mussinepākunis numoweya kitta noótāpuyew ooyussoowāwin, peyis kákeyow kitta tipepuyew.

19 Oweyuk maka peekoonúke pāuk ohoo ā mawutche upistāyétakwuneyik ooyussoowāwin, mena kiskinóhumowatche ayiseyinewa ākose, mawutche noótow itāyétakoosew kitta itaw

kêche kesikoók otānowewin : maka oweyuk totúke mena kiskinóhumowatche, āwuko mawutche kistukimaw ka iteét kêche kesikoók otānowewin.

20 Weya ā wétumatukook, Patima ke meywatissewinewák puskeyawākwawe oo meywatissewinewák ka mussinahumakāтчik ooyussoowāwina mena Phariseewuk, numoweya ke ga óche peétokwanawaw kêche kesikoowe otānowewin.

21 ¶ Ke kê pātānawaw ā ké itwāтчik kuyas, Ākaweya nippátakā ; keespin oweyuk nippátakāтчe kitta ayimehik ooyussoowāwin :

22 Maka neya ke wétumatinawaw, Keespin oweyuk pukwunuta kākwi óche kisseestowatche oo chewama kitta ayimehik ooyussoowāwin : mena oweyuk Raca itatche oo chewama, kitta ayimehik kêche ooyussoowāwin : maka oweyuk ke kukāpatissin itwāтчe, kitta ayimehik muche iskootāo.

23 Āwuko óche maka peyātayune ke mākewin, ākose kāsisseeyune ke chewam ā ké wunetotowut ;

24 Ākota nukuta ke mākewin, utte 'se sipwātā ; nekan pitta meyo oototāmim ke chewam, ākose pāche māke ke mākewin.

25 Wé meyo oototāme kāsiskow owa nayā-tawāyimisk, ā ispeéche itoótāyāk ; āka nantow itta owa nayā-tawāyimisk kitta utte pukitinumowat ooyussoowāwa, ākose ooyussoowāo kitta

utte pukitinumowat semakunisa, ākose ke ga kipahookowin.

26 Ne tapwan ka isse wētumatukook, numoweya ke ga ôche wuyoween itta ôche, eyekoók metoone ké tipahumune.

27 ¶ Ke ké pātānawaw ā ké itwāchik kuyas, Ākaweya psikwatisse :

28 Maka neya ke wētumatinawaw, Keespin oweyuk kunowapumatche iskwāwa ā wē nunatoókooahat assi psikwatotowāo kwyach oo tāik.

29 Mena keespin ke'skesik ke nayātawehikoon, kāchikoona, mena wāpina : owusimā ke ga aputchehoon pāuk ket aputchetawin kitta nissewunatúk, āka missewā ke' yow mucho iskootāk kitta isse wāpinikatāk.

30 Mena keespin ke kéchenisk ke wunetotakoon, munissa, mena wāpina : owusimā ke ga aputchehoon pāuk ket aputchetawin kitta nissewunatúk, āka missewā keyow mucho iskootāk kitta isse wāpinikatāk.

31 Ké itwanewun, Oweyuk wāpinatche we'wa, kitta meeyāo oo mussinahikāwin ā wētúk ā wāpinat :

32 Maka neya ke wētumatinawaw, oweyuk wāpinatche we'wa, pukwunuta kākwi ôche piko psikwatissewin, seékehāo kitta psikwatisseyit : mena oweyuk utte weekimatche unehee ka ké wāpinimeēt itotum psikwatissewin.

33 ¶ Mena ke ké pātānawaw ā itwāchik kuyas, Numoweya ke ga pukwunuta kukeyaske

kéche itwan, maka ke ga tipetotumowaw ka Tipāyéchekāt ke kéche itwāwina :

34 Maka neya ā itwāyan, Ākaweya wékach kéche itwāk; kesik kitta uspimooyāk; weya Kissā Muneto ā oot uppewinit:

35 'Apo uske; weya ā oot uspissitāsimoowinit: mena numoweya Jerusalem; weya ā oot étawinit mawutche Kéche Ookemaw.

36 Mena numoweya ke' stikwan ke ga uspimoon, chikāma numoweya ke ga ké wapiskétān āpo kusketāwétan k'āstukuya.

37 Maka keyam peekiskwāyune omisse itwā Āhā, āhā; Numma, numma: keespin owusimā ā itwāk wé nayāawun.

38 ¶ Ke ké pātānawaw ā itwāk, Me'skesik me' skesik óche, me'pit me'pit óche:

39 Maka neya ā itwāyan, Ākaweya nuskwak: keespin oweyuk pussikwāhooske k'unoo-wāk, kwāskeeskwanē kwāskittā mena.

40 Mena keespin oweyuk itoótahiske ooyussoowāwinik, mena wé ootinūke ke'skootakuy, keyam kitta ayaw ket ukoohoowin ussitchē.

41 Mena oweyuk wé sakoochemiske kitta wechāwut pāuk tipāhikun, keyam wechāo nesoo tipāhikun.

42 Meey oweyuk nātotumaske, mena oweyuk wā owéhasoomiske ākaweya ākuttākapowe.

43 ¶ Ke ké pātānawaw ā ké itwāk, Ke ga sakehaw ke weetuppimakun, mena ke ga pukwataw ke pukwachekun.

44 Maka neya ā itwāyan, Sakeheékook ke pukwachekunewawuk, meyo totákook unekee ka mucho itikooyākook, mameyototákook unekee ka pukwatikooyākook, mena ayumehāstumākook unekee ka ispehikooyākook, mena ka pukwatumakooyākook ;

45 Kitta ké nuspitowāk k'Ōtawewaw kéche kesikoók ka ayat: weya ā wuniskanat oo pesimooma kitta wuniskatotowayit muchatissewa mena oo meywatissewa, mena ā isitissahumowwat kimewunapoē kwiuskoot itatissewa mena oo nayātawatissewa.

46 Keespin piko sakehākwawe unekee ka sakehikooyākook, kākoo tipahumatoowin āyayāk ? numma che neesta ākose totumwuk publicanuk ?

47 Mena keespin piko ke chewamewawuk ket utumiskowawawuk, kākwi owusimā teötumāk ispeéch kotukuk ? numma che neesta ākose totumwuk publicanuk ?

48 ¶ Kukwā maka tapwā meywatissek, k'Ōtawewaw kéche kesikoók ka ayat ka isse tapwā meywatissek.

PISKĒTUSSINÁHIKUN VI.

PĀÚTUK āka kitta totumāk ke mākewinewawa, ayiseyinew ā kunowapumikooyāk ; kakuyā weya numoweya ke ga tipahumakoowaw k'Ōtawewaw kéche kesikoók ka ayat.

2 Maka ā totumune ke mākewina, ākaweya pitta kitoōta pootachekun, ka itotúkik Ayumehāwekumikoók ka wuyāsehissootchik mena mās-kunák, kitta muméchimikootchik ayiseyinewa. Ne tapwan ka isse wétumatukook, Assi ayawuk oo tipahumakoowinewaw.

3 Maka ā totumune ke mākewina, ākaweya ke numátin kitta kiskāyétumomukun ke kéche-niskík ā totumun :

4 Kitta kemooch mākeyun ke mākewina : mena k'Ōtawe ka wapúkāt ā nissikuto ayaweét weya káčewak ke ga tipahumak.

5 ¶ Mena ayumehayune, numoweya ke ga nus-pitowawuk ka wuyāsehissootchik : mana maka sakétawuk ā ayumehatchik ā nepowit-chik ayumehāwekumikoók mena kékāyak mās-kunák, kitta wapumikootchik ayiseyinewa. Ne tapwan ka isse wétumatukook, Assi ayawuk oo tipahumakoowinewaw.

6 Maka keya, ayumehayune, peétokwā ā piskeécheäyak k'eekee, ka kipahumune ket isk-wátām, mowimoo-stow k'Ōtawe ā nissikuto ayat ; ākose k'Ōtawe ka wapúkāt ā nissikuto ayaweét ke ga tipahumak.

7 Maka ayumehayune, ākaweya kakeétwam itwāwina aputchéta, ka itotúkik ayiseyinewuk : mana maka kitta pátakoweyák ā itāyétúkik wáche mistahā ayumitchik.

8 Ákaweya maka nus-pitákook ; weya k'Ōtawewaw ā kiskāyétúk kákwi kweetumayák, ā moyā kukwāchimák.

9 Omissé maka isse ayumehak : N'Ōtawenan

kéche kesikoók āyayun, kitta wé kékatāyétakwun ke wéyoowin.

10 Ke tipāyéchekāwin kitta oochechepuyew
Ā itāyétumun kitta wé tochedatāo ota uskeék,
ka isse ayak kéche kesikoók.

11 Meeyinan unoóch ka kesikak kā oo pūk-
wāsekunimeyāk.

12 Mena usānumowinan ne mussināhikā-
winenana, ka isse usānumowukeétchik unekee
ka mussinahumakooyākik.

13 Mena ākaweya itoótahinan wuyāséchekāwinik, maka metakwānumowinan muche kākwi : Keya ket ayan kéche otānowewin, wawach soókatissewin, mena muméchimikoowin, kakekā. Amen.

14 ¶ Keespin matika ket usānumowawuk ayiseyinewuk, ā wunetotakooyākook, kéche kesikoowe k'Ōtawewaw neesta ke ga usānumakoowaw ā wunéteyāk :

15 Maka keespin numma ket usānumowawawuk ayiseyinewuk oo wunétewinewawa, numoweya neesta ke ga usānumakoowaw k'Ōtawewaw ā wunéteyāk.

16 ¶ Mena maka kowākutāhooyākoo, ākaweya, nuspitākook ka wuyāsehissootchik, āka ka nahékwānakoositchik : weya ā áchenakoótatchik oo' skesikoowawa, tapwā kowākutāhoo kitta itāyimikootchik ayiseyinewa. Tapwā ka ititukook, assi ayawuk oo tipahumakoo-winewaw.

17 Maka keya, wá kowākutāhooyune, toomina ke' stikwan, mena kaseékwā ;

18 Āka ayiseyinew tapwā kowākutāhoo kitta itāyimisk, maka k'Ōtawe ka nissikuto ayat: ākose k'Ōtawe ka wapūkāt a nissikuto ayaweēt ke ga tipahumak.

19 ¶ Ākaweya ota uskeēk mawutchétak ket ayanewawa, itta munechoos mena ā missewapiskak ka nissewunatúk, mena itta kimootiskuk ka puspepeekoonúkik ā kimootitchik:

20 Maka mawutchétak ket ayanewawa kéche kesikoók, itta āka munechoos āpo ā missewapiskak kā ké nissewunatúk, mena itta kimootiskuk āka ka puspepeekoonúkik āpo kimootitchik:

21 Mana maka itta ket ayanewawa ā ayakee, ākotā ke tāewawa kā ayakee ussitche.

22 ¶ Me'skesikoók kā óche wastāk me'yow: keespin maka ke skesik meyo ayaw, missewā ke'yow kitta sakuskināo wastāo.

23 Maka keespin ket ākoosin ke'skesik, missewā ke'yow kitta sakuskināo wunetipiskaw. Keespin maka unima wastāo ka kekeskumun wunetipiskaw, taneyekoók, āwuko wunetipiskak!

24 ¶ Numoweya eyinew kitta ké utooskowāo nesoo ookemawa: óchetow pāuk kitta pukwātāo, mena kitta sakehāo kotuka; āpo kitta mechimew pāuk, mena kitta atowāyimāo kotuka. Numoweya ke ga ké utooskowawaw Muneto mena wāyootissewin.

25 Āwuko óche maka ka ititukook, Āka naspath kitta mitoonāyétumāk ke pimatissewinewaw, kākwi kā mecheyāk, āpo kākwi kā

minikwāyāk ; āpo ke' yowewāk, kākwi kā poo-siskumāk. Numma che owusimā itāyétakwun pimatissewin ispeéch mechim, mena me'yow ispeéch weyáchehun ?

26 Mamitoonāyimeékook peyaseesuk : num-oweya pukitinikāwuk, mena numoweya munis-sekāwuk, mena numoweya tukwahikāwekumikoók peétasoowuk ; āyewāk maka kéche kesikoowe k'Ótawewaw ussumāo. Numma na mistahā ket owusimāskowawawuk āwukwunik ?

27 Owāna ā moóche mamitoonāyétúk kā ké tukoótat pāuk tipahikun ā iskookapowit ?

28 Kākwi maka kā óche mitoonāyétumehikooyāk weyáchehun ? Nakutowāyétumook wapukwunewa kistekaník, ā isse nétawekékee ; numoweya utooskāwuk, mena numoweya peemāhikāwuk :

29 Āyewāk maka ke wétumatinawaw, nummawawach āpo Solomon ka ata isse kistāyétakoosit ké issehoo tapiskooch ohoo.

30 Keespin maka Muneto ukwunāhum uske muskooseā óche, unoóch ka kesikak ā ayakee, ākose ka wapúk kuskemootíkussekunik ā peétahikatakee, numma na owusima ke ga weyátahikoowaw keyawaw, O keyawaw āpisa-sik ke tapwátumoowinewaw ?

31 Āwuko óche maka ākaweya itāyétumook, omisse, Kākwi kā mecheyāk ? 'Apo, kākwi kā minikwāyāk ? 'Apo, tantā óche kā weyáche-kāyāk ?

32 (Āwukwunee ohoo kákeyow ayiseyinewuk

nātoonúkik :) kiskāyétum kéche kesikoowe
k'Ótawewaw ā kweetumayāk ohoo kákeyow
kākwia.

33 Maka nutoonumook nistum otānowewin
Kissā Muneto, mena kwiusk oot itatissewin;
ākose kákeyow ohoo kākwia ke ga tukoonuma-
kowinawaw.

34 Ākaweya maka mitoonāyétumook kā wa-
púk : yukumāka kā wapúk kā mitoonayimis-
soomukúk. Tāpeyekóok kitta ayimum ā kesi-
kak.

PISKĒTUSSINĀHIKUN VII.

ĀKAWEYA ooyussoowasewāk, āka. neesta kitta
ooyussoowatikoweyāk.

2 Kākoo ooyussoowāwin kā óche ooyussoo-
wasewāyāk, āwuko kā óche ooyussoowatikow-
eyāk : mena kākoo tipáhihun kā mákeyāk,
āwuko neesta kā meeyikoweyāk.

3 Kākwi mena wáche náapútumwut pewé-
kahikunis ke chewam oo' skesikoók ā ayayik,
ākose āka ā nakutowāyétumun pimituppussoé
ke' skesikoók ā ayak ?

4 'Apo tanse kā isse kuskétayun kitta itut
ke chewam, Ne ga munepitān unima pewéka-
hikunis ke skesikoók ; ākose neesta pimitup-
pussoé ke skesikoók ā ayak ?

5 O kukwāchesehissoo, nistum wuyowewā-
pin pimituppussoé ke skesikoók óche ; ākose
ke ga wapútumwan metoone kitta wuyowewā-

pinumwut pewékahikunis ke chewam oo skesik-
óok óche.

6 ¶ Ākaweya meeyíkok utimwuk unima
ā kunatúk, mena ākaweya kéche kākvia wā-
pinumákook koókoosuk, āka kitta mātukoos-
kúkik seepa oo sitewák, mena kitta apumees-
takooýakook ākose kitta peekoopitikooyákook.

7 ¶ Nutootumook, ākose ke ga meeyikowin-
awaw; nutoonumook, ākose ke ga miskāna-
waw; pápawehikāk, ākose ke ga paskétānum-
akowinawaw:

8 Kákeyow oweyuk ka nutootumat ótinum;
mena una ka nutoonúk miskum; mena una ka
pápawehikāt kitta paskétānumowaw.

9 Kākoo napāo étawun keyawaw, keespin
oo koosisa nutootumakoot púkwāsekuna, oo ga
meeya che ussineeä?

10 'Apo keespin nutoomayit kinoosāwa, oo
ga meeya che kināpikwa?

11 Keespin maka ā muchayeweyāk, kāskā-
yétumoowākā kitta isse meeyákook meyo
mākewina ket owasimisewawuk, taneyekoók
owusimā k' Ótawewaw kéche kesikoók ka ayat
kā ké meeyat meyo kākvia unehee ka nutoo-
tumakoot?

12 Āwuk' óche maka kákeyow kākwi ka
nutowāyimāk ayiseyineew kitta itotakooyāk,
ākose neesta itotákook: āwuko oma ooyus-
soowāwin mena ka pā itwātechik ookiskewā-
hikāwuk.

13 ¶ Peétokwāk maka ka sakowasik iskwa-

tām : ayukuskaw iskwâtām, mena ayukuskaw mās-kunow, nissewunachehoowinik ka itoôta-hewāk, méchâtewuk makane ākota ka mit-imatchik :

14 Chikāma ā sakowasik iskwâtām, mena ā sakowasik mās-kunow, pimatisssewinik ka itoôta-hewāk, maka chukowasisewuk ka miskûkik.

15 ¶ Uswāyimikook nuspach ookiskewāhik-āwuk, ka pā oteétikooyākook mayutchikwuk ā issehootchik, maka utamik mahékunuk ā itā-yétakoositchik.

16 Oot itatisssewinewāk ke ga ôche kiskāyim-awawuk. Wékach che ayiseyinewuk ootin-umwuk meenisa missekaweminukusseeskāk, āpo soomina ka kasootāweyit ôche?

17 Ākose maka tûto meyo mistik nêtawekê-taw meyo meenisa ; maka mucho mistik nêta-wekê-taw mucho meenisa.

18 Méyo mistik numoweya kitta nêtawekê-taw mucho meenisa, mena mucho mistik num-oweya kitta nêtawekê-taw meyo meenisa.

19 Tûto mistik āka ka nêtawekê-tat meyo meenisa kitta kowāwaw, mena iskootāk kitta isse wāpinaw.

20 Āwuk' ôche maka ā isse nêtawekê-tatchik kâ ôche kiskāyimākook.

21 ¶ Numoweya kakeyow oweyuk, Ne Mun-etoom, Ne Munetoom, ka issit, kâ ké peétok-wāt kéche kesikoowe otānowewin ; maka una piko ka totumwat ā itayétumeyit n Otaweā kéche kesikoók ā ayayit.

22 Méchāt ne ga itikwuk āwuko kesikayike, Ne Munetoom, Ne Munetoom, numma che n' ôche kiskewāhikanan ke wéyoowin ā us pimoo-yāk? mena ke wéyoowinik ne ké wuyowetissā-wananuk muche Áchākwuk? mena ke wéyoowinik ne ké totānan méchāt mamuskach issé chekāwina?

23 Maka ne ga itawuk, numoweya wékach ke ké kiskāyimitinawaw: owussetik keyawaw teötumāk muchêtewin.

24 ¶ Āwuk' ôche maka oweyuk pātūke ohoo net itwāwina, mena itotūke, Nuspitowāo kuk-ātawayétumoowa, ka osétat waskahikun tāt-apiskāk:

25 Ākose kimewunapooē yasepuyew mena yiskepāo, mena yootin, āwuko waskahikun; maka numma ké pūkétin: weya itta ā kista-piskāk ā chimutāk.

26 Mena tūto oweyuk ka pātūk ohoo net itwāwina, āka maka ka totūk, kitta nus-pitowāo ookukāpatissewa, ka ké osétat waskahikun yakaweskāk:

27 Ākose kimewunapooē yasepuyew, mena yiskepāo, mena yootin, āwuk waskhikun; maka ké pūkétin: ākose ké kéche nissewunatun.

28 Ākose ka keesétat ohoo oot itwāwina Jesus, ayiseyinewuk mamuskasétumwāwuk oo kukāskimawusoowineyew.

29 Oweyuk ā tipāyétūk ā isse kukāskimāt, numoweya tapiskooch ka mussinahūkik ooyus-soowāwina.

PISKĒTUSSINĀHIKUN VIII.

Ka pā nētamutchewāt, ookistukāwe ayiseyine-wa pimitissahook.

2 Ākose, peā natikoot oopeekoopuyewa mena ā putuppeestakoot, omisse ā itikoot, Ka Tip-āyēchekāyun, keespin ket itāyētān, ke ga kē pimachehin.

3 Ākose Jesus soowiniskāyew, mena samināo, omisse ā itat, net itāyētān ; kitta pimatisseyun. Ākose sāmak ka itaspināt nākutikoot.

4 Mena Jesus wētumowāo, Ākaweya oweyuk wētumow ; maka itoōtā kewa, wapūteyik ayumehāwekemawuk, mena pukitina ke mākewin Moses ka kē itussoowāt, kitta nāāyētūkik.

5 ¶ Ākose Jesus ka peētokwāt Capernaum, wāche oteētikoot semakunisewekemawa ā nun-utoomikoot,

6 Omisse ā itikoot, Ka Tipāyēchekāyun, net utooskāyakun pimissin n'eekeenāk ā ākoosit, naspitch ā kukwatukehikoot.

7 Maka Jesus omisse itāo, ne ga nutowe pimachehaw.

8 Semakunisewekemaw nuskwāwusehāo omisse itāo, Ka Tipāyēchekāyun, Numoweya ne tāpukāyētakoosin kitta pā itoōtāyun n'eekeēk : maka tāpeyāk moōche itwā, ākose net utooskāyakun kitta pimatissew.

9 Mana maka neesta ne ayan ookemawewin, semakunisuk ā tipāyimukik : ākose owa itoōtā, ātuke, ātoōtāt : mena kotuk, Astum, ākose peā

itoôtât; mena net utooskâyakun, Tota oma âtuke, âkose tēotûk.

10 Ispe Jesus peâtûk, mamuskatum, âkose omisse âtat ka wechâkoot, Ne tapwan ka ititukook, Numoweya n'ôche miskân eyekoók kêche tapwâtumoowin, numoweya Israelîk.

11 Mena ke wêtumatinawaw, méchât kitta ôcheewuk wapunoók mena nâkapâhunoók, âkose kitta weetuppimâwuk Abraham, mena Isaac, mena Jacob, kêche kesikoowe otânowinîk.

12 Maka owasisuk kâchewak otânowinîk ka ôcheetchik kitta wuyowe wâpinâwuk wuyowetimîk wunetipiskâk: âkota matoowin mena kecheeskapitâwin â êtukwûk.

13 Âkose Jesus omisse itâo semakunisewekemawa, Neya kewâ; ka ké isse tapwâtumun, ke ga isse ayan. Âkose oot utooskâyakuna ké pimatisseyewa âkospe mâkwach.

14 ¶ Âkose ispe Jesus ka peétokwât Peter oo waskahikuneyew, wapumâo oo sikooseyewa â pimissineyit, kissooowe itaspinâwin â isse âkooseyit.

15 Âkose saminumwâo oo'cheêcheeyew, âkose kissooowe itaspinâwin nâkutikoot: âkose wâ-niskat, â nanupachehat.

16 ¶ Ispe wâtakooséék, pâtoowâwuk méchât â peêteskakooyit mucho âchâkwa: âkose wâyowetissâwat âchâkwa oot ayumewin ôche, mena â pimachehat kâkeyow ootâkoosewa:

17 Kitta ké tipepuyik â ké itwât Esaias oo-kiskewâhikâo, omisse, weya ké otinum ke nâs-

oowatissewinenow, mena ké nayátum ket ákoo-sewinenow.

18 ¶ Ākose Jesus ā wapumat ookistukāwe ayiseyinewa ā wechekapowistakoot, itussoowāo kitta issechemāchik ukamík.

19 Ākose pāuk una ka mussinahúkik ooyus-soowāwina pā natik, omisse ā itikoot, O oo-kiskinóhumakāo, ke ga wechātin piko ittā ā itoótāyun.

20 Maka Jesus omisse itāo, Múkāseesuk oowatewuk, mena peyāseesuk oowutchistoone-wuk ; maka weya Napāo Oo Koosisan numma-wawach ayaw itta kitta pimétetat oo' stikwan.

21 Ākose mena kotuka oo kiskinóhumow-akuna omisse itik, Ka Tipāyéchekāyun, pukit-inin pitta kitta nutowe náhenuk n'ótawe.

22 Maka Jesus omisse itāo, Wechāwin keyam ; keyam weyawaw nāpitchik kitta náhenā-wuk ka nippeyit.

23 ¶ Ka poosit chemaník, oo kiskinóhumow-akuna wechāwik.

24 Ākose kātútowā mistahā yootin wenepā-koók, peyis chemaník ka ukwunepāyik ā makaskák : maka weya oo nipáti.

25 Ākose oo kiskinóhumowakuna natik, mena kooskoonik, omisse itik, Ka Tipāyéche-kāyun, pimachehinan : n' oosikoohoonan.

26 Ākose omisse itāo, Tanākā wáche sāk-isseyāk, O upisasin ke tapwátumoowinewaw ? Ākose wāniskat, mena ā kitootúk yootinwa mena wenepāk ; ākose sāmak aywastin.

27 Maka okoo napāwuk mamuskatumwuk, omisse itwāwuk, Kākō ayiseyinewawa, wawach piko yootinwa mena wenepāk ā nutoōtakoot!

28 ¶ Ākose ispe māsukat ukamīk oot uskeewāk Gergesenes, nukiskak nesoo ā peēteskak-ooyit muche āchākwa, chepuyekumikōok ā ōtōtāyit, mamowāyus ā ayimisseyit, āka oweyuk ayiseyinew kitta kē pimoōtāt ākota.

29 Ākose, wāche, tāpwatikoot, omisse ā itikoot, Tanse kā kē itotatāk, Jesus, ka oo Muneto oo Koosisaneweyun? ke pāche na assi nunākachehinan ā moyā oochécheputyik?

30 Ākose ākota ayawuk méchāt nowutch wāyow ā ussāyutitchik koōkoosuk ā mechesoōkasootchik.

31 Ākose muche 'Achākwuk kukwāchimāwuk, omisse, Keespin ke wuyowetissahoonan, eyinumowinan kitta sipwātāyāk kitta peēteskowukeēitchik koōkoosuk.

32 Ākose omisse itāo, Neyak. Ākose ka wuyoweetchik, utte 'se peēteskowāwuk koōkoosa: ākose, maka, kākeyow ka issé ussāyutitchik koōkoosuk matawisseputawuk wenepākoōk itta ā keeskāchayik, ākose oosikoohoo-wuk.

33 Unekee maka ka kunowāyimatchik oosi-moowuk, utte kewāwuk Kéche Waskahikunīk, mena wētumwuk kākeyow kākwi, mena ā isse ayayit unehee ka kē peēteskakooyit muche 'Achākwa.

34 Ākose, kākeyow tūto itta āyatchik pāche

nukiskowāwuk Jesusa: ākose eyekoók weāpum-
atchik, nutowāyimāwuk kitta nukutumeyit
oot uskeewaw.

PISKĒTUSSINĀHIKUN IX.

Ākose ā utte poosit, mena ā asoowahúk, ākose
oteétum oo waskahikun.

2 Ākose, wāche, pātoowatchik napāwa ā
nunumaspināyit, ā pimissineyit nipāwiník:
maka Jesus a wapútumwat oo tapwātumoo-
wineyew, omisse itāo oonunumaspināwa; Ne
Koosā, owahā; ke muchétewina ke ga usānum-
akowin.

3 Ākose ateét ka mussinahúkik ooyussoowā-
wina omisse itāyétumwuk, Yaman pastamoo
owa.

4 Maka Jesus ā kiskāyétumwat oo mitoonā-
yéhekuneyewa omisse itāo, Tanākā wāche
muche mamitoonāyétumāk ke tāewāk?

5 Tanema nowutch weyātúk, kitta itwāk,
Ke muchétewina ket usānumakowin; āpo
Wuniska, mena Pimoótā kitta itwāk?

6 Maka kitta kiskāyétumāk napāo ookoo-
sisan ā ayat soókatissewin ota uskeék kitta
usānúk muchétewina, (ākose ā itat oonunum-
aspināo,) Wuniska, otina ke nipāwin, mena
itoótā ke waskahikunik.

7 Ākose wāniskat, mena ā sipwātāt oo wa-
skahikunik isse.

8 Maka ispe weāputúkik ookistukāwe ayise-

vinewuk, mamuskatumwuk, mena muméchi-mawuk Munetoowa, ka ké meeyayit soókatissewin ayiseyinewa.

9 ¶ Ākose Jesus ā nukutúk ākota, wapum-āo pāuk napāwa, Matthew ā issenikasoooyit, ā uppit itta ka otinimeēt sooneyawa : omisse itāo, Wechāwin. Ākose pāssikoot, ā wechāwat.

10 ¶ Ākose Jesus ā uppit ā mechesootchik waskahikunik, méchāt publicanuk mena oo muchatissewuk pāche weetuppimik mena oo kiskinóhumowakuna.

11 Ākose ispe Phariseewuk ā wapumatchik, omisse itāwuk oo kiskinóhumowakuneyewa, Tanākā ka wechemechesoomat k' Ookemamewaw Publicana mena oomuchatissewa ?

12 Maka ispe Jesus pēātúk āwuko, omisse itāo, unekee ka meyo ayatchik numoweya nutowāyimāwuk Muskékeweyinewa, piko unekee ka ākoositchik.

13 Maka nutowe kiskāyétumook tanse oma ā itwāmukuk, Nega ayan kissāwatisseewin, now-utch ispeéch issétwawina : numoweya ne pāche nutoomaw kwiusk ootitatissew, maka kitta métatúkik oomuchatissewuk.

14 ¶ Ākose wāteétikoot oo kiskinóhumowakuneyewa John, omisse ā itikoot, Tanākā neyanan mena Phariseewuk méchātwaw ka kowākutāhooyāk, maka ke kiskinóhumowakunuk numoweya ?

15 Ākose Jesus omisse itwāo, kitta ké che nunākatāyimoooyewa oo totāma, ooweekeétoo,

kāyapitch ā wechāwat ? maka peechāyik ispe muskumeétwawe oowekeétoowa, ākose ākota ka kowākutāhootchik.

16 Numoweya oweyuk kitta meesahikakāo ooske munetoākin kuyase ayoowinisik, kakayā weya kitta nissewunachétaw ayoowinis, mena itta ka tatoopuyik.

17 Mena numoweya ayiseyinewuk ustawuk ooske meenisapoë kuyase weékwák : kakayā weya weékwuya kitta peekoopuyewa, ākose meenisapoë kitta wuyoweāsekowunopun, ākose weékwuya kitta nissewunatunoopunwa : maka ustawuk ooske meenisapoë ooske weékwák, ākose tapiskooch ka kunowāyétumeék.

18 ¶ Kāyapitch omisse ā itat, pā natik pāuk Ookemawa, ā putuppeestakoot, omisse itik, Ne tanis unoóch isse nippew : maka pāche samín, ākose kitta pimatissew.

19 Ākose Jesus pussikoo, ā wechāwat, mena oo kiskinóhumowakuna.

20 ¶ Ākose, poote, iskwāwa, a wé nestook-wakoweyit nesoosap metatút túto pipoonwa, oo spiskwunik pā natik, mena ā samínumeýit oot ukoofoon :

21 Weya omisse ā itāyétúk, Keespin oot ukoofoon ké samínumwuke, ne ga pimatisín.

22 Maka Jesus ā kwāskekapowit, ispe weā-pumat, Ne tanis itāo, nāāyēta ; ke tapwātum-ooowin ke pimachehikoon. Ākose sāmák ka pimatisít una iskwāo.

23 ¶ Ākose Jesus ka peétokwāt ookemaw oo

waskahikuneyik, maka ā wapumat unehee ayiseyinewa ā mowékatayit,

24 Omissé itāo, Toweeek : numoweya owa ooskenekiskwāsis nippew, maka nipaw. Ākose peāpehatchik.

25 Maka ispe ka wuyoweetchik eyinewuk, peétokwāo, ootinumwāo oo cheécheeyew, ākose ooskenekiskwāsis wāniskat.

26 Ākose missewā āwuko peātakwūk.

27 ¶ Ākose ispe Jesus nākutūk, nesoo āka ā wapeyit napāwa pimitissahook, ā tāpwatikoot, mena omissé itik, David oo Koosisa kis-sāwatotowinan.

28 Ākose ka peétokwāt waskahikuník, unekee āka ka wapitchik pā natāwuk : māka Jesus omissé itāo, Ke tapwātānawaw che ā kuskétayan kitta ké totuman ? Ākose omissé itāwuk, Āhā Ka Tipāyécheekāyūn.

29 Ākose seāminumwat oo' skesikooyewa, omissé ā itat, Ka isse tapwātumāk ke ga isse ayanawaw.

30 Ākose tapwā oo' skesikoowawa paskētāpuyeyewa; maka Jesus kittahumowāo, ākaweya oweyuk kitta kiskāyētum, itāo.

31 Maka okoo, kā sipwātātchik, missewā achimāwuk ākota uskeék.

32 ¶ Ka utte wuyoweetchik, pāsewāwuk āka ā nētawāyit napāwa ā peétiskakooyit muche áchákwa.

33 Ākose ka wuyowetissahoót muche áchák, sāmak ke peekiskwāo : ākose okoo ayiseyine-

wuk mamuskatumwuk, omisse ā itwā́tchik, Nummawé́kach isse wapú́chekatāo Israelik.

34 Maka Phariseewuk itwā́wuk, Nuttuka ka Tipā́yimayit muche áchákwa ā aputchehat, ka óche wuyowetissáwat muche áchákwa.

35 Ákose Jesus missewā itoótāo kákeyow waskahikuna mena otānowa, ā kukiskinoóhum-
owat oot ayumehāwekumikooyík, mena ā wétúk meyo achimoowin, mena ā pimachétat kákeyow ákoosewin mena nunatoók ā itāspin-
āyit ayiseyinewa.

36 ¶ Maka ispe ā wapumat ookistukāwe ayiseyinewa, moosétaw ā kitimakinowat, chik-
āma ā kweetumayit, mena missewā nunanis ā nunookooseyit, tapiskooch mayutchíkwa āka ā kunowāyimikooyit ookunowāmayutchík-wāwa.

37 Ákose itāo oo kiskinoóhumowakuna Tap-
wā méchātin ā keese nētawekeék kistekan, maka ootutooskāwuk chukowasisewuk;

38 Nutootumák maka ka Tipā́yétúk kiste-
kan, kitta isitissawat ootutooskāwa oo kiste-
kaník.

PISKÉTUSSINÁHIKUN X.

ÁKOSE ká nutoomat metatút nesoosap ka itusseyit oo kiskinoóhumowakuna, meeyāo soókatissewin kitta sakootissáwayit muche ácháwa, kitta wuyowetissawayit, mena kitta pimachétayit kákeyow nunákow ákoosewin mena kákeyow nunatoók itāspināwin.

2 Ā issenikasootchik nesoosap metatūt ā itussitchik ka sipwātissahoōtchik ; una nistum, Šimon, Peter ka ussitchē issenikasoot, mena Andrew oo chewama ; James Zebedee oo Koosisa, mena John oo chewama ;

3 Phillip, mena Bartholomew ; Thomas, mena Matthew ka publicanewit ; James Alpheus oo koosisa, mena Lebbeus, Thaddeus ka uspenikasoot ;

4 Simon Canaanite, mena Judas Iscariot, ka kē utawāyit weya.

5 ¶ Okoo nesoosap metatūt Jesus sipwātissawāo, mena wētumowāo, omisse, Ākaweya itoōtāk itta ā ayatchik Ayūch eyinewuk, mena itta ā waskahikunitchik Samaritanuk ākaweya peéto kwāk :

6 Maka natikook yayetān oowunehoo mayutchékwuk Israel.

7 Ākose ā itoōtāyāk, ā kukāskimawusooyāk, itwāk, Kéche Kesikoók otānow kissewak étukwun.

8 Pimachehík ootákoosew, kechistineékook oopeekoopuyewuk, wuniskayeékook oonippe-wuk, wuyowetissahoókook muche áchákwuk : ke kē moóche meeyikowinawaw, moóche mā-kik.

9 Ākaweya oosawe sooneyaw, āpo wapiske sooneyaw, āpo oosaweékwuk ayak,

10 Āpo mechimewut kitta kekeyāk, āpo nesoo miskootakuya, āpo muskissina, āpo sus-

kahoonâtikwa: âkooyekoók kuskétaw kâ me-
chit ootutooskâo.

11 Piko unima kéche waskahikun ápo otā-
now ka peétokwāyāk, kukwāchékāmook owāna
itta kāsawatisseet; ākose ākota ayak eyekoók
kā nukutumāk.

12 Ākose wāteétumāko waskahikun, utum-
iskumook.

13 Keespin maka itta ka ayatchik meywatis-
sewuk, keyam kitta oteétikwuk ka utumis-
kowākook: maka keespin numma meywatisse-
wuk, keyam mena kóke ayak ket utumiskakā-
winewaw.

14 Maka oweyuk āka peétokwahitāko,
mena āka nutoótakooyākoo, nākutumākoo
āwuko waskahikun ápo otānow, kasissitāse-
mook.

15 Ne tapwan ka ititukook, Owusimā kitta
wātissewuk Sodom mena Gomorrha ka ayat-
chik ooyussoowāwe kesikake, ispeéch āwuk-
wunik.

16 ¶ Ke sipwātissahootinawaw tapiskooch
mayutchikwuk mākwach mahékuniskák: kuk-
wā maka yipwákak tapiskooch kināpiwuk,
mena yoospissik tapiskooch oomémewuk.

17 Maka uswāyimikook ayiseyinewuk: oo-
yussoowāwinewák ke ga wé itoótahikoowawuk,
mena oot ayumehāwekumikoowák ke ga pus-
ustahookoowawuk;

18 Ke ga itoótahikowinawaw itta Kéche

Ookemawuk ā ayatchik neya óche, kitta kweetowe itwāchik mena ayúch eyinewuk.

19 Maka wātinetaḱwawe, ākaweya mamit-oonāyētumook tanse kitta itwāyāk: netap ke ga meeyikowinawaw ākota tanse kā itwāyāk.

20 Yukuma keyawaw tapwā kā ayumeyāk, maka oot 'Achākwa k' 'Otawewaw ka ayumās-tumakooyāk.

21 Wāchewameék kitta pukitināo oo che-wama kitta nippáhimeét, mena ótawemaw oot owasimisa: mena owasisuk kitta pukitussoo-watawuk oonēkehikoowawa, kitta nippáhimeét.

22 Ākose kákeyow ayiseyineu ke ga pukwa-tikoowaw neya óche: maka una āka kā pooné-takwā kā pimahchehoót.

23 Maka sāpwāyamookatikooyākwawe ota waskahikuník, kotuk ittā itamook: ne tapwan ka ititukook, numoweya ke ga óche oteétānawaw kákeyow waskahikuna Israel, eyekoók napāo oo Koosisan kā tukooséék.

24 Ookiskinóhumowakun numoweya owusimā itāyétakoosew ātāyétakooseyit ka kiskinóhumakoot, mena utooskāyakun numoweya kitta ké owusimāskowat Ookemama.

25 Ākooyekoók kiskinóhumowakun ka isse ayayit ka kiskinóhumakoot, kitta isse ayat, mena utooskāyakun ka isse ayayit Ookemama. Keespin Beelzebub ka itawakwā ka Tipāyētumeyit waskahikun, tanse wawees kā itatchik oo wechāwakuneyewa?

26 Ākaweya maka koostikook: numoweya kākwi ā ké ukwunahumeék, āka kitta ké paskinikatāk; mena ā katāk, āka kitta óche kisk-āyétakwúk.

27 Kākwi ā wétumatukook wunetipiskāk, āwuko ayumootumook wastāk: mena ā isse pātumāk k' étowukawāk, āwuko wétumook túkooch waskahikuník.

28 Mena ākaweya koostikook unekee ka nippátatchik meyow, maka āka ka kuskétatchik kitta nippáhatchik áchákwá: maka keyam koostik kāsékétat kitta nissewunachehat áchákwá mena meyow mucho iskootāk.

29 Numma che nesoo oomechuskoosesuk pāuk upiste sooneyas itukimawuk? ākose pāuk āwuko numma ké púkissin uskeék āka kitta kiskāyimat k' Ótawewaw.

30 Maka k' āstukawawa ke' stikwanewāk kákeyow ukétāwa.

31 Ākaweya maka sākissik, owusimā ket itāyétakoosinawaw ispeéch méchāt oomechuskoosesuk.

32 Oweyuk maka achimitche ayiseyinewa achimoostowatche, āwuko neesta kā achimuk n' ótawe kitta achimoostowuk kéche kesikoók ka ayat.

33 Maka oweyuk āka achimitche kitta achimoostowat ayiseyinewa, āwuko neesta āka kā achimuk kitta achimoostowuk n' Ótawe kéche kesikoók ka ayat.

34 Ākaweya pāche isitissahum oototāmé-

toowin ota uskeék itāyétumook: numoweya ne pāche isitissahān oototāmétowin, maka semakunikooman.

35 Ne pāche totowaw napāo kitta pukwatat ótaweä, mena wātaniseék kitta pukwatat oo kaweä, mena wāstimeék kitta pukwatat oo sikoosa.

36 Ākose ayiseyinew oot owasimisa kāche-wak kitta oopukwachekunew.

37 Una ka sakehat ótaweä āpo oo kaweä ispeéch neya numoweya tāpukāyétakoosew kitta wechāwit: mena una ka sakehat oo koo-sisa āpo oo tanisa ispeéch neya numoweya tāpukāyétakoosew kitta wechāwit.

38 Mena una āka kā otinúk oot ayimisse-win, kā wechāwikwā maka, numoweya tāpukāyétakoosew kitta ké ayawit.

39 Una ka miskúk oo pimatissewin kitta wunétaw: mena una ka wunétat oo pimatissewin neya óche kitta miskum.

40 ¶ Una ka nutoótakooyāk ne nutoótak neesta, mena una ka nutoótowit nutoótowāo neesta unehee ka pā isitissahooyit.

41 Una ka nutoótowat ookiskewāhikāwa weya ā kiskewāhikāyit kitta ótinum ookiske-wāhikāwa oo tipahumakoowineyew; mena una ka nutoótowat kwiusk ootilatissewa weya kwiusk ā itatisseyit kitta ótinum kwiusk oot-itatissew oo tipahumakoowin.

42 Mena oweyuk mináhatche étawun ohoo mekisseyakuník túkekum apoë chikāma ā kis-

kinôhumamît, Ne tapwan ka ititukook, Num-
oweya kitta kê wunétaw oo tipahumakoowin.

PISKÊTUSSINÁHIKUN XI.

ÁKOSE ispe Jesus ká keese kukāskimat oo kisk-
inôhumowakuna nesoosap metatút ā itusseyit,
nukutum ākota kitta kiskinôhumowat mena
kukāskimat w'eekeeyik.

2 ¶ Ispe John peātúk kipáhootoowinik ā
isséchekeyit Christ, isitissáwāo nesoo oo kisk-
inôhumowakuna,

3 Omissé ā itat, Keya che ka wé tukoosine-
yápun, ápo che kotuk ne ga usowapumanan ?

4 Jesus nuskwāwuseháō, mena omissé itāō,
Neyak nutowe wapúteyik John unehee kākwiā
ka pátumāk mena ka wapútumāk :

5 Āka oowapewuk ākwa náapewuk, mena
āka ka nétahootātehik ākwa pimoótāwuk, oo-
peekoopuyewuk kechistehawuk, mena ka kipé-
tātehik ākwa nāhétumwuk, ka kê nippitchik
wuniskanawuk, mena ookitimakisewuk wé-
tumowawuk meyo achimoowin.

6 Kitta meyo ayaw una, āka ka atowāyim-
ikwā.

7 ¶ Akose ka sipwātāyit, Jesus omissé utte
itāō ookistukāwe ayiseyinewa John ā itat,
Kākwi wá wapútumāk ka itoótāyāk pukwutus-
keék ? Kistakunuskoosee na ā nunimastúk ?

8 Maka kākwi wá wapútumāk ? Ayiseyinew

na ā yoske weyātūk ? tūto oweyuk ka yoske weyātūk mawutche kéche Ookemawekum-ikoók ayaw.

9 Maka kākwi wā wapūtumāk ? Ookiske-wāhikāo ? tapwā, ke wētumatinawaw, ā puske-yowat ookiskewāhikāwa.

10 Āwuko owa, ka ké mussinahoót, Ne ga isitissāwaw n' ooskeneekeem kitta nekanoótask, kitta kwyachétat ke mās kunow nekan.

11 Ne tapwan ka isse wētumatukook, Tūto oweyuk iskwāk ka ócheet numoweya owusimā itāyétakoosew ispeéch John ooseekahátakāo : maka una ka mawutche upistāyétakoosit kéche kesikoowe otānowiník owusimā itāyétakoosew ispeéch weya.

12 Ākose uspin ka ócheet John ooseekahátakāo peyis unoóch kéche kesikoowe otānow kácheka wé ayanewun, mena kácheka wé muská-twāwuk.

13 Kákeyow ookiskewāhikāwuk mena oo-yussoowāwin ké kiskewāhikāwuk eyekoók John ka état.

14 Mena keespin ke wé otinenawaw, āwuk-wowa Elias, kā wé tukoosinepun.

15 Una ka oótowukat kitta ké pátāk, keyam kitta pátum.

16 ¶ Maka owāyewa nāspitowatchik okoo ka uniskā ócheetchik ayiseyinewuk ? tapiskooch owasisuk ā uppitchik atátoowiník, ākose ā táp-watatchik oo wechāwakunewawa.

17 Omissē ā itatchik, Ne kē pootachekekanan, maka numoweya k' ōche nemehitoonawaw; ne kē matoonan, maka numoweya k' ōche nunākatāyimoonaawaw.

18 Weya John numoweya pā mechesoo mena minīkwāo, ākose ā itatchik, Ayawāo muche 'Achākwa.

19 Weya napāo oo Koosisan pāche mamechesoo mena minīkwāo, ākose ā itatchik, Āwuko napāo kasukāo, mena nētaminīkwāo, oototāmew publicana mena oomuchatissewa. Maka kukātawāyētumoowin nutoótak oot owasimisa.

20 ¶ Ākose utte kitootāo unehee ka kē ata wapūtumeyit oo soókatissewin, āka maka ā mētatumeyit:

21 Ke muche ayanawaw, Chorazin! ke muche ayanawaw Bethsaida! keespīn ākoyekoók kē tochekatāk soókatissewin Tyre mena Sidon eyekoók ka kē isse wapūtumāk, oo ga kē mētātātawaw kuyas usissewākin oo ga weyātātawaw mena kitta peēkotāwehootchik.

22 Maka ke wētumatinawaw, owusimā kitta wātissewuk Tyre mena Sidon ooyussoowāwe kesikake, ispeēch keyawaw.

23 Mena keya, Capernaum, kesikoók ka isse ispākāyētakooseyun, muche iskootāk ke ga isse wāpinikowin: keespīn ākooyekoók soókatissewin kē tochekatāk Sodom eyekoók keyawaw ka isse wapūtumāk, kāyapitch kitta étukwunopun.

24 Maka ke wētumatinawaw, owusimā kitta wātissewuk Sodom ooyussoowāwe kesikake, ispeéch keyawaw.

25 ¶ Mena ākospe Jesus kitoo omisse itwāo, Ke nunaskoomitin, O Ótawemaw, Tāpāyéche-kāyun Kéche Kesikoók mena Uskeék, chikāma ā ké katoowutchik ookukātawāyétumoowuk ohoo kākvia, ākose ā wapūteyutchik túkoopita-wusoonuk.

26 Ākose, Ótawemaw: weya ākose ā isse meywāyétumun.

27 Kákeyow kākwi ne pukitinumak n' Ótawe: mena numoweya oweyuk kiskāyimāo wākoosisewit, weya piko ótawemaw; mena numoweya oweyuk kiskāyimāo ótawemawa, weya piko wākoosiseék, mena piko unehee wākoosiseék kā wapūteyewākā.

28 ¶ Pāche nasik, kákeyow ka ayimisseyāk mena ka pwawutāyāk, ākose ke ga meeyitina-waw uywāpewin.

29 Ootinumasook net issétwawin, mena wé kiskāyemik; ne yoospiseen mena ne tupūtāyimoon ne' táik: ākose ke ga miskānawaw itta kā uywāpēhākook ket áchákoowawuk.

30 Weya net issétwawin ā wātúk, mena ne nuyātahewāwin yākussin.

PISKĒTUSSINÁHIKUN XII.

ĀKOSPE unne Jesus ā ayumehākesikayik pim-oótāo pūkūsekuneskāk; ākose kiskinóhum-

owakunuk wê mechesoowuk, ākose utte moosúkepitāwuk púkŵāsekuna, ā moowat-chik.

2 Maka ispe Phariseewuk weäpútúkik, omisse itāwuk, Cheest, ke kiskinóhumowakunuk totumwuk unima āka kitta tocheckatāpun ā ayumehākesikak.

3 Maka omisse itāo, Numma na k' óche ayumétanawaw ka itotúk David, ā wê mechesoot, mena unehee ka wechākoot;

4 Ka isse peétokwāt w'eekeeyík Munetoowa, mena ā utte moowat ooyustwakoowe ayúkoonawa, numoweya weya oo ga ké moowā, mena unehee ka wechākoot, maka piko Ayumehāwekemawuk?

5 Mena numma na k' óche ayumétanawaw ooyussoowāwiník, ā ayumehākesikayik okoo Ayumehāwekemawuk ā peekoonúkik ayumehākesikak ayumehāwekumikoók, ākose āka ā ukeétumátchik.

6 Maka ke wétumatinawaw, Ota ayaw pāuk ā kistāyétakoosit ispeéch ayumehāwekumik.

7 Maka keespin ké kiskāyétumāk oma ā itwāmukúk, Ne ga ayan kissāwatisseewin, now-utch ispeéch issétwawina, numoweya ke ga oóchemátawawuk āka ā wunétitchik.

8 Weya Napāo oo Koosisan ā tipāyétík āpoócheka ā ayumehākesikayik.

9 ¶ Ākose ispe ká nukutúk ākota, peétokwāo oot ayumehāwekumikooyeék:

10 Ākose, poote, itta ka ayat napāo ā nip-oowemukuneyik oo' cheéchee. Ākose kukwā-chimāwuk, omisse, Meywasin che kitta nun-atoweheét oweyuk ayumehākesikake ? Ā wé itta óche misimatchik.

11 Maka omisse itāo, Kāko napāo étawan ka itusseyāk, ayawat pāuk mayutchikwa, kees-pin maka peéche-puyeyit wateékanik ā ayumehākesikayik, numma che oo ga otinā, mena oo ga wuyowe oópinā ?

12 Taneyekoók maka ayiseyinew owusimā ā itāyétakoosit ispeéch mayutchík ? Āwuko óche maka meywasin kitta meytotumeék kākwi ayumehākesikake.

13 Ākose ā itat unehee napāwa, Soowenis-kāye. Ākose tapwā sooweniskāyew ; ākose tapiskooch kotuk isse meyo ayaw.

14 ¶ Ākose Phariseewuk ka wuyoweetchik, ooyussoowatāwuk, tanse kitta ké isse nisse-wunachehatchik.

15 Maka ispe Jesus kās-kāyétúk, nukutum ākota : ākose ookistukāwe ayiseyinewa pimitis-sahook, ākose ka pimachehat kákeyow ;

16 Ākose kittahumowāo āka kitta achim-ikoot :

17 Kitta ké tipepuyik ā ké itwāt omisse Esaias ookiskewāhikāo,

18 Owa net utooskāyakun, ka ké nowus-oonuk ; ka kéche sakehuk net áchákoók : ne ga meeyaw net áchákwa, ākose kitta wapút-eyāo ooyussoowāwina ayúch eyinewa.

19 Numoweya kitta wê sakoochimewāo, āpo kitta tātāpwāo; mena numoweya eyinew kitta pātowāo māskenāk.

20 Ā āchepuyeyik kistakunuskoose numoweya kitta peekoonum, mena ā moche pepootāyik wastānumakunāyape numoweya kitta astowāhum, eyekoók ooyussoowāwin kā sakoochehewāyik.

21 Mena oo wéyoowinik ayúch eyinewuk kitta mumisseewuk.

22 ¶ Ākose pātoowaw pāuk ā peēteskakoo-yit muche āchákwa, āka ā wapit, mena āka ā nētawāt: ākose pimachehāo, āka ka wapit ākose weāpūtumat mena āka ka nētawāt ké peekiskwāo.

23 Ākose kákeyow eyinewuk mamuskatum-wuk, omisse itwāwuk, Nummayāo che owa David oo koosisa?

24 ¶ Maka ispe Phariseewuk pēātúkik, omisse itwāwuk, Owa numoweya tapwā wuyowetissāwāo muche āchákwa, maka nutuka Beelzebub ka Tipāyimat muche āchákwa ā wechehikoot.

25 Maka Jesus kiskāyētumwāo oo mitoon-āyēchekuneyewa, omisse itāo, Túto otānowa ka nunanischehitoot oweyuk óchetow kitta nissewunatúkee; mena túto kéche waskahikun āpo waskabikun ka nunanischehitoot oweyuk numoweya kitta ké étukwun:

26 Keespin maka muche Āchák wuyowet-issāwāo muche Āchákwa, ākose āsakune kā

nunanischehitoot; tantā maka oot otānowewin kā ôche ayeetuneyik ?

27 Keespin maka Beelzebub ôche ne wuyowetissāwawuk mucho áchákwwuk, owāyewa maka weyechehikootchik ket owasimisewawuk kitta wuyowetissāwatchik ? Āwuk' ôche maka ke ga ooyussoowatikoowawuk.

28 Maka keespin Kissā Muneto oot áchákwa n' ôche wuyowetissāwawuk mucho Áchákwwuk, Ākose āsa kissā Muneto otānowewin wāteétik-ooyāk.

29 Āpo tantā kā ké isse peétokowat oweyuk ā muskowisseyit napāwa, ākose kitta nissewunachétawat oot ayaneyewa, patima nistum ké túkoopitat ka muskowisseyit napāwa ? ākose kitta ké nissewunachétawāo oo waskahikuneyew.

30 Una āka ka wechāwit ne nunatoókoochik; mena, una āka ka wechehit ā moosúkinekāwuk wususwāwāpinikāo.

31 Āwuk' ôche maka ka ititukook, kákeyow nunatoók muchétewin mena pastamoowin kitta usānumowaw ayiseyinew: maka ā nayātawe iteét ka Kunatissit Áchák numoweya kitta usānumowaw ayiseyinew.

32 Mena oweyuk nayātawe itatche napāo oo Koosisana, kitta usānumowaw: maka oweyuk nayātawe itatche ka Kunatissit Áchákwa, numoweya kitta usānumowaw, ota uskeék, āpo nāma uske kā oochéhepuyik.

33 Nantow issechik mistik kitta meyosissit,

mena meenisa kitta meywasikee; ápo issehik mistik áka kitta meyosissit, mena meenisa áka kitta meywasikee: weya meenisík ā óche kisk-áyétakoosit mistik.

34 O uniskā nātawekehitooyāk kināpitik, tanse, ā muchayeweyāk, kā ké ayimootumāk meyo kākwi? weya ā isse peesakwustāk metā ā itwāmukúk me'toon.

35 Oomeywatissew ā isse meyo ustat oo tā wapútewewāo meyo kākwia: mena oomuchat-issey ā isse muchustwat nookoótaw muche kākwia.

36 Maka ke wétumatinawaw, Túto kétimewe peekiskwāwin ayiseyinew kā isse peekiskwā-kwā, kitta mooskinum āwukwāyew ooyussoo-wāwe kesikayike.

37 Ke peekiskwāwiník óche ke ga óche aputchehoon, mena ke peekiskwāwiník óche ke ga óche nissewunachehoon.

38 ¶ Ákose ateét unekee ka mussinahúkik ooyussoowāwin mena unekee Phariseewuk nusk-wāwusehāwuk, omisse itāwuk, Ookiskinóhuma-kāo, ne wé wapútānan kitta mamátawe éteyun.

39 Maka nuskwāwusehāo mena omisse itāo, oomuche pisikwatisseskuk uniskā peā ócheet-chik nutoonumwuk mamátawe kākwi; maka numoweya mamátawe kākwi kitta ké meeyeét-chik, piko unima ka ké isse mamátawe étit ookiskewāhikāo Jonas:

40 Jonas ka ké ayat nistoo kesikaw mena nistoo tipiskaw wapumāk wuták; ákose neesta

napāo oo Koosisan nistoo kesikaw mena nistoo tapiskaw kā pimišsi'k uskeék.

41 Ayiseyinewuk Nineveh ka ócheetchik kitta misimāwuk ohoo uniskā ka pā ócheeyit, ākose kitta pastamāwuk: chikāma ke mētatumwuk weyawaw ā wétumakootchik Jonas; maka owusimā ā itāyétakoosit oweyuk ispeéch Jonas ota ayaw.

42 Mawutche Kéche Ookemaskwāo sawunoták ka ké ócheet kitta misimāo ohoo uniskā ka pā ócheeyit, ākose kitta pastamāo: maka che ā kissepak uske ké pā ótótāo ā wé pátowat kitta isse kukātawāyétumeyit Solomon; maka owusimā ā itāyétakoosit oweyuk ispeéch Solomon ota ayaw.

43 Keespin multe 'Achák wuyowestowat-che ayiseyinewa, pupamoótāo itta ā pákwùtchayik, ā nutoonúk kitta uywāpit, maka āka ā miskúk.

44 Ākose itwāo, ne ga keewan ne waskahik-uník itta ka ké óche wuyoweyan; ākose tākooseéke, miskum ā pisisikustāyik, ā ké wāpāhikāweét, mena wawāsétaweét.

45 Ākose natāo, mena otinumasio tāpukoóp kotuka áchákwa owusimā ā muchatisseyit ispeéch weya, ākose itta peétokwāchik itta ā ayatchik: ākose ākwa owusimā muchayewew āwuko ayiseyinew ispeéch nistum. Ākose makane kā isse ayatchik okoo multe ayiseyinewuk.

46 ¶ Kāyapitch ā ayumehat ohoo ayiseyinewa, kātátowā oo Kaweā mena oo chewama

wuyowetimik nepoweyewa, ā nutowāyētumeyit kitta ayumehikoot.

47 Ākose pāuk omissē itik, Ke Kawe mena ke chewamuk wuyowetimik nepowewuk, ā nutowāyētākik kitta ayumehiskik.

48 Maka nuskwāwusehāo mena omissē itāo unehee ka wētumakoot, Owāna ne Kawe? mena owānekee ne chewamuk?

49 Ākose itwāwāo oo kiskinōhumowakuna, omissē itwāo, makowa ne Kawe mena okoo ne chewamuk!

50 Piko oweyuk kā totumokwā ā itāyētume-yit n'Ōtawēā kéche kesikoók ayat, āwuko ne chewam, mena net owāmaw, mena ne Kawe.

PISKĒTUSSINĀHIKUN XIII.

Āwuko ā kesikak Jesus wuyowew waskahikun-ik, ākose utte uppew chekepāk wenepākoók.

2 Ākose ookistukāwe ayiseyinewa pāche mawussukoonatik, ākose peyoosit, ā utte up-pit; ākose kākeyow okoo ayiseyinewuk chekepāk nepowewuk.

3 Ākose wētumowāo méchāt kākvia ā uspahakāmoot, omissē, pāuk una oopukitinikāo nutowe pukitinikāo;

4 Ākose oma ā pukitinikāt, ateēt kistekana pūkéētinyewa māskunāk, ākose peyāseesuk pāche kittawuk:

5 Ateēt pūkéētinyewa ussineeskāk, itta āka mistahā ā uskeewúk: ākose tapwā saks-keewa, weya āka ā kispukak uske:

6 Maka ispe pesim ā sakoōtāt, ākose iskwa-tāwa; weya āka ā wuttupewūkee, weputch pastāwa.

7 Ateēt maka pūkeētinwa missekaweminuk-useeskāk; ākose missekaweminukuseesuk sak-uskeewuk, mena kepiskumwuk:

8 Maka kotuka pūkeētinwa meyo uskeék, ākose meyo nētawekinwa, ateēt metāto metunoo, ateēt nikootwasoo metunoo, ateēt nisto metunoo yākepuyewa.

9 Owāna wātowukat kitta ké pātúk, keyam kitta nutoótum.

10 ¶ Ākose kiskinōhumowakunuk, itāwuk, Tanākā wāche ayumehutchik ā uspahakāmooyun?

11 Ākose nuskwawusehāo omisse itāo, Chik-āma ke ké meeyikowinawaw keyawaw kitta kiskāyētumāk unima ka ké katāk kéche kesik-oowe otānowin, maka weyawaw numoweya isse meeyawuk.

12 Keespin oweyuk ā ayat, ácheke kitta meeyaw, ākose owusimā kitta ayaw: maka oweyuk āka ka ayat, āwuko kā muskumeēt unima ka ata ayat.

13 Āwuk' óche ka uspahakāmoowuk: chikāma ā ata wapūtúkik numma nissetowinuwuk; mena a ata pātúkik numma nutoótumwuk, mena numoweya nissetótumwuk.

14 Ākose itta wāche tipepuyeyik ookiskewāhikāwin Esaias, ka ké itwāt, ā nutoótumāk ke ga pātānawaw, maka numoweya ke ga nisse-

tótānawaw; mena ā kunowapūtumāk ke ga wapūtānawaw, maka numoweya ke ga nissetow-inānawaw :

15 Weya okoo eyinewuk oo tāewawa nayā-tawustāyewa, mena oōtowukawawa numma nāheētumomukuneyewa, mena kipahumwuk oo' skesikoowawa; āka kitta wapūtúkik oo' skesikoowák óche, mena āka kitta pātumakātchik oōtowukawák óche, ākose nissetótúkik oo tāewák, mena kitta kwāskeetchik, ākose kitta pimachehukik.

16 Maka sowāyētakwunwa ke skesikoowawa, weya ā wapúchekakāyāk : mena k' étowukawawa, weya ā pātumakāyāk.

17 Ne tapwan ka isse wétumatukook, méchāt ookiskewāhikāwuk mena kwiusk ootitatisewuk ké ukawatumwuk kitta wapūtúkik ohoo kākwia ka wapūtumāk, maka numoweya óche wapūtumwuk; mena kitta pātúkik unehee kākwia ka pātumāk, maka numoweya óche pātumwuk.

18 ¶ Nutoótumook maka ā uspahakāmoók oopukitinikāo.

19 Oweyuk ká pātúke otānowe ayumewin, āka maka nissetótúke, ākose pāche otinumeyewa muhe aya unima ka ké pukitinumoót oo táik. Āwuko owa ka ké púkeétineyik kistekan mās-kunāk.

20 Maka una ka púkeétineyik kistekan ussin-eeskāk, āwuko ká pātúke ayumewin, ākose ā mumátakoosit meyo otinum;

21 Maka āka tapwā ā ké wuttupewuneyik

w'eyowík, numoweya kinwās ké kekeskak ; ispe ayimissewin ayumehawin óche áttukwuneyike ayumewin óche, ákose kékéka nayáawáyétum.

22 Una maka ka púkeétimeyik kistekan missekaweminukuseeskák áwuko ka pátúke ayumewin ; ákose ā ootumáyétumehikoot uske, mena ā wuyásehikoot wáyootissewin, kipiskum ayumewin, ákose neesta numma kākwi nétawekineyew.

23 Maka una ka púkeétimeyik kistekan meyo uskeék áwuko ā pátúk ayumewin, maka ā nissetótúk ; mena ussitche ā nookoótat, mena ā nétawekétat, atéet metáto metunoo yúkepuyewa, ateét nikootwasoo metunoo, ateét nistoo metunoo.

24 ¶ Kotuk uspahakāmoon wétumowāo, omisse, Kéche Kesikoowe otānow tapiskooch oweyuk ā pukitinúk meyo kistekan oo kistekaník :

25 Maka mākwach napāwuk ā nippatchik, oo pukwachekuna pāche pukitinikāyewa mucho muskooseā mākwach púkwāsekuník, ákose sipwātāyewa.

26 Maka ispe peā sakuskeet, mena ā utte nétawekit, ákose neyookwúkee mucho muskooseā ussitche.

27 Ákose okoo oot utooskāyakuna tāpāyétúk waskahikun pāche omisse itik, Numma che meyo kistekan ke ké pukitinān ke kistekaník ? tantā maka ka óche mucho muskoosewúk ?

28 Omisse itāo, pukwachekun una ka ké

totûk. Utooskâyakunuk omisse itâwuk, ne ga na maka nutowe munepitânan?

29 Maka omisse itâo, Numoweya; maskooch munepitumâkoo multe muskooseä, ke ga usitchepitawaw pûkwâsekun.

30 Keyam tapiskooch kitta nêtaewekewuk eyekoók kâ munissekâke: âkose munissekâke ne ga itawuk oomunissekâwuk, Mawutchêtak pitta nistum multe muskooseä âkose áussâpitumook kitta poonekatakee: maka áyik pûkwâsekun ne tukwahikâwekumikoók.

31 ¶ Kotuk uspahakâmoon wêtumowâo, omisse; Kêche Kesikoowe otânow tapiskooch pâukoomin kistekanis, ayiseyinew ä otinûk, âkose ä pukitinûk oo kistekanik:

32 Äwuko chikâma mawutche upisasin ka itûtîkee kistekana: maka ispeka nêtaewekeêkee, owusimâ misaw ka itûtîkee oochâpikwa, âkose mistikoók itâyêtakwun, peyâseesuk pâche ayawuk wutikwunik.

33 ¶ Kotuk uspahakâmoon wêtumowâo; Kêche Kesikoowe otânow tapiskooch oôpêchéchekun, iskwâo ä otinûk, âkose ä ustat nistoo ayuk pûkwâsekunik, peyis misewâ oôpuyepuyew.

34 Kâkeyow ohoo kâkwia wêtumowao Jesus ookistukâwe ayiseyinewa ä uspahakâmoot; numoweya nantow ôche itâo äka kitta uspahakâmoot:

35 Kitta tipepuyeyik ä ké itwât ookiskewâhikâo, omisse, Ne ga wêtumakan uspahakâ-

moona ne toonik; ne ga wētān kākvia ka ké katāk uspin nistum ā uskeewúk.

36 ¶ Ākose Jesus sipwātissawāo ookistuk-āwe ayiseyinewa, mena peétokwāo waskahik-uník : oo kiskinóhumowakuna pāche natik, omisse itik, Wétumowinan unima ka uspahakāmoók muche muskooseä kistekaník.

37 Nuskwāwusehāo omisse itāo, Una ka pukitinúk meyo kistekan āwuko Napāo oo Koosisan;

38 Kistekan āwuko uske; meyo kistekan āwukwunik otānowík óche owasisuk; maka muche muskooseä āwukwunik weya muche aya oot owasimisa;

39 Una pukwachekun ka ké pukitinúk āwuko muche áchák; ā munissekāk āwuko ā poone uskeewúk; ākose ka munissekātchik āwukwunik kéche Utooskāyakunuk.

40 Ka isse mawussukoonumeék muche muskooseä ākose ā suskahikatākee; ākose kā ékik poone uskeewúke.

41 Napāo oo Koosisan kitta isitissáwāo oo kéche utooskāyakuna, ākose kitta mawussukoonumwuk kákeyow kākwi ka nayátawehe-wāk oot otānowinik, mena unekee ka totúkik muche kākwi;

42 Ākose kitta isse wāpinawuk muche iskootāk: ākota nunākahchemoowin mena kecheeskapitāwin ā étukwúk.

43 Ākose oomeywatissewuk kitta kéche wasissoowuk tapiskooch pesim oot otānowinik

ôtawewawa. Owāna wātowukat kitta ké pātúk, keyam kitta nutoótum.

44 ¶ Mena, kéche Kesikoowe otānow tapis-kooch ustwawin ā katák kistekaník; ākose ayiseyinew ā miskúk, kataw, ākose ā mumāta-koohekoot nutowe utawakāo túto kākwi ā ayat, ā utawāt āwuko kistekan.

45 ¶ Mena, Kéche Kesikoowe otānow tapis-kooch utawāo eyinew, ā nutoonowat sooneya-wapiskwa :

46 Pāuk ka miskowat sooneyawapiskwa ā kistukimimeét, nutowe utawakāo túto kākwi ā ayat, ākose utawāo.

47 ¶ Mena, Kéche Kesikoowe otānow tapis-kooch āyuppe, ā pukitawák wenepākoók, nuná-kow kinoosāo ka ootāwatchik :

48 Ise seākuskināt, ākwasipitāwuk, ka ooyuppitchik, mawussukoonāwuk ā meyosisseyit, maka wāpināwuk ā mayatisseyit.

49 Ākose kā isse ayak poone uskeewúke : Kéche utooskāyakunuk kitta pāche, tepanāyāwuk oomuchatissewa mena oomeywatissewa,

50 Ākose kitta isse wāpināwuk muchoe is-kooták : ākota nunākachimoowin mena ke-cheeskapitāwin ā étukwuk.

51 Jesus omisse itāo, Ke ké nissetótānawaw na kákeyow ohoo kākwia? Omisse itāwuk, āhā, Muneto.

52 Ākose omisse itāo, āwuk' óche maka túto ka mussinahúk ooyussoowāwin ā ké kiskinoóhumát kéche kesikoowe otānowinik oo

ga nuspitowa ka Tipāyētumeyit waskahikun, ka ôche mooskinumakāt oot ayana ooske kāk-wia mena kuyas aya.

53 ¶ Ākose ispe Jesus kâ keesétat ohoo uspahakāmoona, nukutum ākota.

54 Ākose ispe wāteétat oot uske, kukāsk-imāo oot ayumehāwekumikooyeék, ā mamusk-asétowatchik maka, omisse itwāwuk, Tantā owa napāo wātinúk ka isse kukātaawāyētúk, mena ohoo mamātaawe isséhekuna ?

55 Numayāo che owa Mistikoonapāo oo Koosisa? numma che oo' Kaweā Mary isse-nikasooyewa? mena oo chewama James, mena Joses, mena Simon, mena Judas ?

56 Mena oot owāmawa, numma che ke we-chāwimanowa ? Tantā maka wātinúk owa napāo kákeyow ohoo kāk-wia ?

57 Ākose ké nayātaawāyimāwuk. Maka Jesus omisse itāo, Ookiskewāhikāo oot uskeék piko mena waskahikuník āka ka kistukiméet.

58 Ākose numoweya ôche totum méchāt oo mamātaawe oséhekuna chikāma numoweya tapwātumwuk.

PISKĒTUSSINÁHIKUN XIV.

ĀKOSPĒ una Herod ā Kéche Ookemawit pātum ā ahchimimeét Jesus.

2 Omisse itāo oot utooskāyakuna, Āwuko John ooseekahātakāo; ké wuniskatokwā nip-poowiník ôche, āwuk' ôche maka ka wapū-teyewāt mamātaawe isséhekuna.

3 ¶ Weya Herod oo ké otiná John, ā tũ-koopitat, ā kipáwat Herodias óche, oo chewama Philip oo weweyewa.

4 Weya John ā ké wétumowat, numoweya meywasin keya kitta ayawut.

5 Maka ā ata wé nippáhat, koostāo ayiseyinewa, weya ookiskewāhikāk ā isse kunowapumatchik.

6 Maka ispe Herod ā tipiskúk, oo tanisa Herodias neemehitoo ā wapumikoot, ākose náheyowāhāo Heroda.

7 Usootumowāo ā kéche itwāt kitta meeyat piko kā isse nutootumeyit.

8 Ākose ā ké kuyātā kukāskimikoot oo' Kaweä, Itwāo, Pataw John Ooseekahátakāo oo' stikwan misseyakuník.

9 Ākose mawutche Kéche Ookemaw méta-tum: sakooch maka ā ké kéche itwāt, mena unehee ā ké pátakoot ka weetuppimikoot ā mechesootchik, itussoowāo kitta meeyiméet.

10 Ākose isitissāwāo oweya, kitta keeskék-wātowayit John kipahootoowiník.

11 Ākose oo' stikwan, ké pāawan misseyakuník, utte meeyaw owa oskenekiskwāo : ākose pātoowāo oo' Kaweä.

12 Ākose oo kiskinóhumowakuna pāche, otinumeyewa we'yow, ākose náhékwumwuk, nutowe wétumowāwuk Jesus.

13 ¶ Ispe Jesus peātúk āwuko, nukutum ākota poosew chemaník oópimā itta ayaw : maka ispe ayiseyinewuk ka pātúkik, pimitis-

sáwāwuk kéche waskahikuník óche ā moos-toótatchik.

14 Ākose Jesus ā itoótāt, wapumāo ookistuk-āwe ayiseyinewa, ākose moosétaw ā kitimakinowat, ākose pimachehimāo oot ākoosewa.

15 Ākose ispe wātakooseik, oo kiskinóhumowakuna pā natik, omisse itik, osam pukwunuta oópimā ket ayanow, ākose ākwa kesikaw ā mayawepuyik ; sipwātissahook okoo ookistukāwe ayiseyinewuk, kitta natúkik waskahikuna, ākose kitta utawāstumasootchik mechima.

16 Maka Jesus omisse itāo, Soókātookwā kā sipwātatchik ; meeyíkook kā mechitchik.

17 Ākose omisse itāwuk, Neānun piko peeswā ayúkoonawuk net ayawanawuk, mena nesoo kinoosāwuk.

18 Pātwowik kōyam ota, itwāo.

19 Ākose itu:soowatāo ohoo ookistukāwe ayiseyinewa kitta ooyuppeyit muskooseeskāk, ākose otināo ohoo neānun peeswā ayúkoonawa, mena ohoo nesoo kinoosāwa, kéche kesikoók ka isse tustusapit, meywukimāo, mena púkwānāo, mena meeyāo peeswā ayúkoonawa oo kiskinóhumowakuna, ākose kiskinóhumowakunuk matinumowāwuk ohoo ookistukāwe ayiseyinewa.

20 Ākose kákeyow ké mechesoowuk, mena ke keespoowuk : ākose moosúkinumwuk isk-wáhekuna ka iskwátumoót nesoosap metatút wuttupewuta sakuskin.

21 Unekee ka ké mechesootchik nantow

neānun kéche metáto metunoo itussewuk na-pāwuk, ussitche iskwāwuk mena owasisuk.

22 ¶ Ākose sāmak Jesus seékimāo oo kiskinóhumowakuna kitta pooseyit, mena nekan kitta asoowahumeyit, ā ispeéche kewātissáwat ookistukāwe ayiseyinewa.

23 Ākose ispe ka kewātissáwat ookistukāwe ayiseyinewa, koospamuchewāo wutcheék ā nutowe ayumehat : ākose ispe ā otakoosineyik, ākota pāukoo ayaw.

24 Maka cheman towukam ā ayak, ā makaskak ; weya ā nunimúk.

25 Ākose kākach ā wapúk Jesus natāo, ā pimoótāt wenepākoók.

26 Ākose ispe kiskinóhumowakunuk weāpu-matchik ā pimoótāyit wenepākoók, mekooskachehikwuk, omisse itwāwuk, Chepuy ātokwā ; ākose mowimoókāwuk ā sākissitchik.

27 Maka sāmak Jesus ayumehāo, omisse itāo, náāyétumook ; neya oma ; ākaweya koos-tatchik.

28 Ākose Peter nuskwāwusehāo omisse itāo, Ka Tipāyéchekāyun, keespín keya, seékimin kitta natitan nippeék.

29 Ākose omisse itāo, Astum issa. Ākose Peter kupaw, pimoótāo nippeék, ā natat Jesusa.

30 Maka ā wapútúk ā misseyootineyik, sākissew ; ākose ā utte koosapāt, mowimoókāo, omisse itwāo, Ka Tipāyéchekāyun, pimachehin.

31 Ākose sāmak Jesus sooweniskāyew, ā oteéfinat, omisse ā itat, O tapwā upisasín ke

tapwâtumoowin, tanâkâ ka ôche sakwâyimoo-yun?

32 Ākose ispe ka poositchik, sāmak uywastin.

33 Ākose unekee peétootuk ka ayatchik pāche putuppeestowāwuk, omisse itāwuk, Tapwā ke Munetoowe Koosisanewin.

34 ¶ Ākose ispe missukatchik ukamík, oteétunwuk unima uske Gennesaret.

35 Ākose ispe ayiseyinewuk itta ka ayatchik kās kayimatchik, isitissāwāwuk kákeyow túto itta waska ka ayayit, ākose pātoowāwuk túto ā ākooseyit;

36 Mena pukoosāyimāwuk tāpeyák piko kitta saminumwatchik oot ukoohooneyew : ākose túto ka saminatchik metoone pimache-hikwuk.

PISKÉTUSSINÁHIKUN XV.

ĀKOSE pā natāwuk Jesusa ka mussinahúkik ooyussoowāwina mena Phariseewúk, Jerusalem-ík ôche, omisse itāwuk,

2 Tanâkâ ke kiskinôhumowakunuk peekoonumwuk oot issétwawineyew kāsāyanékatumeyit? āka ka keseepākinúkik oo cheécheewawa wā mechesootwawe.

3 Maka nuskwāwusehāo omisse itāo, Tanâkâ maka neesta ke peekoonumwanawaw ooyussoowawin Muneto ket issétwawinewaw ôche?

4 Weya Kissā Muneto ā itussoowāt, omisse, Kistāyim k' ôtawe mena ke' kawē : mena owe-yuk muhe itatche ôtaweā āpo oo kawēā, kitta nippāhaw.

5 Maka keyawaw ā itwāyāk, Keespin owe-yuk omisse itatche ótaweä ápo oo' kaweä, Mākewin unne, piko itta ke ga ké óche aput-chéitte;

6 Ākose āka kistāyimatche ótaweä ápo oo' kaweä, kitta tipāyimisoo. Ākose oma ka isse peekoonumwāk ooyussoowāwin Kissā Muneto ket issétwawinewaw óche.

7 O wuyāsehissoowuk, tasipwa Esaias ā kiskewāhikāt, ké itikooyāk,

8 Okoo ayiseyinewuk ne pā natikwuk oo toonewawa óche, mena ne kistachimikwuk oo toonewāk; maka oo tāewawa wáyow ayayew.

9 Maka pukwunuta tapwā ka putuppees-towitchik, ā kiskinóhamakāchik ayumehawin eyinewe issétwawin óche.

10 ¶ Nutoomāo ookistukāwe ayiseyinewa, omisse itāo, Nutoótumook, mena nissetótum-ook:

11 Numoweya unima ka peéchepuyik oo tooník ka nissewunachehikoot ayiseyinew; maka unima ka mooskinúk oo tooník óche, awuko nissewunachehik ayiseyinew.

12 Ākose pā natik oo kiskinóhumowakuna, omisse ā itikoot, Ke kiskāyētān che Phariseewuk ā ké nayātawétúkik, ka pātúkik āwuko?

13 Maka nuskwāwusehāo omisse itāo, Túto átuskechekun, kéche kesikoowe n' Ótawe āka ā óche chimutat, kitta munepitchekatāo.

14 Keeyam kitta étewuk: āka ā wapútu-

matchik kiskinótahāwuk āka ā wapeyit. Kees-pin maka āka ā wapit oweyuk kiskinoótahatche āka ā wapeyit, tapiskooch kitta púkissinwuk sepeékaník.

15 Ākose Peter nuskwāwusehāo·omisse itāo, Wétumowinan oma uspahakāmoon.

16 Ākose Jesus omisse itāo, keyawaw che mena numma k' oonissetótumoowininawaw?

17 Numa āskwa che ke nissetótānawaw, túto kākwi ka suskumoók utte peécheputyew muták, ākose mena utte wuyowepuyik?

18 Maka weya unehee me' tooník ka óche mooskinekatākee me' táík ócheputyewa; ākose ka nissewunachehikoot ayiseyinew.

19 Weya me' táík ócheputyikee multe mit-onāyécheekuna, nippáhitoo-wina, mamowétoowina, pissikwatissewina, kimootewina, keyas-kewina, multe peekiskwāwina:

20 Āwukwunee ohoo ka nissewunachehikoot ayiseyinew: maka weya kitta mechesoot āka ā óche keseepākinúk oo cheécheea numoweya āwuko nissewunachehik ayiseyinew.

21 ¶ Ākose Jesus nukutum ākota, itoótāo itta Tyre mena Sidon.

22 Ākose, pāuk iskwāwa Canaan ā ócheeyit ākota kāyapitch ā ótótāyit, ākose nunutoomik, omisse itik, Kissāwatotowin, O ka Tipāyéche-kun, David oo Koosisa; ne tanis naspitch kuk-watukehik multe áchákwa.

23 Maka numma wawach pāuk ayumewin kitootāo. Ākose oo kiskinóhumowakuna pāche

pukoosäyimik, omisse itik, Kewatissa; ke noo-sowetāpwatikoonow.

24 Maka nuskwāwusehāo omisse itāo, piko unekee oowunehoo mayutchikwuk oot owasimisa Israel ka pā natukik.

25 Ākose peāche putuppeestowat, omisse ā itwāt, ka Tipāyēchekāyun, wechehin.

26 Maka nuskwāwusehāo omisse itāo, Num-oweya meywasin kitta otinimeēt owasisuk oot ayūkoonamewawa, ākose kitta wāpinumātchik utimwuk.

27 Ākose omisse itwāo, Tapwā, ka Tipāyēchekāyun: āyewāk maka utimwuk mechewuk pewāchekuna ka pūkētineyikee ookemamewawa oo mechesoowinātikooyik.

28 Ākose Jesus nuskwāwusehāo omisse itāo, O iskwāo, kistun tapwā ke tapwātumoowin: ke ga isse ayan ka isse nutowāyētumun. Ākose oo tanisa pimachehimawa āwuko mākwach tipāhikun.

29 ¶ Ākose Jesus nukutum ākota, mena pāche ayaw kissewak wenepākoók Galilee; ākose koospamuchewāo wutcheék, ākose itta uppew.

30 Ākose ookistukāwe ayiseyinewuk pāche natāwuk, ā ayawatchik unehee āka ā nētahoot-āyit, āka ā wapeyit, āka ā nētawāyit, ā maskisseyit, mena méchāt kotuka, utte āyāwuk Jesus oo sitik; ākose pimachehāo:

31 Peyis ookistukāwe ayiseyinewuk muskatumwuk, ā wapumatchik āka oonēta-

wāwa ā ayumeyit, oomaskissewa ā meyo ayayit, āka oonétaootāwa ā pupamoótāyit, mena āka oowapewa ā nāapeyit: ākose muméchimawuk oo Munetooma Israel.

32 ¶ Ākose Jesus nutoomāo oo kiskinóhumowakuna, omisse itāo, Ne kitimakinowawuk okee ookistukāwe ayiseyinewuk, weya ākwa nistoo kesikaw ā wechāwitchik, ākose āka ā mechesootchik: numoweya ne ga kewātissāwawuk āka ā óche mechesootchik, kakayā weya noótow kitta noótāsinwuk.

33 Ākose oo kiskinóhumowakuna omisse itik, Tantā kā otinúk eyekoók mistahā púk-wāsekun ota pukwuchayík, kā ké keespooyúk-ook okoo ka isse osam āyutitchik ayiseyinewuk?

34 Maka Jesus omisse itāo, Tantúto peeswā ayúkonawuk āyawākook? Ākose omisse itāwuk, Tāpukoóp, mena ateét kinoosāsisuk.

35 Ākose itussoowatāo ookistukāwe ayiseyinewa kitta nāuppeyit moócheék.

36 Ākose otināo unehee tāpukoóp peeswā ayúkonawa mena kinoosāwa, ākose nunaskoomoo, mena púkwānāo, utte meeyāo oo kiskinóhumowakuna, mena kiskinóhumowakunuk matinumowāwuk ookistukāwe ayiseyinewa.

37 Ākose kákeyow ké mechesoowuk, mena ké keespoowuk: ākose mawusukoonumwuk iskwáhekuna tāpukoóp wuttupewuta saksukin.

38 Unekee ka ké mechesootchik nāoo kéche

metátoo metunoo itussewuk napāwuk, ussitche iskwāwuk mena owasisuk.

39 Ākose kewātissāwāo ohoo ookistukāwe ayiseyinewa, ākose poosew, pā missukaw ākota Magdala.

PISKĒTUSSINĀHIKUN XVI.

Okoo Phariseewuk ussitche Sadduceewuk pā kootāyimāwuk nutowāyimāwuk kitta wapūtey-ikootchik mamātawe kākwi kesikoók.

2 Nuskwāwusehāo mena omisse itāo, Wā-takooseéke, mākawūke, Kitta meyo kesikaw ; ket itwanawaw.

3 Mena keyākesāpayake, mākawāke mena neānātāke, kitta multe kesikaw unoóch, ket itwanawaw. O wuyāsehissoowuk, ke nissetowinānawaw kesik ; maka numma che ke nissetowāyétānawaw mākwach unoóch ?

4 Oomuchatisse mena pissikwatisse ayiseyinewuk nutoonumwuk mamātawe kākwi ; maka numoweya mamātawe kākwi kitta óche meeyeetchik, piko unima mamātawe kākwi ka ké ayat ookiskewāhikāo Jonas. Ākose nākutat, ā sipwātāt.

5 ¶ Ākose maka oo kiskinôhumowakuna māsukayit ukamík, oo ké wunekiskissétawaw kitta túkoonatchik ayúkonawa.

6 Ākose Jesus omisse itāo, Pāūtuk nunechestumwák oópuyechéhekunewaw Phariseewuk mena Sadduceewuk.

7 Ākose omisse kemooch ititoowuk, Āka ā óche túkoonúk ayúkonaw.

8 Ispe Jesus kaskāyétúk, omisse itāo, O tapwā upisasin ke tapwātumoowinewaw, tanākā wāche kemooch ayumehitooyāk, āka ā óche pāsewāk ayúkonaw ?

9 Numma na chāskwa ke nissetótānawaw, mena kitta kunookiskisseyāk neānun peeswā ayúkonawuk ka kē aputcheheétchik neānun kéche metāto metunoo ā ussumeétchik, mena túto wuttupewuta sakuskin ka moosúkinumāk ?

10 Mena tāpukoóp peeswa ayúkonawuk ka kē aputcheheétchik nāoo kéche metāto metunoo ā ussumeétchik, mena túto wuttupewuta sakuskin ka moosúkinumāk ?

11 Tantā āka ā isse nissetótumāk āka tapwā ā ituk ayúkonaw oma ka kē itwāyan, kitta nungeestumwāk oópuyechéhekunewaw Phari-seewuk mena Sadduceewuk ?

12 Ākose nissetótowāwuk āka tapwā oópuyechéhekune ayúkonaw ā itayit, maka ookuk-āskimawusoowineyew Phariseewuk mena Sadduceewuk ā itumeyit.

13 ¶ Ispe Jesus wāteétúk otānow Cesarea Philippi, kukwāchimāo oo kiskinóhumowakuna, omisse, owāna itwāchik ayiseyinewuk neya ka napāwe oo Koosisaneweyan ?

14 ¶ Ākose omisse itāwuk Ateét John ooseekahātakāo itwāwuk ; ateét, Elias ; mena ateét, Jeremias, āpo nantow pāuk kiskewāhikāwuk.

15 Mena omisse itão, maka keyawaw owāna ā isseyāk ?

16 Ākose Simon Peter nuskwāwusehāo omisse itwāo, Keya oma Christ, ka Mune-toowe Koosisaneweyun.

17 Ākose Jesus nuskwāwusehāo mena omisse itão, ke sowāyētakoosin keya, Simon Bar-jona : yukuma meyaš mena miko óche wapúteyikoo-yun, maka n' Ótawe kéche kesikoók áyat.

18 Mena maka ké wétumatin, Peter ket is-siníkasoon, ākota oma kistapiskák kā chimut-ayan net ayumehāwekumik ; mena muhe iskootão iskwátāma numoweya kitta sakoochéta-wuk.

19 Mena ke ga meeyitin kéche kesikoowe apeétukahikuna : piko oweyuk kā túkoopitut ota uskeék kitta túkoopisoo kéche kesikoók : mena oweyuk kā apáwut ota uskeék kitta apá-waw Kéche Kesikoók.

20 Ākose kittahumowāo oo kiskinóhumow-akuna āka oweya kitta wétumowayit Jesus ā Christewit.

21 ¶ Ākospe óche Jesus ka óche wapúteya oo kiskinóhumowakuna, kitta itoótāt Jerusa-lemík, ākose kitta kukwatukehikoot missewā isse kāsāyanékatumeyit mena Kéche Ayume-hāwekemawa mena ka mussináhumeyit ooyus-soowāwina, ākose kitta nippáheét, mena kitta wuniskaneét nistoo kesikayikce.

22 Ākose Peter otināo, mena kitootão,

omisse itāo, Kitta wé wāyow ayaw āwuko, Tāpāyēchekāyun: numoweya ākose ke ga isse ayan.

23 Maka kwāskeew, mena omisse itāo Peter, Ne' spiskwuník keya itoótā, Muche aya; k'ootumehin: yukuma Kissā Muneto oot ayana mamitoonāyētumwut, piko unehee ayiseyineew oot ayana.

24 ¶ Ākose Jesus itāo oo kiskinóhumowakuna, Keespin oweyuk wé pimitissahootche, numoweya yayetān weya kitta wé náheyowāhissoo, maka kitta otinum oot ayimissewin, ākose ne ga pimitissahook.

25 Keespin oweyuk wé pimachetatche oo pimatissewin ácheko kitta wunétaw: mena oweyuk wunétatche oo pimatissewin neya óche kitta miskum.

26 Kākwi kā ótissit ayiseyineew ata missewā ayat uske, ākose wunehat oot áchákwa? ápo kākwi kā ké mākit ayiseyineew meeskooch oot áchákwa kitta ayawat?

27 Weya napāo oo Koosisan Kitta pāche kekeet oo kistāyétakoosewineyew ótaweā ussitche kéche utooskāyakuna; ākose ākota kā tippahumowat ayiseyinewa unima ā ké isséche-kunékāyit.

28 Ne tapwan ka isse wétumatukook, ateét ota nepowewuk, āka kitta óche koochistúkik nippoowin, eyekoók kā wapumatchik Napāwe Koosisana ā oochéhepuyeyik oot otānowewin.

PISKÉTUSSINÁHIKUN XVII.

KA nikootwasoo kesikayik Jesus otināo Peter, James, mena John oo chewama, mena itoōtahāo tūkoōtamutin ā isputinak wutche,

2 Ākose kwāskentakooḥoo ā wapumikoot; mena oo' skesik wastāyew tapiskooch pesim, mena oot ayoowinisa wapiskayewa tapiskooch wastāo.

3 Ākose oteétikwuk Moses mena Elias ā ayumehikoot.

4 Ākose Peter nuskwāwusehāo, mena omisse itāo Jesusa, Ka Tipāyéchekāyun, meywasin ota kitta ayayāk : keespin ke nuskoomoon, kitta osétayāk nistoo meekeewāpa ; pāuk keya kitta ayāyun, mena pāuk Moses, mena pāuk Elias.

5 Kāyapitch ā ayumit, kātātowā ā wasisoot wuskoo ukawastāhookwuk : ākose pātumwuk ā itwāweēt wuskoók óche, omisse, Awuko owa seākehuk ne Koosis, ka náheyowāhit ; nutoóták.

6 Ākose ispe kiskinóhumowakunuk peātú-kik, ooteétuppepuyewuk, mena naspitch ā sāk-issitchik.

7 Ākose Jesus pāche samināo, omisse itāo, Wuniskak, ākaweya koostatchik.

8 Ākose ispe ka tustusapitchik, numoweya wapumāwuk, Jesusa piko.

9 Ākose ka pāche nétamutchewāchik, Jesus ayeechimāo, omisse itāo, Ākaweya oweyuk wētumāk ka isse wapúteyikoowiseyāk, patima

eyekoók napāo oo Koosisan ké wuniskatche nippoowinik óche.

10 ¶ Ākose oo kiskinóhumowakuna kuk-wāchimid, omisse, Tanākā maka ka mussinahúkiik ooyussoowāwina Elias nekan kitta tukoosin ka óche itwāchik?

11 Maka Jesus nuskwawusehāo mena omisse itāo, Elias tapwā, nekan kitta tukoosin, ākose kitta meyoótaw kákeyow kākwia.

12 Maka ke wétumatinawaw, assi Elias ā ké tukoosik, maka numoweya ké kiskāyimāwuk, mena ké totowāwuk piko ā isse nutowāyētúkik. Ākose neesta Napāwe Koosisana kā to-towatchik.

13 Ākose kiskinóhumowakunuk nissetótumwuk John Ooseekahátakāwa ā itayit.

14 ¶ Ākose ispe wāteétatchik ookistukāwe ayiseyinewa, pā natik pāuk napāwa ā nepus-koopeestakoot, omisse ā itikoot,

15 Ka Tipāyéchekāyun, kissāwatotow ne Koosis: túto pesim itaspināwin ayaw, mena naspitch kitimahik: weya méchātawaw ā muchoostāwāpinikoot, mena méchātawaw ā pukus-towāhookoot.

16 Ne ké ata pātoowawuk ke kiskinóhumowakunuk, maka numoweya ké pimachehawuk.

17 Ākose Jesus nuskwāwusehāo mena omisse itāo, O āka wātapwātumoowineyāk mena nayā-tawatisseyāk uniskā peā ócheyāk, taneyekoók kinwās kā wechātukook? taneyekook kinwās kā pacheetukook? pāseék mâte neya.

18 Ākose Jesus kitootāo muchoe áchákwa:

ākose tapwa wāyoweeyit: ākose owa owasis ka pimacheheēt ākota mākwach āwuko tippāhikun.

19 Ākose pā natik Jesus oo kiskinōhumowakuna, omisse itik, Tanākā āka neyanan wāche ké wuyowetissāwukéet?

20 Maka Jesus omisse itāo, chikāma, ā oot anwātumoowineyāk: ne tapwan ka isse wētumatukook, Keespin ayayāk tapwātumoowin tapiskooch pāukoominuk upistche kistekanis, omisse ke ga itātawaw oma wutche, nātā kitta wé ustāo; ākose tapwā itta kitta ayapun: mena numoweya kākwi ke ga sakoochehikoōtawaw.

21 Maka unne omatoowa numoweya nēta wuyowēw piko kā ayumehāke mena kā kowākutāhoosoōke.

22 ¶ Ākose mākwach Galileék ā ayatchik, Jesus omisse itāo, Napāo oo Koosisana kitta atamawuk ayiseyinewuk:

23 Ākose kitta nippāhāwuk, maka nistoo kesikayike mena kitta wuniskaw. Ākose naspitch numma nāāyētumwuk.

24 ¶ Ākose ispe wāteētúkik Capernaum, unekee ka otinatchik sooneyawa pāche natāwuk Petera, omisse itāwuk, Numma na K'ookemawaw pukitināo sooneyawa?

25 Āhā, itāo. Ākose ā utte peētokwāt waskahikuník, Jesus kitootāo, omisse itāo, Tanse ā itāyētumun, Simon? owāyewa Kéche Ookemawuk ota uskeék ka otinumowatchik

sooneyawa? Oot owasimisewawa che kâche-wak, âpo che ayûch oweya.

26 Peter omisse itâo, Ayûch oweya. Jesus maka omisse itâo, Âkose âsa weya owasisuk tâpâyimissootchik.

27 Ayewâk maka, âka kitta nayâtawâyêtûk-ik, nassepâ wenepâkoók, mena pukustowâha kwaskwâpitchekun, âkose otin una kinoosâo nistum kâ ôtûtûk; âkose ké paskétoonânutche, ke ga miskowaw sooneyaw: âwuko otin, meeyik maka keyanow âwuko tapiskooch â mâkeyâk.

PISKÊTUSSINÂHIKUN XVIII.

ÂKOSPE unne Kiskinôhumowakuna pâche natâwuk Jesus, omisse itâwuk, Owâna meyawutche kistâyétakoosit kéche kesikoowe otânowinik?

2 Âkose Jesus nutoomâo upistowasisa, âkose tâtawitch âyâo,

3 Omisse itwâo, Ne tapwan ka ititukook, patima ké kwâskatisseyâkoo, mena ke nuspitowâkoo upistowasisuk, numoweya ke ga ôche peétokwanawaw kéche kesikoowe otânowik.

4 Oweyuk maka ké tupûtâyimissookwâ tapiskooch owa upistowasis, âwuko meyawutche kistâyétakoosit kéche kesikoowe otânowin.

5 Maka oweyuk kâ kitimakâyimakwâ toowe upistowasisa ne wéyoowinik ne sakehik.

6 Maka oweyuk kā otumehakwā ohoo upistowasisa ka tapwātoweyit, kitta meywasin nowutch pinnepoochekun ussineeā kitta sukū-pitimoōt oo kwuyák, ākose kitta nistapaweyeēt missuskāwenepākoók.

7 ¶ Mucheayaw uske chikāma wunétewina óche! weya óchetow wunétewina kitta mooskekee; maka maye ayaw āwuko ayiseyinew itta ka óche mooskekee wunétewina!

8 Āwuko óche keespin ke' cheéchee āpo ke' sit otumehikooyune, munissa, mena wāpina. nowutch meywasin kitta peétokwāyun pimatissewinik ā maskepuyeyun āpo ā maskisseyun, ispeéch kitta ayayun nesoo me'cheécheeā āpo nesoo me'sita kitta isse wāpinikoweyun kakekā iskooták.

9 Mena keespin ke' skesik k' otumehikoon, munepita, ākose wāpina: nowutch meywasin kitta peétokwāyun pimatissewinik ā pāukwúk ke' skesik, ispeéch kitta nesikee ke skesikwa kitta isse wāpinikoweyun mucho iskooták.

10 ¶ Pāūtuk āka kitta atowāyimāk pāuk okoo náhekatumāyétakoositchik; ke wétumatinawaw, Kéche kesikoók ākota oo kéche utooskāyakunewawa mosuk kunowapumāwuk n' Ótaweā kéche kesikoók ka ayayit.

11 Weya Napāo oo Koosisan ā pāche pima-
chehat oo wunehoowa.

12 Tanse ā itāyétumāk? keespin ayiseyinew ayawat metáto metunoo mayutchíkwa, ākose pāuk āwukwunee wunesineyit, numma che oo

ga nukuta kâkat metâto metunoo, âkose oo ga itoôta wutcheék, mena oo ga nutoonowa unehee ka wunesineyit?

13 Keespin maka miskowatche, ne tapwan ka ititukook, meywâyétum owusimâ âwukwunee mayutchíkwa ôche, ispeéch unehee kâkat metâto metunoo âka ka ôche wunesineyit.

14 Âkose neesta numma itâyétum k'Ôtawewaw kéche kesikoók ka ayat, étowun pâuk ohoo upistaya kitta nissewunachehooyit.

15 ¶ Mena keespin ke' chewam ke wunetotak, nutowe wétumow â wunetotask â nissikutoo ayayâk : keespin ke nutoôtak, ké kuskéhaw ke' chewam.

16 Maka keespin numma ke nutoôtak, âkose weesam pâuk âpo nesoo, kitta ké ayeetuneyik tanse nesoo âpo nistoo â itwâtchik.

17 Mena keespin numma nutoôtowâo âwukwunee, wétumowik oot ayumehawuk : maka keespin numma wé nutoôtowâo oot ayumehawa, keyam tapiskooch âka â ayumehat ayiseyinew mena publican ke ga itâyimaw.

18 Ne tapwan ka isse wétumatukook, Piko kâkwi kâ túkoopitumâk ota uskeék kitta túkoopitâo kéche kesikoók : mena kâkwi kâ apâhumâk ota uskeék kitta apâhikatao kéche kesikoók.

19 Mena ke wétumatinawaw, Keespin ata piko neseeyakoo itâyétumâkoo ota uskeék kâkwi wé nutootumayâkoo, kitta totumakwuk n' Ôtawea kéche kesikoók âyayit.

20 Weya piko itta nesoo ápo nistoo ā mawuppehikootchik ne wéyoowin, ākota neesta kā weetuppimukik.

21 ¶ Ākose Peter peā natat, omisse ā itat, ka Tipāyéchekāyun, tantútwaw kā wunetotowit ne chewam, ākose ā ata usānumowuk? peyis tāpukoóp tútwaw?

22 Jesus omisse itāo, Numoweya omisse k'ititin, peyis tāpukoóp tútwaw: maka, Peyis tāpukoóp túto metunoo tútwaw tāpukoóp.

23 Āwuk' óche maka kéche kesikoowe otān-owewin tapiskooch una kéche Ookemaw, ka wé ukeétumwat ā mussinahumakoot oot utooskāyakuna.

24 Ākose ispe ka ukeétúk, pāuk pātoowaw, ā mussinahumakoot metatút kéche metāto metunoo kéche sooneyawa.

25 Maka āka kākwi ā ayat kitta ké tippáhikāt, Ookemama itussoowatik kitta atawakanewúk, mena wewa, mena oot owasimisa, mena túto kākwi ā ayat, akose kitta tippáhúk.

26 Owa utooskāyakun maka púkissin, mena putuppeestowāo, omisse itāo, Ookemaw, pāhin keeyam, ākose kákeyow ke ga tippāhumatin.

27 Ākose Ookemama āwuko utooskāyakun moosétaw ā kitimakinowat, ākose apāwāo, mena usānumowāo oo mussinahikuneyew.

28 Maka āwuko utooskāyakun ā wuyweet, ākose miskowāo pāuk weeche utooskāyakuna, ā mussinahumakoot metāto metunoo sooneyaw apiskoosa: ākose ooteétināo oo koótakuneyík,

omisse itāo, Tippāhumowin ka mussinahumoweyun.

29 Ākose weche utooskāyakuna pūkissin-eyewa oo' sitik, mena pukoosāyimik, omisse, Pahin keyam, ākose ke ga tippāhumatin kākeyow.

30 Maka numoweya pātum: maka āchiko kipāhootowinik isse wāpināo, eyekoók kā tippāhumeyit oo mussinahikuneyew.

31 Ākose ispe oo weche utooskāyakuna ā wapūtumeyit ā itotumoót, naspitch numma nāāyētumwuk, ākose pāche wētumowāwuk Ookemamewawa kākeyow unima ā itotumoót.

32 Ākose Ookemama, ka nutoomikoot, omisse itik, O keya mucho utooskāyakun, Ke ké usānumatin kākeyow ke mussinahikun, chikama ā isse nutowāyimeyun:

33 Numma na maka neesta ke ké kitimakinowaw keeche utooskāyakun, ka ké isse kitimakinatan?

34 Ākose Ookemama kissewahāo, pukitini ookitimahewāwa, kitta ayakoot eyekoók kitta tippahúk kākeyow ka mussinahumowat.

35 Ākose neesta Kéche Kesikoók n' Ōtawe kā itotakooyāk, keespin numma ke tāēwák óche ket usānumowawaw ke' chewamewaw ā wunetotakooyāk.

PISKĒTUSSINĀHIKUN XIX.

ĀKOSE ā utte ékeék, ispe Jesus ka keesétat

ohoo itwāwina, nukutum Galilce, ākose pā oteétum otānow Judea ukamik Jordan ;

2 Ākose ookistukāwe ayiseyinewuk pimit-issahook ; ākose pimachehāo ākota.

3 ¶ Neesta Phariseewuk pāche natik, ā koot-āyimikoot, mena omisse itikoot, Meywasin che napāo kitta wāpinat wewa tūto kākwi óche ?

4 Maka nuskwāwusehāo mena omisse itāo, Numma na k'óche ayumétanawaw, una ka ké oséhat nistum oséhāo napāwa mena iskwāwa,

5 Ākose omisse ā ké itwāt, Āwuko oma óche napāo kā nukutat ótaweā mena oo kaweā, ākose kā wechāwat wewa : ākose ā neesitchik pāuko kitta isse ayawuk ?

6 Numoweya maka ākwa neseewuk, maka pāukwun meyas. Piko maka unehee Muneto ka ké wechātahat, ākaweya ayiseyinew kitta nunanischehāo.

7 Omisse itik, Tanākā maka Moses wāche ké itussoowāt kitta mākeweét wāpinetoowe mussinahikāwin, ākose kitta wāpinimeét ?

8 Omisse itāo, Moses chikāma ā ispeéche muskowustayāk ke' tāewawa, ke ké eyinum-akoowaw kitta pukitinākook ke' wewewawuk : maka mitehimach óche numoweya óche ékin.

9 Mena ke wétumatinawaw, keespin oweyuk wāpinatche wewa, piko tapwā psikwatissewin óche, kotuka maka utte wekeematche, totum psikwatissewin : mena oweyuk wekeematche unehee ka wapinimeét totum psikwatissewin.

10 Oo kiskinóhumowakuna omisse itik, kees-

pin akose isse ayaw owa napāo mena oot isk-wāma, numoweya āsa meywasin kitta wekeēt-oók.

11 Maka omisse itāo, Numoweya kákeyow ayiseyinew kitta ké ótinum oma itwāwin, piko unekee ka isse meeyeéetchik.

12 Étawuk ateét eunuchuk, ā ké isse nēta-wekitchik oo' kawewawa ā isse nēta-wekehi-kootchik: mena étawuk atéet eunuchuk, ā ké issehi-kootchik ayiseyinewa: mena étawuk eunuchuk, óchetow ā ké issehissootchik kéche kesikoowe otānowewin óche. Piko una ka kuskéat kitta ótinúk, keyam kitta ótinum.

13 ¶ Akose pātoowaw upistowasisa, kitta saminat, mena ayumehāstumowat: ākose kiskinóhumowakunuk kitootāwuk.

14 Maka Jesus itwāo, Pukitiní-kook upistowasisuk, mena ākaweya kittahumákook, kitta pā nasitchik: ākotoowa okoo kéche kesikoowe otānowewin ka ayatchik.

15 Akose túkoonāo, ākose sipwātao.

16 ¶ Akose poote, pāuk pāche omisse itik, Meyo Kiskinóhumakāo, kākoo meyo kakwi kā totuman, kitta ayayan kakekā pimatissewin?

17 Akose omisse itāo, Tanákā meyo aya wāche isseyun? numoweya oweyuk meyo aye-wew pāuk piko, āwuko Muneto: maka keespin ke wé peétoqwan pimatissewiník, mitchimina ooyussoowāwina.

18 Omisse itik, Tanehee? Jesus itāo, Ākaweya nippátakā, Ākaweya pisikwatisse, Āka-

weya kimoote, Ākaweya keyaske missék-āmoo,

19 Kistāyimik k' ótawe mena ke' kawē: mena, ka itāyimissooyun ke ga isse sakehaw keeche ayiseyinew.

20 Owa ooskenekew omisse itāo, Kákeyow ohoo kākwiā ne ké mitchiminān uspin ā pāche owasiseweyan: kākwi kāyapitch kweetumayan ?

21 Jesus omisse itāo, Keespin issa ke wé tapwan, nutowe utawakā ket ayana, mena meeyik ookitimakissewuk, ākose ke ga ustwan kéche kākwiā kéche kesikoók: ākose pāche wechāwin.

22 Maka ispe āwuko ooskenekew peātúk āwuko itwāwin, sipwātāo āka ā nāāyētúk: weya kéche wāyootissewina ā ayat.

23 ¶ Ākose Jesus itāo, oo kiskinóhumowakuna, Ne tapwan ka ititukook, oowāyootissew tapwā ukawach kitta peétokwāo kéche kesikooowe otānowewin.

24 Mena keētwan ke wētumatinawaw, owusimā wātun pisiskew kitta sapooyúkeet sapoonekunik, ispeéch oowāyootissew kitta peétokwāt oot otānowineyew Munetoowa.

25 Ispe oo kiskinóhumowakuna peātumeyit, naspitch mamuskasétumwuk, omisse itwāwuk, owāna maka kā ké pimachehoot ?

26 Maka Jesus kunowapumāo, mena omisse itāo, Weya ayiseyinew ayimun itāyētum; maka weya Muneto kákeyow kākwi wātun.

27 ¶ Ākose nuskwāwusehāo Peter mena omisse itāo, Ne ké nukutānan kákeyow kākwi, ā wechāták; kākwi maka kā ōtinumák?

28 Jesus omisse itāo, Ne tapwan ka isse wētumatukook, Keyawaw ka ké wechāweyāk, keétwam nētawekewinik ispe napāwe Koosisan ké ooyuppithe oo kéche uppewinik oo mumé-chimikoowinik, keyawaw mena ke ga uppina-waw nesoosap metatút kéche uppewina, kitta ooyussoowatākook nesoosap metatút ka ké túto skanāmukissitchik Israel.

29 Mena túto oweyuk ka ké nukutúk waskahikuna, ápo oo' chewama, ápo oot owāmawa, ápo ōtaweä, ápo oo' kaweä, ápo wewa, ápo oot owasimisa, ápo oot uskeeä, ne wéyoowin ōche, kitta ōtinum metáto metunoo owusimā, mena kitta ayaw kakekā pimatissewin.

30 Māka méchāt ka ata nistum ayatchik ooták kitta ayawuk; mena ooták ka ayatchik nistum kitta ayawuk.

PISKÉTUSSINÁHIKUN XX.

KÉCHE Kesikoowe otānow tapiskooch ayiseyin-ew ā tipāyétúk waskahikun, ā wuyoweet weputch ā kákesāp ayayik kittā mussinahikāhat oot utooskāwa oo meenisátikoo kistekanik.

2 Ākose ka mussinahikāhat oot utooskāwa pāuk sooneyawapiskoosa pāuk ā kesikak, isitisawāo oo meenisátikoo kistekanik.

3 Mena ispe ā wuyoweet nistoo tippāhikun

ā ispeētukoochineyit, mena wapumāo kotuka pukwunuta ā nepoweyit atātoowinik,

4 Ākose omisse itāo; Itoótāk keyawaw mena meenisátikoo kistekanik, netap unima ā kwiuskwúk ke ga meeyitinawaw. Ākose tapwā itoótāwuk.

5 Mena ispe ā wuyoweet nantow nikootwasik mena kākāt metatút tipáhikun, mena ākose totum.

6 Mena nantow pāukoosap metatút tipáhikun ā wuyoweet, mena miskowāo kotuka pukwunuta ā nepoweyit, ākose omisse itāo, Tanākā ota kupā kesik pukwunuta ke nepowinawaw?

7 Omisse itāwuk, Chikāma numoweya oweyuk ne mussinahikāhikoonan. Omisse itāo, Neyak keyawaw mena meenisátikoo kistekanik; netap piko ā isse kwiuskwúk, ke ga ótinānawaw.

8 Ākose ispe wātakooseék, una ka tipāyétúk meenisátikoo kistekan omisse itāo unehee kānowāyétumakoot oot ayana, Nutoomik oot utooskāwuk, ākose meeyik ka isse kuskétatchik, unekee iskwayanik óche peyis nistum isko.

9 Ākose ispe unekee ka ké mussinahikāheétchik nantow pāukoosap metatút tipáhikun, ótināwuk kákeyow pāpāuk sooneyawapiskoosa.

10 Maka unekee nistum peā itoótatchik, owusimā ne ga meeyikowinan itāyétumwuk; maka neestawaw ótināwuk kákeyow pāpāuk sooneyawapiskoosa.

11 Maka ispe ka ótinúkik, métowumāwuk ka Tipāyētumeyit waskahikun,

12 Omissé itwāwuk, okoo iskwayaník pāuk tipāhikun piko ké utooskāwuk, ākose tapis-kooch neyanan ket itotowawuk, ā ké ayimisse-yāk kupā kesik ā kisastāk.

13 Maka nuskwāwusehāo omissé itāo unehee pāuk, Ne tootām, Numoweya ke wunetotatin: numma che ke ké nuskoomoon pāuk sooneya-wapiskoos kitta ótinut?

14 Otin una keya ket ayan, ākose kewā: ne ga meeyawuk okoo iskwayaník, tapiskooch eye-koók keya.

15 Numma che kwiusk ne ga totān piko ā wé totuman kitta totuman net ayan? Nayāta-wun che ke' skesik, neya ā meyowatisseyan?

16 Ākose iskwayaník kā nistumukimeét-chik, mena unekee nistum iskwayaník kā ayat-chik: weya méchāt ā nutoomeéetchik, maka chukowasis ā nowusooneéetchik.

17 ¶ Ākose Jesus ā itoótāt Jerusalemík put-ootā itoótahāo nesoosap metatūt oo kiskin-ōhumowakuna, mena omissé itāo.

18 Ket itoótanow Jerusalemík; maka napao oo Koosisan kitta utamawuk kéche Ayumehā-wekemawuk mena ka mussinahúkik ooyussoo-wāwina, ākose kitta itussoowatāwuk kitta nip-pāhiméet,

19 Ākose kitta meeyāwuk ayúch eyinewa kitta ayasachehayit, mena kitta pusustāwayit,

mena kitta cheestahaskwatayit : ākose nistoo kesikayike kitta wuniskat mena.

20 ¶ Ākose pā natik oo' Kawewawa Zebedee oot owasimisa oo Koosisa ussitchē, ā putuppeestakoot, mena ā nutowāyētumakoot nantow kākwi.

21 Ākose omisse itāo, Kākwi nutowāyētum-un ? Omisse itik, okoo nesoo ne koosisuk kitta uppitchik, pāuk ke kēcheniskik, mena kotuk ke numātinik, ket otānowinik.

22 Maka Jesus nuskwāwusehāo omisse itāo, Numoweya ke kiskāyētānawaw ka nutootumayāk. Ke ga kuskētānawaw che kitta minikwāyāk itta meekisoyaknuisik kā minikwāyan, mena kitta seekahātakoweyāk unima seekahātatoowin ka ōche seekahātakoweyan ? Omisse itāwuk, Ne kuskētanan.

23 Ākose omisse itāo, Ke ga chikāma minikwanawaw ne meekisoyakunisik, mena ke ga seekahātakowinawaw unima seekahātatoowin ka ōche seekahātakoweyan : maka kitta uppeyāk ne kēcheniskik, mena ne numātinik, numayāo net ayan kitta ké mākeyan, maka kitta meeyawuk unekee ka ké kwjachētumakootchik n' Ōtawēa.

24 Ākose unekee metatūt ā pātúkik, kissewahikwuk unehee nesoo ka oochewamitooyit.

25 Maka Jesus nutoomāo, omisse itāo, Ke kiskāyētānawaw Ayúch eyinewuk ā isse tipāyimikootchik kéche ookemawe Koosisana, mena

unekee ka kéche ayewitchik ā isse kéche tipā-yimatchik.

26 Maka numoweya ākose ke ga isse ayana-waw keyawaw : maka oweyuk wé kéche aye-witché, keyam āwuko kitta pumeestakāo ;

27 Mena oweyuk wé ookemawitché, keyam āwuko ke ga utooskāstakoowaw :

28 'Apôcheka napāo oo Koosisan numoweya kitta pumeestāt pā isse nutoonum, maka kitta pumeestakāt, mena kitta pukitinúk oo pimatisséwin ā pimachehat méchāt.

29 ¶ Ākose ā nukutúkik Jericho, ookistukāwe ayiseyinewa pimitissahook.

30 Ākose, nesoo āka ā wapitchik napāwuk māskunāk ā uppitchik, ispe peātúkik Jesusa ā pimoótāyit, tāpwatāwuk, omisse itāwuk, Kissā-watotowinan, O ka Tipāyéhekāyun, Keya David oo Koosisa.

31 Ākose ayiseyinewuk kitootāwuk, kitta kipitoowāyit : maka ácheko tāpwatāwuk, omisse, Kissāwatotowinan, O ka Tipāyéhekāyun, David oo Koosisa.

32 Ākose Jesus keyamekapowew, ākose nutoomāo, omisse itāo, Tanse ā isse nuttowāyétumāk kitta totatukook ?

33 Omisse itāwuk, ka Tipāyéhekāyun, ne' skesikoonana kitta paskētānumun.

34 Ākose Jesus kitimakinowāo, mena saminumwāo oo' skesikooyewa : ākose samak ótinumwuk kitta wapútumatchik, ākose wechāwāwuk.

PISKĒTUSSINĀHIKUN XXI.

Ākose ispe kissewak ā étatchik Jerusalem, mena wāteētūkik Bethphage, wutcheek Olives, ākose isitissāwāo Jesus nesoo kiskinōhumowakuna,

2 Omissē itāo, Itoōtāk nāma otānow ke nekanimewāk, ākose ke ga miskowawaw soosowustim ā tūkoopisoot, ā wechāwat ayesisa: apāhoókook, ākose pātoowik.

3 Keespin oweyuk nantow itikooyākoo, omisse ke ga itwanawaw, ka Tipāyéchekāt nutowāyimāo; ākose kā pukitinat.

4 Kākeyow oma ké tochekatāo, kitta tipepu-yik ā ké itwāt ookiskewāhikāo, omisse,

5 Wētumāk oo tanisa Sion, Makowa, ke Kéche Ookemam ka pā natisk, yoospisseew, mena tātuppewsoosoowustimwa, mena soosoowuschimoosa Oot owasimisa soosoowustim.

6 Ākose kiskinōhumowakunuk itoōtāwuk, mena totumwuk Jesus ka ké itussoowatikootchik,

7 Mena pāsewāwuk soosoowustimwa, mena soosoowuschimoosa, ākose tātustawāwuk oot ayoowinisewawa, mena tātāyāwuk.

8 Ākose naspitch ā oosamāyutit ayiseyinew unaskāwuk māskunāk oot ayoowinisewawa; kotukuk wutíkwuna mūnewāpāhumwuk mistikoók óche, ākose unaskātetawuk māskunāk.

9 Ākose ayiseyinewuk ka nekanoótatchik, mena unekee ootāk ka ayatchik, omisse itwā-

wuk, Hosanna oo Koosisa David: Meyo ayaw una ka tukooseék oo wéyoowiník ka Tipáyé-chekāyit; Hosanna mawutche kéche ayewiník.

10 Ākose ispe tākooseék Jerusalemík, kákeyow itta āyatchik wawanāyétumwuk, omisse itwāwuk, Owāna owa?

11 Ākose ayiseyinewuk omisse itwāwuk, Āwuko owa Jesus ookiskewāhikāo Nazareth Galilee.

12 ¶ Ākose Jesus peétokwāo oo kéche ayumehāwekumikoók Muneto, ākose wuyowetissawāo kákeyow unehee ka utawakāyit mena ka utawāyit kéche ayumehāwekumikoók, mena ké peewāpinumwāo oo mechesoowinātikooyewa unehee ka meeskootoonayit ayúch sooneyawa, mena oot uppewinewawa unehee ka utawakāyit oomémewa,

13 Mena omisse itāo, Omisse itustāo, Ayumehāwekumik kitta issenikātāo ne waskahikun; maka kimootiskuk oo watewaw ke ké issétanawaw.

14 Ākose āka wapewuk mena āka nétahoótāwuk pāche natik kéche ayumehāwekumikoók; ākose pimachehāo.

15 ¶ Ākose ispe kéche Ayumehāwekema-wuk mena ka mussinahúkik ooyussoowāwina weápútúkik mamuskach kākwi ā totumeyit, mena unehee owasisa ā itwāwātayit kéche ayumehāwekumikoók, omisse ā itwāyit, Hosanna weya David oo Koosisa; naspitch numma náayétumwuk,

16 Ākose omisse itāwuk, Ke pātowawuk che okoo ka itwāchik? Ākose Jesus omisse itāo, Āhā; numma che wékach ket ayumétanawaw, oo tooneyik upistowasisa mena oonoótoowa ké kuskétaw oo muméchimikoowin.

17 ¶ Ākose nukutāo, nukutum āwuko kéche waskahikun Bethany itoótāo: ākose ākota ayaw.

18 Ākose ā kakesāpayayik mena ā natúk kéche waskahikun, wé mechesoo.

19 Ākose ā wapumat meenisátikwa mās-kunák, utte natāo, maka numoweya kākwi miskum ākota, piko nepeeā, ākose omisse itāo, Ākaweya wékach meenisa kitta nétawekinwa ākota mistikoók. Ākose sāmak owa meenisátik utte pasoot.

20 Ākose ispe kiskinóhumowakuna weäpútúkik, mamuskatumwuk, omisse itwāwuk, Tapwā weputch utte pasoo owa meenisátik!

21 Jesus nuskwāwusehāo mena omisse itāo, Ne tapwan ka ititukook, keespin ket ayanawaw tapwātumoowin, mena āka sakwāymooyākoo, numoweya piko oma ke ga totānawaw ka itotāt owa meenisátik, maka āpócheka keespin omisse itumāk oma wutche, Ke ga ākutayan, mena wenepākoók ke ga issewāpinikowin; kitta tochekatāo.

22 Mena kákeyow kākwi, piko kākwia kā nutootumayāk ā ayumehayāk, ā tapwātumāk maka, ke gah ótinānawaw.

23 ¶ Ākose ispe ka peétokwāt kéche ayume-

hāwekumikoók, okoo kéche ayumehāwekema-wuk mena kissāyinékatúkik pā natāwuk ā kiskinóhumakāyit, mena omisse itāwuk, Kākwi ka óche totumun ohoo? mena owāna ka meeyisk oma kitta ké totumun?

24 Ākose Jesus nuskwāwusehāo mena omisse itāo, Neesta ke ga kukwāchimitinawaw pāuk kākwi, keespin ké wétumoweyākoo, Neesta ke ga wétumatinawaw tantā wāche kuskétayan ohoo kākwiā.

25 Oo seekahátakāwin John, tantā wācheeyik? kéche kesikoók, āpo che ayiseyinewa? ākose kemooch ayumehitoowuk, omisse, Keespin ata omisse itwāyākoo, Kéche kesikoók óche; omisse ke ga itikoonow, Tanāka maka numma ke ké tapwātowawaw?

26 Maka keespin omisse itwāyūkoo, Ayiseyinewa; ke koostanowuk ayiseyinewuk; weya kákeyow John ookiskewahikāwew ā itwāchik.

27 Ākose nuskwāwusehāwuk Jesus, omisse itwāwuk, Numoweya ne ké wétanan. Ākose omisse itāo, Neesta numoweya ke ga wétumatinawaw tantā wātinuman ka totuman ohoo kākwiā.

28 ¶ Maka tanse ā itāyétumāk? Pāuk una napāo neseyewa oo koosisa; ākose unehee nistum omisse itāo, Ne Koosā, nutowe utooskā ka kesikak ne meenisátikoo kistekaník.

29 Nuskwāwussehāo omisse itāo, Numoweya ne ga itoótan: maka ké métatum, ākose itoótāo.

30 Ākose pāche natāo kotuka, ākose neesta

itão. Ākose nuskwāwusehāo omisse itwāo, Ne ga itoōtan: maka numoweya itoōtāo.

31 Tanuna unima ā nesitchik ka totumwat ā isse nutowāyimikoot ōtawēā? omisse itāwuk, Una issa nistum. Jesus omisse itāo, Ne tapwan ka ititukook, weyawaw publicanuk mena oopisikwatisuk nekan peétokwāwuk Kissā Muneto ootānowinik ispeéch keyawaw.

32 Weya John ā ké pā natikooyāk kwiusk itatissewinik isse, maka numoweya ke ké tapwātowawaw: maka weyawaw publicanuk mena oopisikwatisuk ké tapwātowāwuk: ākose keyawaw, ā ata wapūtumāk, numoweya ke ké métatānawaw, kitta ké tapwātowāk.

33 ¶ Nutoótumook kotuk uspahakāmoowin: Pāuk una ā tipāyētūk waskahikun, ké ooyuskeétaw meenisátikoo kistekan, mena kippāhum missewā waska, ākose moonatikāo itta meenisa-poē kitta óche kowétat, mena chimutaw ā ispayik ussowapewin, ākose owehāo ookistekāwe napāo, ākose sipwātāo petoos uskeék itoōtāo:

34 Ākose ispe ka nétawekeékee meenisa eyekoók kissewak wāchéhepuyeyik, isitissāwāo oot utooskāyakuna ookistekāwe napāwa, kitta natayit kitta ōtinúkik meenisa itta óche.

35 Ākose ookistekāwe napāwuk otināwuk oot utooskāyakuneyewa, ākose pāuk ootamāwawuk, mena nippāhāwuk kotuka, mena pupimwussinahāwuk kotuka.

36 Ākose mena, isitissawāo kotuka utooskā-

yakuna nowutch méchāt ispeéch nistum: ākose kāyapitch ka totowatchik āwukwunee.

37 Maka iskwayaník oo Koosisa isitissawāo, omisse ā itwāt, Yikumāka kā kistāyimatchik ne Koosisa.

38 Maka ispe ookistekāwe napāwuk weāpumatchik oo koosiseyewa, omisse ititoowuk, āwuko owa kā utte uniskā tipāyétúk; mâte, nippáhatan, ākose otinumasoowatan unima oo ga ké ayáty.

39 Ākose otināwuk, mena wuyowe wāpināwuk meenisátikoo kistekaník, utte isse nippáhāwuk.

40 Una Tāpāyétúk meenisátikoo kistekan ispe tukooséke, tanse kā totowat ohoo ookistekāwe napāwa?

41 Omisse itāwuk, Kitta nissewunachehāo ohoo mucho ayiseyinewa, ākose kotuka ookistekāwe napāwa, kitta owehāo oo meenisátikoo kistekan, kitta meeyikoot meenisa eyekoók uteétāyikee.

42 Jesus omisse itāo, Nummawékach na ket ayumétanawaw kéche mussinahikuník, Una ussinee ka atowāymeét, āwuko kekāyāk kistāyaw: āwuko oma Tāpāyéchekāt ā totúk, kitta ké maka mamuskasapisinúk?

43 Āwuko óche ka ititukook, Kissā Muneto otānowewin ke ga muskumikowinawaw, ākose kitta meeyawuk kotukuk ayiseyinewuk kā nookoótatchik itta ā itatissitchik.

44 Keespin oweyuk púkissíke ákota ussineék kitta peekoosin : maka oweyuk tussoosootche, kitta peeseпоoyik tapiskooch píkoo.

45 Ákose ispe okoo Kéche Ayumeliāwekemawuk mena Phariseewuk ka pátúkik oot uspahakāmoowina, kiskāyétumwuk weyawaw ā itikootchik.

46 Maka ā ata nutoonúkik kitta otinatchik, koostāwuk ookistukāwe ayiseyinewa, chikāma ookiskewāhikāo ā itāyimayit.

PISKĒTUSSINÁHIKUN XXII.

ÁKOSE Jesus mena nuskwāwusehāo mena omisse isse wétumowāo ā uspahakāmoot, omisse itwāo.

2 Kéche kesikoowe otānow tapiskooch una mawutche kéche Ookemaw, ka wekeétahat oo koosisa,

3 Ákose isitissāwāo oot utooskāyakuna kitta nutoomayit unehee ka wékoomimeét wekeétoowiník : maka numoweya wé pā itoótāwuk.

4 Ákose, kotuka isitissāwāo utooskāyakuna, omisse itāo, Wétumákook unekee ka wékoomimeéetchik, assi ne ké kwyachétan net apeé-towkesikawe mechesoowin : net ayapāmuk mena ne táchepohakunuk ké nippáhawuk, mena kákeyow kákwi kwyatun : ákwa páche natumook wekeétoowin.

5 Maka atowāyétumwuk, áchekeo sasipwátāwuk, pāuk oo kistekaník, kotuk oot utawa-kuník :

6 Ākose kotukuk otināwuk oot utooskāyakuneyewa, mena uspehāwuk naspitch, mena nippāhāwuk.

7 Maka ispe una mawutche kéche Ookemaw peātúk āwukwāyew, metoone kissewasew: ākose isitissāwāo oo semakunisima, ākose nissewunachehāyewa unehee nippātakāska, mena suskāhumeyewa oo kéche waskahikunewaw.

8 Ākose omisse itāo oot utooskāyakuna, wekeétoowin assi kwyatun, maka unekee ka ké wékoomeétchik numoweya ākoyekoók itāyētakoosewuk.

9 Neyak maka itoótāk kéche. māskunāk, túto kā miskowākook, pāche wékoomikook.

10 Ākose okoo utooskāyakunuk itoótāwuk kéche māskunāk, ākose mawutchehāwuk kákeyow túto māskowatchik, ā muchatisseyit keyekow ā meywatisseyit: ākose étawuk oonasewāwuk wekeétoowinik

11 ¶ Ākose ispe mawutche Kéche Ookemaw peyétokwāt ā wé wapumat oonasewāwa, wapumāo ākota pāuk napāwa āka ā kekeskumeyit wekeétoowussakuy:

12 Ākose omisse itāo, Ne totām, tanākā ota ke peétokwan āka ā ayayun wekeétoowussakay? Ākose nummawawach ké kitoo.

13 Ākose omisse itāo mawutche Kéche Ookemaw utooskāyakuna, Túkoopitík oo cheécheék mena oo' sitik, ākose sipwātahik, wuyowe wāpiník wuyowetimík wunetipiskāk; ākota kā ayak matowin mena kecheeskapitāwin.

14 Weya méchāt ā nutoomeétchik, maka chukowasis ā nowusooneétchik.

15 ¶ Ākose itoótāwuk Phariseewuk, mena ooyussoowāwuk tanse kitta isse nukwatatchik oot ayumewineyík.

16 Ākose isitissahumowāwuk oo kiskinôhum-owakunewawa ussitche Herodianuk, kitta omisse itatchik, Ookiskinôhumakāo, ne kiskā-yétānan ā tapwāyun, mena tapwā ā kiskinôhum-akāyun oot issewāpissewin Muneto, mena numoweya ayiseyinew ke nunecheestowaw : weya āka ayiseyinew ā nunechehisk.

17 Wétumowinan maka, Tanse ā itāyétum-un ? Meywasin che kitta meeyeét Cæsar sooneyawa, āpo numma ?

18 Maka Jesus nissetowāyétum oo muchat-issewineyew, omisse itao, Tanākā wāche nutootissahooweyāk, O wuyāsehissootik ?

19 Wapúteyik una sooneyaw. Ākose pā-toowāwuk pāuk sooneyawapiskoosa.

20 Ākose omisse itāo, Owāna owa ka mus-sinahikasoot ota ?

21 Omisse itāwuk, Cæsar. Ākose omisse itāo, Meeyik maka Cæsar unehee wātayanit Cæsar ; mena Muneto unehee wātayanit Muneto.

22 Ispe ka pātúkik ohoo ayumewina, mamskatumwuk, nukutāwuk, ākose kewāwuk.

23 ¶ Āwuko ā kesikayik pā natik Sadduceewuk, nummatukwun wuniskawin ka itwātchik, ākose kukwāchimik.

24 Omissé itik, Ookiskinôhumakão, Moses ké itwão, Keespin napão nippitche, aka a ootowasimisit, oo chewama kitta wekeemâyewa we'wa, akose kitta nêtawekétowat owasisa oo chewama.

25 Pawkwaw tâpukoóp ké itussewuk a ooche-wamítotchik: akose una nistum, a ké wekeemat we'wa, nippew, akose, aka a ootowasimisit, nukutumowão oo chewama unehee we'wā:

26 Akose mena una kotuk uskooch, mena una kotuk, peyis kákeyow tâpukoóp.

27 Akose iskwayanik mawutche una iskwão nippew neesta.

28 Ipe maka wuniskawe kesikake owāna kā we'wit ohoo iskwāwa unekee tâpukoóp ka itussitchik? weya kákeyow a ké ayawatchik.

29 Jesus nuskwāwusehāo mena omisse itāo, ke wunetotānawaw, aka a kiskāyétumāk kéche mussinahikun, mena oo soókatissewin Muneto.

30 Weya wuniskawe kesikake yukuma kā wekeéhitootchik, ápo kitta wekeétáhewatchik, maka nuspitowāwuk Muneto oo Kéche Utoos-kāyakuna kéche kesikoók.

31 Mena kitta wuniskaneétchik ka ké nippitchik, numma che k' óche ayumétanawaw unima ka ké wétumakooyāk Kíssā Muneto, omisse,

32 Neya Abraham oo Munetooma, mena Isaac oo Munetooma, mena Jacob oo Mune-tooma? yukuma oweya a nippeyit ka oo Munc-

toomimikoot Muneto, maka unehee ka pimat-isseyit.

33 Ākose ispe ayiseyineuwuk peātúkik oma, mamuskasétumwāwuk oo kukāskimawusoowin-eyew.

34 ¶ Maka ispe Phariseewuk, ka pātúkik ā kē kipootoonāwat Sadduceewuk, ākose mawutchehitoowuk.

35 Ākose una pāuk, ooyussoowāo, kukwāchim-āo kākwi, ā nutootissāwat, omisse itāo,

36 Ookiskinōhumakāo, tanima mawutche kēche kukāskimewāwin ooyussoowāwinik?

37 Jesus omisse itāo, Ke ga sakehaw ka Tipāyéhekāt ke Munetoom missewā ke tā óche, mena missewā ket áchák, mena missewā ke mitoonāyéhekun.

38 Āwuko oma nistum mena kēche ooyus-soowāwin.

39 Ākose kotuk kayapitch ākose ātétak-wúk, ke ga sakehaw keeche ayiseyineuw ka isse sakehissooyun.

40 Ohoo nesoo ooyussoowāwina kē pā wé-chekatāwa ooyussoowāwinik mena ookiskewā-hikāwuk.

41 ¶ Kayapitch itta Phariseewuk ā m-mowe ayayit, Jesus kukwāchimāo,

42 Omisse, Tanse ā itāyimāk Christ? owā-na oo Koosisa ā itāyétumāk? omisse itāwuk, David oo Koosisa.

43 Omisse itāo, Tanāka maka David oot áchákoók Muneto wāche itat, omisse,

44 Ka Tipāyéchékāt omisse itāo ne Mune-tooma Uppe keya ne kécheniskik, eyekoók kā isséhukik ke pukwachekunuk kitta oot uspisit uppewineyun?

45 Keespin David Ne Munetoom itāo, tantā wāche oo Koosisit?

46 Ākose numoweya oweyuk kuskétaw kit-ta nuskwāwusehat kunukā pāukootoon, mena numoweya oweyuk ākospe óche wékach kuk-wāchimik kākwia.

PISKÉTUSSINÁHIKUN XXIII.

ĀKOSE Jesus itāo ookistukāwe ayiseyinewa, mena oo kiskinóhumowakuna,

2 Omisse, Ka mussinahúkik ooyussoowāwina mena Phariseewuk uppewuk Moses oot uppe-winík:

3 Kákeyow maka kākwi ka seékimikooyā-kook kitta nakutowāyétumāk, āwuko nakutow-āyétumook mena totumook; maka ākaweya nuspitākook oot isséhekunekāwinewák: weya ā moóche itwāchik, ākose āka ā totúkik.

4 Weya ā túkoopitúkik ā koosikwuneyikee nuyáhekuna mena ā ayimuneyikee kitta nuyátumóót, ā ustawatchik ayiseyinewa oo tétemuneyík; ākose weyawaw numma kitta sakoótawuk pāuk oo neneékecheéchénewaw óche.

5 Maka kákeyow oot isséhekunewaw ka totúkik kitta wapumikootchik ayiseyinewa: ayukuskétawuk oo kiskinowachehoowinewaw,

mena missâdawuk â iskwâyâkuneeyikee oot ukoo-
hoonewawa,

6 Mena sakêdawuk â kistâyêtakwuneeyikee
waskahikuna weyêkoôtoweêtche, mena kêche
upewina ayumehâwekumikoók,

7 Mena kitta utumiskâtchik atâtoowinik,
mena Rabbi, Rabbi, kitta itikootchik ayise-
ynewa.

8 Maka âkaweya keyawaw nutowâyêtumook
Rabbi kitta itikoweyâk: weya â pâukoot k'
Ookemamewaw, Christ ote; âkose kâkeyow
keyawaw k' oochewamîtoonawaw.

9 Mena âkaweya oweyuk k' ôtawewaw itâ-
koomik ota uskeék: pâukoo tapwâ k' Ôtawe-
waw, kêche kesikóok ka ayat.

10 Mena âkaweya nutoonumook ookemaw
kitta itikoweyâk: weya â pâukoot k' Ookema-
mewaw, Christ ote.

11 Maka una ka mawutche kistâyêtakoosit
ka itusseyâk âwuko kâ oot utooskâyakunime-
yâk.

12 Mena oweyuk kistâyimissootche kitta
muchâyimaw; mena una ka tupûtâyimissoot
kitta kistâyimaw.

13 ¶ Maka ke maye ayanawaw keyawaw, ka
mussinahumâk ooyussoowâwina mena Phari-
seewuk, ka wuyâsehissooyâk! weya â kippâ-
wâk ayiseyineew kêche kesikoowe otânowinik;
weya âka keyawaw â peétokwâyâk, mena â
otumehâkook unekee wâ ata peétokwâtchik.

14 Ke maye ayanawaw keyawaw, ka mus-

sinahumāk ooyussoowāwina mena Phariseewuk, ka wuyāsekkissooyāk! ke māstinānawaw oonup-utāpewuk oo waskahikunewaw, mena ā wuyāséhewāyāk ke kinnoótanawaw ket ayumehawinewawa: āwuko óche maka ke ga ótinānawaw owusimā nissewunachehoowin.

15 Ke maye ayanawaw keyawaw, ka musinahumāk ooyussoowāwina mena Phariseewuk, ka wuyāsehissooyāk! ke tāpiskānawaw wenepāk mena uskee ā ooséhāk pāuk ootayumehaw, ākose ka keeshākoo, ket isséhawaw neswaw owusimā muche iskootāk kitta óche owasisewit ispeéch keyawaw.

16 Ke maye ayanawaw keyawaw, āka weāpeyāk yata kiskinoótahewāyāk, omisse ka itwāyāk, Keespin oweyuk uspmootche kéche Ayumehāwekumik ā kéche itwāt, numoweya nantow ékin; maka oweyuk uspmootche kéche sooneyawapisk kéche ayumehāwekumikoók ā kéche itwāt, āwuko mussinahikāo!

17 Kukāpatisseyāk mena āka weāpeyāk: tanima owusimā ā itāyétakwúk, kéche sooneyawapisk, āpo kéche Ayumehāwekumik ka seetooskúk kéche sooneyawapisk?

18 Mena, oweyuk ā kéche itwāt ā uspmoot maka muchoostāhumatoowinik, numoweya nantow ékin; maka oweyuk kéche itwātche uspmootche maka mākewin itta ka tātustāyik, wunétew.

19 Kukāpatisseyāk mena āka weāpeyāk: tanima owusimā ā itāyétakwúk, mākewin, āpo

itta ka muchoostāhumatoók ka óche seetoos-kumoomukúk mākewin?

20 Keespin oweyuk kéche itwātche uspinootche maka itta māchoostāhumatoók, uspinmoo āwukwāyew, mena túto kākwiä itta ka tātustāyikee.

21 Mena oweyuk kéche itwātche uspinootche kéche ayumehāwekumik, uspinmoo āwukwāyew, mena unehee itta ka ayayit.

22 Mena una ka uspinoot kéche kesik, uspinmooōo oo kéche uppewineyew Munetoowa, mena unehee itta ka tātuppeyit.

23 Ke maye ayanawaw keyawaw, ka musinahumāk ooyussoowāwina mena Phariseewuk, ka wuyāsēhissooyāk! ke tippāhikanawaw nuna-toók peewekistekanisa, ākose ket usānenawaw owusimā kwāsikwúk ooyussoowāwinik, ooyussoowatitoowin, kissāwatisseewin, mena tapwātumooowin; āwukwunee ohoo yayetān ke ga totātawaw, mena āka kitta nukutumāk kotuka āka ā óche totumāk.

24 Keyawaw āka weāpeyāk yata kiskinoótahewāyāk, ka seekopākināk upischemunechoos, mena ka koóchepuyehāk pisiskew.

25 Ke maye ayanawaw keyawaw, ka musinahumāk ooyussoowāwina mena Phariseewuk, ka wuyāsēhissoyāk! ke kechistétanawaw wuyowetimik óche meekisoyakun mena oya-kun, maka peétokwumayik sākuskināo muskáchehewāwin mena osamehissoowin.

26 Keya āka weāpeyun Pharisee, kechistina

nistum peétokwumayik meekisoyakun mena oyakun, wuyowetimayik mena kitta kechist-ũkee.

27 Ke maye ayanawaw keyawaw, ka mus-sinahumāk ooyussoowāwina mena Phariseewuk, ka wuyāsékissooyāk ! tapiskooch ā wapiskepa-hikatākee chepuyekumikwa ket issenakoosina-waw, ka ata chikāma meyonakwũkee wuyowe-timayik, maka peéche sakuskināwa ayiseyine-wekuna ā ké nippitchik, mena kákeyow kākwi ā weenũk.

28 Ākose neesta ā isse meywatissékasooyāk ayiseyine wuyāséhāk, maka utamík ke sakuskinanawaw wuyāséhewāwin mena muche kākwi.

29 Ke maye ayanawaw keyawaw, ka mus-sinahumāk ooyussoowāwina mena Phariseewuk, ka wuyāséhissooyāk ! chikāma ket áchéta-wanawaw oo nikwahiskanewawa ookiskewāhikā-wuk, mena ke wawāsétawanawaw oo chepuye-kumikoowawa kwiusk oot itatissewuk,

30 Mena omisse ket itwanawaw, keespin ké ayayāk mākwach ā étatchik n' ótawenanuk, numoweya ne ga ké weechéhatanuk ā seeká-humwatchik oo mikooyew ookiskewāhikāwuk.

31 Maka ke wétānawaw, ā oonekehikooyāk unekee ka ké nippáhatchik ookiskewāhikāwa.

32 Tāpuskinātak maka eyekoók ka itatissit-chik k' ótawewawuk.

33 Keyawaw missekināpikotik, yaniskā né-tawekehitooyāk kināpikotik, tantā kā ké óche

muyaskumāk nissewunachehoowin mucho is-kootāk ?

34 ¶ Āwuko óche, matika, ket isitissahumatinawaw ookiskewāhikāwuk, mena yipwākaw eyinewuk, mena ka mussinahúkik ooyussoowāwina : ateét maka ke ga nippāhawuk mena cheestahaskwatawawuk ; mena ateét ke ga pus-sustāwawawuk ket ayumehāwekumikoowāk, mena ke ga sipwāyamoókanawaw mameeskooch waskahikuník :

35 Kitta oteétikooyāk kákeyow oo meywattisewuk oo mikoowaw, ka ké seekahumoót uskeék, oo mík oomeywattisew Abel óche peyis oo mík Zacharias ka oo koosisit Barachias, ka ké nippāhāk tustowitch kéche Ayumehāwekumikoók mena muchoostāhumatoowiník.

36 Ne tapwan ka isse wétumatukook, kákeyow ohoo kākwiä kitta oteétikwuk okoo māk-wach ayiseyinewuk.

37 O Jerusalem, Jerusalem, ka nippāhut-chik ookiskewāhikāwuk, mena ka pupimwapiskahutchik unekee ka isitissahumakoweyun, tantútaww kā mawusukoonukik ket owasimikus, tapiskooch misséyāo meyawusukoonatche oo misséyāsisima seepa oo tutúkwuník, maka numma ke pātānawaw !

38 Maka ke waskahikunewaw ke nukutumakowinawaw ā nissewunachetāk.

39 Ke wétumatinawaw, Numoweya ke ga óche wapuminawaw keétwam, eyekoók omisse

itwāyākoo, Kitta muméchimaw una ka pā ke-
keet oo wéyoowineyew ka Tipāyéchekāyit.

PISKÉTUSSINÁHIKUN XXIV.

ĀKOSE Jesus wuyoweew, mena nukutum kéche
Ayumehāwekumik : ākose oo kiskinóhumowa-
kuna pā natik ā wé wapútyikoot ka issétawéet
kéche Ayumehāwekumik.

2 Maka Jesus omisse itāo, Numma na ke
wapútānawaw kákeyow ohoo kākwiā? Ne
tapwan ka isse wétumatukook, numoweya wa-
wach pāuk ussinee kitta nukutaw ā tātuppit
ussineék, āka kitta óche neéchewāpinit.

3 ¶ Ākose ā uppit túkoótamutin wutcheék
Olives, oo kiskinóhumowakuna pā natik ke-
mooch, omisse itik, Wétumowinan, eyekoók kā
ochéhepuyikee ohoo kākwia? mena kā isse
mamátawenakwúk ispe mena tukoosineyune,
mena poone uskeewúke?

4 Maka Jesus nuskwāwusehāo mena omisse
itāo, Paútuk ākaweya oweyuk ke ga kasispoo-
mikoowaw.

5 Méchāt kitta tukoosinwuk ne wéyoowinik,
omisse ā itwāchik, Neya oma Christ; ākose
méchāt kitta kasispoomikootchik.

6 Mena ke ga pátānawaw nutoopuyewina,
mena nutoopuyewina ā atoochekatakee: āka-
weya keyawaw ke ga mikooskachehikoowaw:
óchetow kákeyow ohoo kākwia kitta oché-

chepuyewa, maka numma āskwa pooye-puyewa.

7 Pāukooskanāmuk ayiseyineuwuk kitta nu-toopuyeestowāwuk peetoosiskanāmuk ayiseyinewa, mena otānow kotuk otānowinew: mena kitta étukwun kowākutāwina, mena kéche itaspināwina, mena kitta kékékwun, nunatoók ittā.

8 Kákeyow ohoo pitchāyik ā machepuyik nunākatāyimoowina.

9 Ākose ke ga pukitinikoowawuk kitta nunākachehikoweyāk, mena kitta nippāhikoweyāk: ākose ke ga pukwatikoowaw kákeyow ka túto skanāmukissit ayiseyinew ne wéyoo-win óche.

10 Ākose méchāt kitta náyātawāyétumwuk mena kitta missitoowuk, mena kitta pukwatit-oowuk.

11 Mena méchāt nuspach ookiskewāhikāwuk kitta étawuk, ākose kitta wuyāsehāwuk méchāt.

12 Mena chikama muche aye kitta méchātík, kitta poonétawuk méchāt oo sakehewāwinewaw.

13 Maka una kā naspitche āka poonétakwā, āwuko kā pimachehoot.

14 Mena oma meyo achimoowin otānowiník kitta wéchekatāo missewā uskeék kitta wétumakoot ka túto skanāmukissit ahyiseyenew: ākose ākota ka kissipepuyik.

15 Ipe maka wapútumākoo unima muche

kākwi ka ayimatotúk Daniel oo kiskewāhikāo, kunache ayík ā ayayik, (piko oweyuk ka ayumétat, kitta nissetoótum :)

16 Ākose unekee Judea ka ayatchik keyam wutcheék kitta itamoowuk :

17 Mena una tūkooch waskahikunik ka ayat ākaweya kitta neétukoosew kitta otinúk kākwi oo waskahikunik :

18 Mena una kistekanik ka ayat ākaweya kitta kewātotum kitta otinúk oot ayoowinisa.

19 Mena kitta maye ayawuk unekee owasisa ka ayawatchik, mena unekee ka nooyawussootchik ākota mākwach !

20 Maka nutootumak āka mākwach ā pip-oók, mena ā ayumehākesikak kitta osimoo-yāk :

21 Weya ākota naspitch kéche ayimissewin kitta ayák, āka wékach ā ké pā isse ayimúk uspin ā uskeewúk, peyis unoóch, mena āka wékach kitta isse ayimúk.

22 Mena keespin āka nutuka chimasétaweét āwukwunee kesikawa, numoweya, oweyuk ayiseyinew oo ga pimachehoo : maka weyawaw ka nowusowukimeétchik kā óche chimaséták āwukwunee kesikawa.

23 Mena keespin oweyuk omisse k' itikoo-waw, Owa itta Christ, ápo nātā ayaw ; ākaweya tapwātumook.

24 Weya kitta étatchik nuspach Christuk, mena nuspach ookiskewāhikāwuk, mena kitta wapútiyewāwuk kéche mamátawe kākwi mena

mamuskatumoowina; keespin kuskétatchik oo ga wuyāséhátawaw apoócheka ka nowusowuk-imimeét.

25 Maka ke wétumatinawaw neäkuna.

26 Āwuk' óche maka keespin k' itikoowa-wuk, Pukwuchayik ayaw; ākaweya itoótāk : Mawutche peétokumik ayaw; ākaweya tapwā-tumook.

27 Weyastāpuyike wapunoók ka óche nook-wúk, peyis nākapāhunotāk; ākose neesta kā itāyétakwúk ispe tukooséke napāo oo Koo-sisan.

28 Piko itta me'yow ā nissewunatúk ā ayak, ākota mikissewuk ka mawutchehitootchik.

29 ¶ Ākose weputch ké ayimúke ākota kesik-aw pesim kā wunetipiskepuyit, mena tipis-kawe pesim numma kitta wasáwāo mena utchúkoosuk kitta púkissinwuk kesikoók óche, mena seyookúk kākwi kesikoók kitta nunum-puyew.

30 Ākose ākota kā nissetowināt kesikoók napāo oo Koosisan : ākose kákeyow ka itussit ayiseyinew ota uskeék kitta nunākatāyimoo, mena kitta wapumāwuk napāo oo Koosisana ā pā ayayit wuskoowekesikoók keke soókatissewin mena kéche muméchimikoowin.

31 Ākose kitta isitissáwāo oo kéche utoos-kāyakuna kitta pātakoótayit kéche pootache-kun, ākose kitta mawutchehāwuk ka nowusow-ukimimeét nāo yootinoók óche, ā kissepak kesik óche peyis kwāsketā ā kissepak isko.

32 ¶ Ākwa kukwā kiskāyétumook ā uspaha-kāmoók meenisátik ; kāyapitch wutíkwuna ā wakepákee, mena ā nepeewúkee, ke kiskāyé-tānawaw neepin ā pāsoonakwúk :

33 Ākose neesta, ispe wapútumākoo kákeyow ohoo kākvia, kiskāyétumook kissewak kitta oochéche-puyik, āpo iskwātāmik.

34 Ne tapwan ka ititukook, okoo uniskā wācheetchik ayiseyinewuk numoweya kitta māche nummatāwuk, eyekoók kákeyow ohoo kākvia kā oochéche-puyikee.

35 Kesik mena uskee kitta mayawepuyewa, maka net ayumewina numoweya kitta mayawepuyewa.

36 ¶ Maka āwuko kesikaw mena tipáhikun numoweya kiskāyétum ayiseyinew, numma mena kéche utooskāyakunuk kéche kesikoók, piko n'Ótawe.

37 Ka ké ékineyik mākwach Noe ā état, ākose neesta kā ékéék tukoosééke napāo oo Koosisan.

38 Ka ké isse ayatchik ā moyā yiskepāk oo mechesoótawaw mena oo miníkwatawaw, oo wekeétoótawaw, mena oo wekeétahitoótawaw, eyekoók unima kesikak Noe ka poosit mistahā chemaník,

39 Numma wawach kiskāyétumwuk eyekoók yáskepāyik, mena wātinikootchik kákeyow ; ākose neesta kā ékéék tukoosééke napāo oo Koosisan.

40 Ākose nesoo kitta ayawuk kistekaník ;

pāuk una kitta otinaw, mena kotuk kitta nuk-
utaw.

41 Nesoo iskwāwuk kitta peyepoochekāwuk
pinepoochekuník; pāuk una kitta otinaw,
mena kotuk kitta iskoonaw.

42 ¶ Uswāyétumook maka : yukuma kiskā-
yétumāk kāko tipāhikun k'ookemamewaw kā
oteétikooyāk.

43 Mena kiskāyétumook oma, keespin tāp-
āyétúk waskahikun ké kiskāyétúk kāko tipā-
hikun kimootiska kā oteétikoot, oo ga ké us-
wāyima, mena numoweya oo waskahikun kitta
peekoonikatāyepun.

44 Āwuko óche maka neestawaw nāpāma-
yak : weya piko unima tipāhikun āka ā itāyē-
tumāk ke ga oteétikoowaw napāo oo Koosisan.

45 Owāna maka kwiusk ā itatissit ā yipwā-
kat utooskāyakun, ā ké tipāyétumooohikoot oo
waskahikuneyew ookemama, kitta ussākāt tip-
eyekoók ?

46 Meyo ayaw āwuko utooskāyakun, ākose
ā totúk ispe ā tukoosineyit ookemama.

47 Ne tapwan ka isse wétumatukook, kitta
tipāyétumooohāo kákeyow oot ayana.

48 Maka keespin una muche utooskāyakun
omisse itwātche oo táík, N'ookemam kitta
pwastowe tukoosin;

49 Ākose utte otamāwatche weche utooskā-
yakuna, mena mechesootche mena weche-
keeskwāpāmathe ookeeskwāpāwa;

50 Ookemama āwuko utooskāyakun kitta

tukoosineyewa unima kesikaw itta āka ussowwa-pumatche, mena unima tipáhikun ākawawach ā itáyétúk,

51 Ākose kitta keeskissook, mena isitissahook kitta wechāwat oowuyāsehissoowa ; itta matoowin mena kecheeskapitāwin ā étukwúk.

PISKĒTUSSINÁHIKUN XXV.

ĀKOSE kéche kesikoowe otānow tapiskooch metatút ooskeneekiskwāwuk, ka otinúkik oo wastānumakunewawa, ākose ā nutowe nukisk-owatchik oowekeétoowa.

2 Maka neyanan oo yipwákāwaw, mena neyanan oo kukāpatissétawaw.

3 Unekee ka kukāpatissitchik túkoonumwuk oo wastānumakunátikoowawa, maka numoweya túkoonumwuk pimme :

4 Maka unekee ka yipwákatchik túkoonumwuk pimme oot ussoowutchekunewák ussitché oo wastānumakunátikoowák.

5 Ookéche wekeétoo āka ā tukooséék, kákeyow ké seepákwsusewuk mena nipawuk.

6 Ākose ā apeétatipiskayik tāpwāwin, Assi, owa ookéche wekeétoo tukoosin ; nutowe nukiskak.

7 Ākose kákeyow āwukwunik ooskeneekiskwāwuk wuniskawuk, mena wawāsétawuk oo wastānumakunátikoowawa.

8 Ākose okoo ka kukāpatissitchik omisse itāwuk unehee ka yipwákayit Meeyinan púke

ke pimmeemewaw ; ne wastānumakunenana astowāwa.

9 Maka ka yipwākatchik nuskwāwusehāwuk, omisse itāwuk, Numoweya, ākose ; osam numoweya kitta tāpepuyew tapiskooch kitta ké ayayák : keyam natíkook unekee ka utawakatchik, ākose utawāstumasook.

10 Ākose ā ispeéche nutowe utawāatchik, ookéche wekeéto tukoosin ; ākose unekee ka ké kwyachehootchik peétokwāwechāwāwuk wekeétoowinik : ākose iskwtām kippāhik-atāo.

11 Mwāstus pā itoótāwuk neesta kotukuk ooskenekiskwāwuk, omisse itāwuk, Tāpāyéchekāyun, Tāpāyéchekāyun, paskeétānumowinan.

12 Maka nuskwāwusehāo omisse itao, Ne tapwan ka ititukook, numoweya ke kiskāyimitinawaw.

13 Uswāyétumook maka, weya āka ā kiskāyétumāk unima kesikaw āpo unima tipāhikun itta napāo oo Koosisan kā tukooséék.

14 ¶ Weya kéche kesikoowe otānow tapis-kooch una napāo wáyow petoos uskeék ā ispitchit, ka nutoomat weya káchewak oot utooskāyakuna, ā kunowiskoótinat oot ayana.

15 Ākose pāuk unehee meeyāo neānun mawutche kéche sooneyawa, unehee kotuk nesoo, mena kotuka pāuk ; kákeyow matinumowāo piko kitta ké isse kuskétayit ; ākose sāmak sipwāpitchew.

16 Ākose una ka ké ótinat neānun mawutche kéche sooneyawa nutowe utawakāo āwukwune, ākose tūkooḥāo kotuka neānun mawutche kéche sooneyawa.

17 Mena una nesoo ka ké ótinat, neesta kuskehāo kotuka nesoo.

18 Maka una pāuk ka ké ótinat nutowe wateékāo uskeék, ākota katāo ookemama oo sooneyameyewa.

19 Ākose wékatow eyekoók ookemamewawa okoo utooskāyakunuk tukoosineyewa, ākose ukimāyewa.

20 Ākose una ka ké ótinat neānun mawutche kéche sooneyawa pāsewāo kotuka neānun mawutche kéche sooneyawa, omisse itāo, Ookemaw, ke ké owehin neānun mawutche kéche sooneyawuk: kotukuk neānun mawutche kéche sooneyawuk ne ké tūkookuskehawuk.

21 Ookemama omisse itik, Ākosane, keya meyo utooskāyakun kwiusk ā éteyun: ke ké kwiusk itotān ohoo chukowasis kakwia, ke ga isséhitin kitta tipāyétumun méchāt kākwiā: peétokwā maka oo mumátakoosewiník k' Ooke-mam.

22 Una neesta ka ké ótinat nesoo mawutche kéche sooneyawa pāche omisse itāo, N' ooke-mam, ke ké owehin nesoo mawutche kéche sooneyawuk: kotukuk nesoo mawutche kéche sooneyawuk ne ké tūkookuskéhawuk.

23 Ookemama omisse itik, Ākosane meyo utooskāyakun kwiusk ā éteyun; ke ké kwiusk

itotān ohoo chukowasis kākwiä, ke ga issehitiñ
kitta tipäyétumun méchāt kākwiä: peétokwä
maka oo mumátakoosewinik k'Ookemam.

24 Äkose una ka ké ótinat päuk mawutche
kéche sooneyawa päche omisse itāo, Ookemaw,
Ke kiskäyimitte ä ayimisseyun, ä munissekā-
yun itta äka ä óche pukitinikāyun, mena ä
moosúkinékāyun itta äka ä óche wuswāwā-
pinékāyun :

25 Äkose ne koostatché, ne ké nutowe ka-
taw ke mawutche kéche sooneyam uskeék ;
matika, owa ket ayan.

26 Ookemama nuskwāwusehik mena omisse
itik, keya oomuchatissew mena keétimew
utooskāyakun, ke kiskäyétä ä munissekāyan
itta äka ä óche pukitinikāyan, mena ä moosú-
kinékāyan itta äka ä óche wuswāwāpinik-
āyan :

27 Äwuk' óche maka ke ga ké meeyátyuk
ne sooneyama ka meeskootinatchik, äkose eye-
koók tukoosinan ne ga ótinátyuk net ayanuk
ussitche eyekoók ä túkoopuyitchik.

28 Ootinemák maka unehee mawutche kéche
sooneyawa, äkose meeyik una metatút ma-
wutche kéche sooneyawa ka ayawat.

29 Weya kákeyow oweyuk ka ayat kitta
meeyeét, äkose owusimā kitta ayat: maka una
äka ka ayat kitta muskumaw unima ka ata
ayat.

30 Äkose issewāpinik äka nantow ka itaput-
issit utooskāyakun wuyowetimík wunetipis-

kák: itta matoowin mena kecheeskapitāwin ā ētukwúk.

31 ¶ Ispe napāo oo Koosisan pā kekeetche oo kistatissewin, mena kákeyow kunache kéche utooskāyakuna ussitchē, ākota kā uppit oo kéche kistāyétakoosewe uppewiník :

32 Ākose oot astumuppewiník kā mawutchehimeēt kákeyow ka túto skanāmukisseyit ayiseyinewa: ākose nunanis kitta itukimāo, tapiskooch kunowāmayutchíkwāo ka nowusowukimat oo mayutchíkooma goatuk peetoos ā áyat:

33 Ākose kitta áyāo mayutchíkwa oo kécheniskík, maka goatuk oo numátiník.

34 Ākose Mawutche Kéche Ookemaw omisse kitta itāo unehee oo kécheniskík, Astumetik, keyawaw ka kissāwatotakooyāk n'Ōtāwe, pāche ayak unima otānowewin ka ké kwyachétumakoweyāk uspin nistum ā uskeewúk ;

35 Ā wé mechesooyan, ke ké ussumétawaw: ā wé miníkwāyan, ke ké mináheétawaw: ā amntāweyan, ke ké peétokwaheétawaw:

36 Ā moosāskutāyan, ke ké weyátaheétawaw: ā ákooseyan, ke ké kewookoweétawaw: ā kippáhookoweyan, ke ké pā nasétawaw.

37 Ākose kwiusk ootitatissewuk kitta nuskwāwusehāwuk, omisse kitta itāwuk, Tāpāyéchekāyun, tayispe ka wapumiták ā wé mechesooyun, ākose ā ussumiták? ápo ā wé miníkwāyun, ākose ā mináhiták.

38 Tayispe ka wapumiták ā mantāweyun,

ākose a peétokwahiták, ápo ā moosāskutāyun, ākose ā weyátahiták ?

39 Ápo tayspe ka wapumiták ā ákooseyun, ápo ā kippáhookoweyun, ākose ā natiták.

40 Ákose mawutche Kéche Ookemaw kit-ta nuskwāwusehāo mena omissse kitta itāo, Ne tapwan ka isse wétumatukook, Keesaspinā ké isse totowāk pāuk okoo ā mawutche náheka-tumāyétakoosit ne chewamuk, neya ka ké totoweyāk.

41 Ákose omissse kitta itāo neesta unehee oo numátiník, Owussetik keyawaw ka muchuk-imikoweyāk, kakekā iskooták itoóták, ka ké kwyachétwát muche ácháak mena oot utoos-kāyakuna :

42 Ā wé mechesooyan, numoweya k' óche ussuminawaw : ā wé miníkwāyan, numoweya k' óche mináhinawaw :

43 Ā mantāweyan, numoweya k' óche peé-tokwáhinawaw : ā moosāskutāyan, numoweya k' óche weyátahinawaw : ā ákooseyan, mena ā kippáhookoweyan, numoweya k' óche kewookowinawaw.

44 Ákose neesta kitta nuskwāwusehāwuk, omissse kitta itāwuk, Tāpāyéchekāyun, tayspe ka wapumiták ā wé mechesooyun, ápo ā wé miníkwāyun, ápo ā mantāweyun, ápo ā moosāskutāyun, ápo ā ákooseyun, ápo ā kippáhookoweyun, ākose āka kitta óche aputchehiták ?

45 Ákose omissse kitta isse nuskwāwusehāo, Ne tapwan ka ititukook, keesaspinā āka ka

totowāk pāuk okoo ā mawutche tupūtāyēta-
koosit, numoweya neya k' ōche totowinawaw.

46 Ākose okoo kakekā nunākatāyimoowinīk
kitta itoōtāwuk: maka kwiusk ootitatissewuk
kakekā pimatissewin.

PISKĒTUSSINĀHIKUN XXVI.

Ākose ā utte ékeék, ispe Jesus ka keesétat
kákeyow ohoo oot itwāwina, omisse itāo oo
kiskinōhumowakuna,

2 Ke kiskāyētānawaw kē nesoo kesikake
ākota ka étukwúk wékoōtoowin passover ā
issinīkatāk, ākose napāo oo Koosisan pukitinaw
kitta cheestahaskwateét.

3 ¶ Ākose mawutchehittoowuk okoo Kēche
Ayumehāwekemawuk, mena ka mussinahúkik
ooyussoowāwina, mena kāsāyanékatúkik, ā na-
tatchik wekeeyík mawutche kēche Ayumehāwe-
kemawa, Caiaphas ā issenīkasooyit,

4 Ākose ā ooyussoowāchik kitta otinatchik
Jesus ā wé wuyāsenippáhatchik.

5 Maka omisse itwāwuk, Numoweya māk-
wach ā wékoōtooweakesikak, kakayā weya kitta
nayātawāyētumwuk ayiseyinewuk.

6 ¶ Ākose mākwach Jesus ā ayat Bethany,
oo waskahikunīk Simon ka peekoopuyewaspināt,

7 Pāche natik iskwāwa ā ayayit naspitch ā
ākwūtāyayik tumuskoowin ussinewutík ā
ussoowutāyik, ākose seekinumezewa oo stik-
waník, mākwach ā uppit ā mechesoot.

8 Maka ispe oo kiskinóhumowakuna weäp-
útumeyit, numma nááyétumeyewa omisse
itwāyewa, Tanākā oma wāche nissewunaché-
tanewúk?

9 Oma tumuskoowin kitta ké utawakane-
wunopun mistahā ā itukeētāk, ākose kitta ké
meeyātyuk ookitimakissewuk.

10 Ispe Jesus nāssetoótūk, omisse itāo,
Tanākā ke mikooskatchehawaw owa iskwāo?
meyo kākwi owa net itotumak.

11 Mana maka keyawaw mosuk ke wechā-
wāyaw ookitimakissew; maka neya num-
oweya mosuk.

12 Oma ka ké seekinúk tumuskoowin ne
yowík, kiskinowachetotum kitta náheyekow-
ewuk.

13 Ne tapwan ka ititukook, Piko itta oma
meyo achimoowin kā wétumeék missewā uskeék,
ākota neesta owa iskwāo ka totūk, kā wéche-
katāk kitta kiskissetotāt.

14 ¶ Ākose pāuk unekee nesoosap metatūt,
Judas Iscariot ā issinikasoot, natāo kéche
Ayumehāwekemawa.

15 Omisse itāo, Kākwi kā meeyeyāk, ākose
ke ga pukitinumatinawaw? Ākose ussoot-
umowāwuk nisto metunno sooneyawapiskwa;

16 Ākose ākota óche ké nutoonum kitta ké
utawakāt.

17 ¶ Ākose nistum ā kesikak ā wékoótoók
ayúkonaw oo kiskinóhumowakuna pā natik
Jesus, omisse ā itikoot, Tantā ā itāyétumum

kā nutowe kwyachétwaták itta kitta mecheyun
oma passover ?

18 Maka omisse itāo, Itoótāk āwuko waska-
hikun natik āwuko ayiseyinew, omisse maka
itik, Ookemaw omisse itwāo Kissewak ākwa n'
oteētān ; Ne ga ayan oma Passover ke waska-
hikunik ussitche ne kiskinóhumowakunuk.

19 Ākose kiskinóhumowakunuk totumwuk
ka ké itikootchik Jesus ; ākose kwyachétawuk
passover.

20 Ākose ispe wāchéchepuyik ā ootakoosik,
ooyuppew ussitche unehee nesoosap.

21 Ākose oma ā mechesootchik, omisse itāo,
Ne tapwan ka ititukook, pāuk oma keyawaw
ke ga pukitussoowasinawaw.

22 Ākose naspitch numma nāāyétumwuk,
omisse itāwuk kákeyow, Ka Tipāyēchekāyun,
Neya che ?

23 Ākose nuskwawusehāo omisse itāo, una
tapiskooch ka isseniskāneyák peéche ooyakunik,
āwuko kā missemit.

24 Napāo oo Koosisan ateesaweya itoótāo ā
ké isse mussinahoot : maka unne mayeayaw
āwuko ayiseyinew ka missemat napāo oo Koo-
sisana ! oo ga ké aputchehoo āwuko ayiseyinew
keespin āka oche nētawekit.

25 Ākose Judas, ka ké pukitussoowatat,
nuskwāwusehāo mena omisse itāo, Ookemaw,
neya che ? Omisse maka itik, Ke wētān mana
maka.

26 ¶ Ākose oma ā mechesootchik, Jesus

otināo ayūkonawa, ākose ka meyo ukimat, mena ka pūkwānat, meyāo oo kiskinóhumowakuna, omisse itāo, Otinik, moowik; āwuko oma ne' yow.

27 Ākose otinum meekisoyakunis, mena nunaskoomoo, ākose meeyāo, omisse itāo, Miníkwāk oma ā itusseyāk;

28 Āwuko oma ne mík ooske issétwawinik, ka seekétitwāt méchāt oweyuk kitta apáhumakoowisit muchétewina.

29 Maka ke wétumatinawaw, numoweya ne ga óche miníkwān meesapoe, patima āwuko kesikaw ispe ākwāyak miníkwāyane ussitche keyawaw n' Ótawe oot otānowinik.

30 ¶ Ākose ispe ka sipwāhúkik pāuk nikuon, utte isse wuyowewuk wutcheék Olives.

31 Ākose Jesus omisse itāo, Kákeyow ā itusseyāk ke ga nayāta weayanawaw neya óche unoóch ka tipiskak: weya omisse ā itussin-ahikatāk, Ne ga wesukāwaw oo kunowāmayutchíkwāo, ākose mayutchíkwuk kitta nunanis ayawuk.

32 Maka ké wuniskayane mena, neya nekan ne ga itoótan Galilee.

33 Peter nuskwāwusehāo mena omisse itāo, Keyam kákeyow oweyuk kitta nayāta wāyétum keya óche, numoweya wékach neya ne ga nayāta wāyétān.

34 Jesus omisse itāo, Ne tapwan ka ititan, unoóch ka tipiskak, ā moyā kitoot pakahákwān, nistwaw ke ga katan ā kiskāyimeyun.

35 Peter omisse itāo, Keyam ata neesta nippāhikoweyan, numoweya ne ga katā ā wechātan. Neesta ākose ā itwāchik kákeyow kotukuk kiskinóhumowakunuk.

36 ¶ Ākose peä itoótāt Jesus ā wechāwat unima itta Gethsemane ka issinikatak, ākose omisse itāo kiskinóhumowakuna, Ota uppik keyawaw, ā ispeéche nutowe ayumehayan nātā.

37 Ākose wechāwāo Peter mena unekee nesoo Zebedee oo Koosisa, ākose itta ka óche āka nāyétúk mena naspitch koosikoomúchehoot.

38 Ākose omisse itāo, Net áchákoók ákwāyak tapwā ne sakuskinamúchehoon nunākatāyimoowin, peyis nippoowinik isse: ota keyawaw ayak, mena pāhook.

39 Ākose itoótāo upesees owussetā, ākose oteétuppepuyehoo, mena ayumehaw, omisse isse, O n' Ótawe, keespin ké issenakwun, keyam ne ga mayaskakoon oma meekisoyakunis; maka numoweya ā itāyétuman, maka keya ā itāyétumun kitta ékin.

40 Ākose pā natāo kiskinóhumowakuna, mena miskowāo ā nipayit, ākose omisse itāo Petera, Tanākā, numma na ke kuskétanawaw kitta pāhooyāk pāuk tippāhikun?

41 Pāhook mena ayumehak, āka kitta peétokwāyak oowuyāseéchekāwinik: ácháak ata tāpukāyimoo, maka meyas nāsoowun.

42 Mena itoótāo ákwa neeswaw, ā nutowe

ayumehat, omisse, O n' Ôta, keespin oma meekisoyakunis numma ne ga ké mayaskakoon, patima minikwāyane, keya ā itāyētumun kitta ékin.

43 Ākose mena peä itoôtāt miskowāo assi mena ā nipayit: weya ā koosekoomúchétat-chik oo skesikoowawa.

44 Ākose nukutāo, mena sipwātāo, mena ayumehaw ākose ākwa nistwaw, kāyapitch ākose ā itwāt.

45 Ākose pā natāo oo kiskinôhumowakuna, mena omisse itāo, Keyam ākwa nipak, otinuumook uywāpewin: assi unne kissewak oochéche-puyew napāo oo Koosisan ā pukitussoowateét oo cheécheeyík oo muchatissewa.

46 Wuniskak, ākwa sipwātātān: kissewak pā ayaw una ka pukitussoowasit.

47 ¶ Ākose mākwach kāyapitch ā ayumit, Judas, pāuk unekee nesoosap, pāche natāo, ā wechāwat ookistukāwe ayiseyinewa semakuní-koomana mena suskahoona ā pā kekeeyit, weyawaw kéche Ayumehāwekemawuk mena kāsāyanékatúkik ā pā isitissawatchik.

48 Una maka ka ké pukitussoowatat oo kukāskimā omisse, piko una oochāmuke, āwuko una: ayeeche mitchiminík.

49 Ākose tapwā peä natat Jesusa, omisse itāo, Wacheā, Ookemaw; ākose wāchāmat.

50 Jesus omisse itāoo, Ne tootām, tanākā wāche tukoosinun? Ākose peāche, moostinat-chik Jesusa, mena ā otinatchik.

51 ¶ Akose, pāuk unekee ka wechāwatchik Jesusa sooweniskāyew, mena otinum oo semakunikooman, ākose otamāwāo oot utooskāyayew, ākose munewāpāhumwāo oótowukayew.

52 Maka Jesus omisse itāo, Usta mena ke semakunikooman itta kitta ustāpun: kákeyow túto ka otinúkik semakunikooman kitta nissewunatissewuk semakunikooman óche.

53 Numma na ne ga kē nutootumowaw n' Ótawe ket itāyētānawaw, ākose sāmāk ne ga meeyik owusimā nesoosap metatút legionuk kēche utooskāyakuna?

54 Maka tantā kā kē óche tipepuyik ā kē itustāk kēche mussinahikunik, ākose oma kitta ékeék?

55 Āwuko tippāhikun mākwach ka itat Jesus ookistukāwe ayiseyinewa, Ke pā natawaw che ookimootiskew ka pā kekeeyāk semakunikoomana mena suskahoona ā wé otineyāk? Ke kē weetuppimitinawaw tútwaw keyesikake ā kiskinóhumatukook kēche ayumehāwekumik-oók ākose numoweya ke kē otininawaw.

56 Maka kákeyow oma kē ékin, kitta kē tipepuyik ookiskewāhikāwuk oo kēche mussinahikāwinewaw. Ākose kákeyow kiskinóhumowakunuk nukutāwuk, mena oosimoo-wuk.

57 ¶ Ākose unekee ka kē otinatchik Jesusa itoótaāwuk itta Caiaphas mawutche kēche Ayumehāwekemaw ā ayat, itta ka mussinahúk-

kik ooyussoowāwina mena kāsāyanékatúkik ā ké mawutchehitootchik.

58 Maka Peter pimitissawāo yákee wáyow óche peyis wekeeyik mawutche kéche Ayumehāwekemaw ā utte isse peétokwāo, ākose weet-uppimāo utooskāyakuna, ā wé wapúkāt kā itotameét.

59 Ākose okoo kéche Ayumehāwekemawuk, mena ka kāsāyanékatúkik, mena kákeyow ooyussoowāwuk, nutoonumwuk nuspach kitta itim-eét itta kitta óche nippáhatchik Jesus;

60 Maka numoweya miskumwuk: ata mé-chāt wétumeyewa nuspach isse, maka numoweya ké miskumwuk. Ākose iskwayaník nesoo pā itoótāwuk nuspach ā isse wétúkik,

61 Omissee itwāwuk, Owa omissee ké itwāo, Ne kuskétan kitta nissewunachétayan oo kéche ayumehāwekumik Muneto, mena kitta osétayan ké nistoo kesikake.

62 Ākose una Mawutche kéche Ayumehāwekemaw pussikoo, mena omissee itāo, Numma che nantow ke ga isse nuskwāwuséhewan? Kákwiye okoo ka wétúkik ā wé missemiskik?

63 Maka Jesus numma nantow itwāo. Ākose owa mawutche kéche Ayumehāwekemaw nuskwāwusehāo omissee itāo, Ke kéche itwāhitin ā nutoótask Muneto ka pimatissit, kitta wétumoweyák keespin tapwā keya Christ, Muneto oo Koosisan.

64 Jesus omissee itāo, Ke ké wétān: maka unne Ke wétumatinawaw, Patima ke ga wapum-

mawaw napāo oo Koosisan ā uppit kécheniskik soókatissewinik, mena ā pāche nookoosit wuskoók kesikoók.

65 Ākose mawutche kéche Ayumehāwekemaw yayikepitum oot ayoowinisa, omisse itwāo, Ké muche itāo Munetoowa; kākwi owusimā nātowāyētumāk kitta wētumik? ke pātumwanawaw unoóch ā muche itat Munetoowa.

66 Tanse itāyētumāk? Nuskwāwusehāwuk omisse itāwuk, Kuskētaw kitta nippit.

67 Ākose seékwatāwuk oo skesikooyik, mena otamāwāwuk oo cheécheewawa óche; mena kotukuk pussíkwāwāwuk oot ayukuskecheéchanewawa óche,

68 Omisse itāwuk, Pukwunow wētumowinan keya Christ, Owāna ka pussíkwāhoosk?

69 ¶ Ākose Peter wuyowetimiskwāt Ookemawekumikoók oot uppéty: ākose pā natik pāuk ooskenekiskwāwa, omisse itik, Keya mena ussitche ke ké wechāwaw Jesus Galilee ka ócheet.

70 Maka kataw kákeyow ā pātakoot, omisse itwāo, Numoweya ne kiskāyētān ka itwāyun.

71 Ākose ispe ka wuyoweet piskeéche waskahikunisik ā ayat, kotuka wapumik, ākose omisse itāo unehee itta ka ayayit, Owa neesta oowechāwa Jesus Nazareth ka ócheet.

72 Ākose mena kataw paskutch kéche itwāo, Numoweya ne kiskāyimaw āwuko napāo.

73 Ākose wékatow mena pāche natik unehee itta ka nānepoweyit, omisse itāwuk Petera,

Óchetow maweya keya pāuk āwukwunik ; ke keeswāwiník k' óche nissetótakoosin.

74 Ākose ākwa ka mucho itwāt mena kéche itwāt, omisse, Numoweya ne kiskāyimaw āwuko napāo. Ākose sāmak pakahákwan kitoo.

75 Ākose Peter kiskissoopuyew ā ke itwāyit Jesus, weya ā ké itikoot, Ā moyā kitoot pakahákwan, ke ga katan nistwaw ā wechāweyun. Ākose wuyowew, nutowe matoo mistahā.

PISKĒTUSSINĀHIKUN XXVII.

Ispe ā kākesāpayak ā ochéhepuyik, kákeyow okoo kéche Ayumehāwekemawuk mena ka kissāyanékatúkik ooyussoowāwuk Jesus ā wé nip-páhatchik :

2 Ākose ka mumáchikwápitatchik, sipwátahāwuk, nutowe pukitinumowāwuk Pontius Pilate kéche Ookemaw.

3 ¶ Ākose Judas, ka ké pukitussoowatat, ispe weápútúk ā nissewunachehoot, métatum, mena koóke pāsewāo unehee nistoo metunno sooneyawapiskwa Keche Ayumehāwekemawa mena unehee ka kissayanékatumeyit ā we meeyat,

4 Omisse ā itwāt, Ne ké wunétin ā ké pukitussoowatuk āka ā óche kuskétat kitta totát. Maka omisse itwāwuk, Tanse weya āwuko kā totumák? keya kunowapúta āwuko.

5 Ākose néchewāpināo unehee sooneyawapiskwa kéche ayumehāwekumikoók, sipwátāo, ākose nutowe ukootissoo.

6 Mena okoo Kéche Ayumehāwekemawuk otināwuk sooneyawapiskwa, omisse itwāwuk, Numoweya meywasin kitta áyákook itta ka mamowe áyeét sooneyaw, chikāma ākose ā itukétāk miko.

7 Ākose mena ooyussoowāwuk, utawakāwuk āwuko unne potter oot uske ā utawatchik, kitta náhenatchik ayúch oweya ākota.

8 Āwuk' óche āwuko uske, miko uske ka óche issenikatak, peyis unoóch ka kesikak.

9 Ākose ka tipepuyik unima ā ké itwāt Jeremy ookiskewāhikāo, omisse, Ākose otināwuk nistoometunno sooneyawapiskwa, ā ké itukimatchik unehee ka ké ooyukimimeét, weyawaw oot owasimisa Israel ka ké ooyukimatchik;

10 Ākose mākewuk potter oot uske óche, ka ké wétumowit ka Tipāyéchekā.

11 ¶ Ākose Jesus nepowekapowistowāo kéche Ookemawa: ākose kéche Ookemawa kukwāchemik, omisse, Keya che ke kéche Tipāyimawuk Jewuk? Ākose Jesus omisse itāo, Ākose ketitwan.

12 Ākose mākwach ā wé missemikoot ohoo kéche Ayumehāwekemawa mena kāsāyanékatumeyit, numoweya nantow itwāo.

13 Ākose Pilate omisse itāo, Numma che ke pātowawuk tantúto kākwia wá óche missemiskik?

14 Maka numoweya nuskwāwusehāo numawawach pāuk ootoon; peyis ka mamuskatat naspitch kéche Ookemaw.

15 ¶ Ākospe unne āwuko wékoótoowin owa kéche Ookemaw oo neéta pukitina pāuk kippāwakuna, piko unehee ā itāyétúkik.

16 Mena mākwach oot ayawátawaw ākospe kákeyow ā kiskāyimimeét kippāwakuna, Barabbas ā issenikasoot.

17 Ākose maka ā mawutchehitootchik, Pilate omisse itāo, Owāna ā itāyétumāk kitta apahumatukook? Barabbas, āpo Jesus, Christ ka issenikasoot?

18 Weya ā kiskāyétúk ā esawanukāyimayit ka ké óche pukitinumakoot.

19 ¶ Ooyuppit ooyussoowāwe uppewinik, wewa isitissāwāyewa oweya kitta wétumat, omisse, Ākaweya keya nantow totow āwuko kwiusk ootitatissew : ne ké mikooskachehikoon méchāt kākwia ka kesikak ā nipayan weya óche.

20 ¶ Maka okoo kéche Ayumehāwekema-wuk mena kāsāyanékatúkik sakoochimāwuk ookistukāwe ayiseyinewa kitta nutootumayit Barabbas, ākose kitta nissewunachéhimeét Jesus.

21 Owa kéche Ookemaw nuskwāwusehāo mena omisse itāo, Owāna okoo ā neesitchik ā itāyétumāk kitta apahumatukook? Barabbas, itwāwuk.

22 Pilate omisse itāo, Tanse maka kā totowuk Jesus, Christ ka issenikasoot? Kákeyow omisse itwāwuk, Keyam kitta cheestahask-wataw.

23 Ākose owa Kéche Ookemaw omisse itwāo, Tanākā kākoo muchoe kākwi ka itotúk? Maka áchiko owusimā wé tāpwāwuk, omisse ā itwāchik, Keyam kitta cheestahaskwataw.

24 Ispe Pilate weāpūtúk āka kitta ké sakoochimāt, mena owusimā maminwakachétoowin itta kitta óche mooskeyik, otinum nippe, ākose kissepākinum oo cheécheeā ā wapumikoot ookistukāwe ayiseyinewa, omisse itwāo, Numoweya neya ka totuman numoweya ne ga ayakoowan oo mīk owa kwiusk ootitatissew, keyawaw otinumasoook āwuko.

25 Ākose nuskwāwusehāwuk kákeyow okoo eyinewuk, omisse itwāwuk, oo mīk keyam ne ga ayakoowan, mena net owasimisenanuk.

26 Ākose apāwāo Barabbasa: ākose ka pustāwat Jesusa, pukitināo kitta cheestahaskwatimeēt.

27 ¶ Ākose okoo oo semakunisima owa Kéche Ookemaw otināwuk Jesus peétokwāhāwuk kéche Ookemaw we'keeyik, ākose mawusukoonutoomāwuk, kákeyow semakunisa.

28 Ākose kātusakānāwuk, mena poostiskumoótināwuk mīkwākinoo ukoohon.

29 Mena ka apikatatchik missekaweminukuseeā osétawuk kéche Ookemaw ustootin, poostiskumoótināwuk, mena kistakunuskoosee oo kécheniskinik mitchiminumoohāwuk: ākose nepuskoopeestowāwuk, mena mātowakatāwuk, omisse itwāwuk, Wacheā, Kéche Tipāyimutchik Jewuk!

30 Mena seékwatāwuk, mena otinumwāwuk kistakunuskoosee, ākose ootamāwāwuk oo stikwaneyik.

31 Ākose ka tāpe mātowakāchik, otinumwāwuk unima ka ké poostusakāhatchik, mena oot ayoowiniseyewa poostiskumoōtināwuk, ākose itoōtahāwuk itta kitta cheestahaskwatatchik.

32 Ākose ā pā wuyoweetchik, miskowāwuk pāuk napāwa Cyrene ā ōcheeyit, Simon ā issenīkasooit: āwukwunee seākoochimatchik kitta oonekatumeyit pimitaskwahikun.

33 ¶ Ākose ispe wātēētúkik itta Golgotha ā issenīkatāk, omisse ā itwāk, itta ka étukwúkee ayiseyinewe mistikwanekunekākuna.

34 Meeyāwuk sewīkapoē kitta minīkwāyit ā ussitinúkik kākwi kitta ākoospukwuneyik: ākose ispe ka koochistúk āwukwāyew, numma wé minīkwāo.

35 Ākose cheestahaskwatāwuk, mena matinumatoowāwuk oot ayoowiniseyewa, ā wé kiskāyētúkik owāna kā ayat: itta kitta ké ōche tipepuyeyik ā ké itwāt ookiskewāhikāo, ké matinumatoowuk net ayoowinisa, mena net ukoohton ké nutowe kiskāyētumwuk owāna kā ayat.

36 Ākose ākota nāuppewuk ā pāhatchik;

37 Ākose oo stikwaneyik túkooch ustawāwuk ka ké ōche missimatchik ā mussinahikatāyik, Āwuko owa Jesus ka Kéche Tipāyimat Jewuk.

38 Ākose ākota nesoo kimootiska ussitchē cheestahaskwataw, pāuk oo kéche niskík, mena kotuk oo numátiník.

39 ¶ Ākose unekee itta pāmoótāтчik māmuche áitāwuk, runamiskwānoostowāwuk,

40 Mena omisse itāwuk, Keya ka neétin-unun kéche Ayumehāwekuník, mena ka chim-utayun piko nistwaw ā kesikak, pimachehissoo. Keespin tapwā ké Munetoowe Koosisanewin, neétukoosē ākota óche pimitaskwahikuník.

41 Neestawaw ussitchē okoo kéche ayumehāwekemawuk mātowakāyasoomāwuk, ussitchē ka mussinahúkik ooyussoowāwina mena kāsāyanékatúkik, omisse,

42 Ké pimachehāo kotuka; weya káchewak numma ké pimachehissoo. Keespin tapwā mawutche kéche Tipāyimāo Israel, keyam máte unoóch kitta neétukoosēw ākota pimitaskwahikuník óche, ākose ke ga tapwātowanow.

43 Ké mumissetotowāo Munetoowa; keyam kitta pimachehik ākwa, keespin tapwā wé ayawik: weya ā ké itwāt, neya Muneto oo Koosisan.

44 Ooke kimootiskuk ussitchē, ka ussitchē cheestahaskwateéтчik, issewāpinumowāwuk āwukwāyew wepiteyík.

45 ¶ Ākose nikootwasik tippāhikun óche ké kusketipiskepuyew missewā ākota uskeék peyis kākach metatút tippāhikun isko.

46 Ākose nantow kākāt metatút tippāhikun eyekoók Jesus tāpwāo kissegwāo, omisse itwāo,

Eli, Eli, lama sabachthani? omisse ā itwāk, Ne Munetoom, Ne Munetoom, tanākā ka wā-pineyun?

47 Ateēt unekee itta ka nepowitchik, ispe peātúkik āwukwāyew, omisse itwāwuk, Owa napāo nutoomāo Éliasa.

48 Ākose sāmak pāuk āwukwunik ispátaw, mena otināo ikahepana, ukoóchimāo sewéka-poók, mena ustaw túkooch kistakunuskoók, mena utte meeyāo kitta minikwāyit.

49 Kotukuk omisse itāwuk, Āka tota, mâte ke ga wapútānow keespin Elias kā pā nutowe pimachehakwā.

50 Jesus, ka mistahā tāpwāt ā kissewāt, pukitināo oot áchákwa.

51 ¶ Ākose, unima ka kippáhikakanewúk kéche Ayumehāwekumikoók nesootāpuyew is-pimik óche peyis chupusees; mena uske kékéwun, mena ā kistapiskakee ké tutaska-piskepuyewa;

52 Mena nikwáuskana ké paskétāpuyewa mena méchāt weyowewawa ookunachehoowuk ka ké nipatchik wuniskapuyeyewa,

53 Ākose pāche wuyowewuk nikwáuskanik óche ka wuniskayit, ākose itoótāwuk Kunache Kéche Waskahikunik, mena ké wapumikwuk méchāt.

54 Ākose ispe owa semakunisewekemaw, mena unehee ka wechākoot, ā pāhatchik Jesus, ā wapútúkik ā kékwwuneyik, mena unehee kāk-wia ka totumoót, sākissewuk naspitch, omisse

itāwuk, Tapwā maweya owa ké Munetoowe Koosisanewew.

55 Mena méchāt iskwāwuk itta oot ayā-tawaw ā kunowapitchik yákee wáyow óche, ka ké pimitissáwatchik Jesus Galileék óche, a oochestumowatchik:

56 Itta ā wechehewāt Mary Magdalene, mena Mary, James mena Joses oo Kawewawa, mena oo Kawewawa Zebedee oot owasimisa.

57 ¶ Ispe ā ootakoosik wāchéchepuyik, pā itoótāo oowāyootissew Arimathea ā ócheet, Joseph ā issenikasoot, weya neesta āwukwunee Jesus ā ookiskinóhumowakunit:

58 Natāo Pilatea, mena nutootumowāo weyoweyew Jesusa. Ākose Pilate itussoowāo āwuko me'yow kitta pukitinumoót.

59 Ākose ispe Joseph ka otinúk me'yow, wāwākinum wapiske pupukewuyanākinooók,

60 Mena ustaw weya tipeyowā ooske nik-wāuskanimik, ā ké wanakpiskutahúk ā kista-piskayik: ākose tetétipināo kéche ussineeā iskwātāmik isse, chepuyekumikoók, ākose sip-wātāo.

61 Ākose ākota oot aya Mary Magdalene, mena kotuk Mary, a weetuppitúkik chepuyekumik.

62 ¶ Ākose mena keyesekak, isse ootakoo-seék ā ké kwyahchétoowe kesikak, okoo Kéche Ayumehāwekemawuk mena Phariseewuk mawowe natāwuk Pilate,

63 Omissé itāwuk, Ne kiskissinan una

oowuyāsimewāo ka ké itwāt, kāyapitch ā pimat-issit, Ké nistoo kesikake mena ne ga wun-iskan.

64 Itussoowata maka chepuyekumik kitta ayeechétanewúk eyekoók kā nistoo kesikak, āka oo kiskinóhumowakuna kitta pā kemooch sipwātahikoot nipatipisk, ākose omisse kitta itāwuk eyinewa, Ké wuniskaw nippoowinik óche: ākose owusimā kitta nayā́tawun iskwa-yanik ispeéch nistum.

65 Pilate omisse itāo, Ket ayawawawuk semakunisuk: neyak nutowe ayeeché́tak eyekoók ā kuskétayāk.

66 Ākose itoótāwuk, mena ayeech tawuk chepuyekumik, pikeékatawāwuk ussineeā, mena āyāwuk semakunisa.

PISKÉTUSSINÁHIKUN XXVIII.

KA keese ayumehākesikak, pitchāyik ā pātapúk ā utte nistum kesikak unima ā utte ispuyik, pā itoótāwuk Mary Magdalene mena kotuk Mary ā wé wapūtúkik chepuyekumik.

2 Ākose mākwach kéche kékwun: weya oo kéche utooskāyakuna ka Tipāyéchekāt ā nasuskāt kéche kesikoók óche, ākose pāche tetétipināo unehee ussineeā iskwātāmik óche, ākose tātuppew.

3 Tapiskooch ka wawastāpuyik issenakoosew, mena oot ayoowinis wapiskayew tapis-kooch koonā.

4 Ākose ā ispeêche koostatchik okoo ka kunowâyétúkik ké nunumpuyewuk, mena tapiskooch ayiseyinew ā nippit ke isse ayawuk.

5 Ākose owa kéche Utooskayakun nuskwāwusehāo mena omisse itāo iskwāwuk, Ākaweya keyawaw sākissik: ne kiskāyētān ā nutoonowāk Jesus, ka ké cheestahaskwateét.

6 Numoweya ota ayaw: assi ké wuniskaw, ka ké itwāt. Pāche, wapūtumwāk itta ka ké pimisseék ka Tipāyéchekā.

7 Ākose neyak kewāk sāmak, mena wétumamāk oo kiskinóhumowakuna ā ké wuniskat nippoowiník óche: mena, maka weya nekan itoótāo Galileék; ākota kā wapumāk: matika, ke wétumatinawaw.

8 Ākose tapwā sipwātāwuk sāmak chepuyekumikoók óche sākissewuk mena kéche mumátakoosewuk; mena ispūtawuk kitta achimoostowatchik oo kiskinóhumowakuneyewa.

9 ¶ Ākose oma ā nutowe wétumowatchik oo kiskinóhumowakuneyewa, poote, Jesusa kākchewak ka nukiskakootchik, omisse itikwuk, Mumátakoosik. Ākose, pāche oteétināwuk oo siteyík, mena putuppeestowāwuk.

10 Ākose Jesus omisse itāo, Ākaweya sākissik: nutowe wétumākook ne chewamuk kitta itoótatchik Galileék, ākota kā wapumitchik.

11 ¶ Ākose mākwach ā itoótatchik, ateét

unekee ka ké kunowāyētúkik pā itoótāwuk Kéche waskahikuník, ākose wapútīnāwuk kéche Ayumehāwekemawa kákeyow unehee ka ké totumoót.

12 Ākose ispe ka mamowe nutoótóotchik ussitche unekee kāsāyanékatúkik, mena ka ooyussoowāchik, meeyāwuk mistahā sooneyawa semakunisa,

13 Omissé itāwuk, omissé itwāk, oo kiskin-ōhumowakuna ké pāche kimooteyewa we'yow nipatipisk mākwach ā nipayāk.

14 Netap keespin pātúke Kéche Ookemaw, ne ga sakoochimanān, ākose numoweya nantow ke ga itotakowinawaw.

15 Ākose otināwuk sooneyawa, mena totumwuk ā ké isse kiskinōhumāchik: āwuko maka oma itwāwin mosuk yatotúkik Jewuk peyis unoóch ka kesikak.

16 ¶ Ākose okoo pāukoosap metatút kiskinōhumowakunuk itoótāwuk Galileék, wutcheék itta Jesus ā ké itikootchik.

17 Ākose ispe weāpumatchik, putuppeestowawuk: maka ateét numoweya soóke ké tapwātumwuk.

18 ¶ Ākose Jesus pāche omissé itāo, Kákeyow soókatissewin ne meeyikowin kéche kesik-oók mena ota uskeék.

19 Neyak maka, nutowe kiskinōhumowakunikāk ka túto skanāmukissitchik ayiseyinewuk, seekahátákook oo wéyoowiník isse

Ótawemaw, mena Wākoosiséék mena ka Kunat-
issit 'Achák:

20 Kiskinóhumákook kitta nakutowāyétúk-
ik kákeyow kākwi ka ké isse kukāskimituk-
ook: netap ke ga wechāwitinawaw túke, peyis
eyekoók kā poone uskeewúk. Amen.